


POPOL WUJ

Kaqchikel Cholchi'




K'ULB'IL YOL TWITZ PAXIL
Academia de Lenguas Mayas de Guatemala



POPOL

WUW

KACCHIKEL CHOLEHI



POPOL

WUJ

KAQCHIKEL CHOLCHI'

KULB'IL YOL TWITZ PAXIL
Academia de Lenguas Mayas de Guatemala - ALMG
Dirección Lingüística y Cultural - DILINC

K'AMÖL TAO B'EY:

Trinidad Matías Rafael Jiménez Camposeco
Nab'ey k'amöl b'ey

José Miguel Medrano Rojas
K'amöl b'ey samaj

Cruz Velásquez Mendoza
K'amöl b'ey pwäq

Aurelio Domingo Hurtado Montejo
K'amöl b'ey solchi'

SAMAJELA':

K'AMÖL B'EY RICHIN RUQ'ASAXIK WUJ PA MAYA'
CH'AB'ÄL
Saqikan, Modesto Cresencio Baquix Barreno
K'amöl b'ey richin ruq'asaxik

Modesto Cresencio Baquix Barreno
K'amol b'ey richin ri samaj

MARCOS ARMANDO CALI SEMEYA
Q'asanela' tziij

JUAN YOL GOMEZ
ORTENCIA SIMON
Nik'onela'

B'uk Keej
Nuk'unel wuj

K'ULB'IL YOL TWITZ PAXIL
ACADEMIA DE LENGUAS MAYAS DE GUATEMALA

MAYA POPB'AL TI'
DIRECCION LINGUISTICA Y CULTURAL

KAQCHIKEL CHOLCHI'
COMUNIDAD LINGUISTICA KAQCHIKEL



POPOL
WUJ

POPOL WUJ

Academia de Lenguas Mayas de Guatemala.
ALMG, 13 Calle 11-52 Zona 1, Guatemala, Guatemala, 2001.
Telefax. 2323404, 2329342, 2500213, 205711, 2207841.
e-mail: almg@terra.com.gt / DILINC@amigo.net.gt

K'AMÖL TAQ B'EY RICHIN RI KAOCHIKEL CHOLCHI'

| | |
|---------------------|---|
| Nab'ey k'amöl b'ey: | <i>Tz'unun Ya'</i> , María del Carmen Tuy Tococho |
| Ruka'n k'amöl b'ey: | María Esperanza Alicia Tuctuc Mux |
| Ajtz'ib': | Valerio Toj Cotzajay |
| K'amöl b'ey pwäq: | Arnulfo Axbuac Martínez |
| Nab'ey to'onel: | Oswaldo Ajzalan Morales |
| Ruka'n to'onel: | Santiesteban Chicol Gómez |
| Rox to'onel: | María García López de Rodriguez |

MATYOXINEM

Chi re ri loq'ölaj Ajaw ruma xuya' ri na'oj chi rub'anik re samaj re.

Chuqa' chi ke ri winaqi' ri xeto'on chi runik'oxik re samaj re:

Kaqtijax, Anastasio Guarcax y Guarcax

Aq'ab'al, Audelino Sajbin Barreno

Ixchel, María Eugenia Esquit

Juan Demetrio Sicajol Pérez

Hugo tiladelfio Sotz Gómez

OKB'AL TZIJ

Ri K'ulb'il Yol Twitz Paxil ntajin nizamäy pa ruwi' rutemexik rukolik, chuqa' ritaluxik ri rokisaxik ri Maya' ch'ab'äl wawe' pa Iximulew.

Ronojel k'a re samaj re' nib'an richin chi k'oj ta jun q'ij tz'aqät ta nqab'än chi re ruch'ab'exik chuqa' ri rutz'ib'axik, richin k'a ke ri' nb'eqila' ta ri kinqinem ri Maya' ch'ab'äl. Ruma k'a ri' ruk'in ronojel qak'u'x nqaya' apo chi iwe wakami re jun utziläj qawuj re kitz'ib'an kan ri qati't qamama', re wuj re' tz'ib'atäl kan pa K'iche' ch'ab'äl.

Ri K'ulb'il Yol Twitz Paxil xumäy chi janila k'atzinel chi ri qach'alal kaqchikela' k'oj ta re wuj re' pa kich'ab'al, ruma k'a ri' xuq'axaj pa Kaqchikel ch'ab'äl.

Re utziläj qawuj re' rub'ini'an "Popol Wuj", wawe' k'a e yakäl kan e tz'ib'atäl kan ri Maya' na'oj kichajin ri qati't qamama' pa ruwi' ri k'aslem, pa ruwi' ri kamik, pa ruwi' ri utzil chuqa' pa ruwi' ri itzelal, k'oj ri na'oj pa ruwi' rutz'ukik rawexik ri kik'aslem ri nab'ey taq winaqi' ri e nab'ey qate'qatata' rixetz'aq kuma ri Ajawa', chuqa' nqil chupam re loq'oläj wuj re' achike rub'eyal xetz'ukutäj pe ri k'ichelaj, ri chikopi', ri ixkanul, ri palow, ri juyu', ri taq'aj.

Ri na'oj k'oj chi rupam ri Maya' b'anob'äl man junam ta ruk'in kina'oj ri ch'aqa' chik winaqi' chi ruwäch ruwach'ulew, pa kaxlan na'oj xb'an kib'anik ri nab'ey taq winaqi' xa ruk'in jun rutzij xub'ij ri Ajaw, pa Maya' na'oj man ke ta re'. Ri popol Wuj nutzijoj chi qe chi ri Ajawa' xetzijon, xkiya' chi kiwäch, xkitun ri kina'oj, kan ke wi ri', ri kisamaj k'arunaj üt z xel chi kiwäch k'a pa rukaj mul tz'aqät xel ri kisamaj.

Nutzijoj chuqa' chi rupam re qawuj re' chi pa rutikirib'al pe ri k'aslem k'oj ri itzelal chuqa' ri utzil, nutzijoj chi qe achike rub'anikil ri utzilal xch'akon pa ruwi' ri itzelal. Pa ruk'isib'äl nutzijoj jub'a' chi qe ri kik'aslem ri qach'alal K'iche'a' chi ruxe' kan kipetik ri kaxlani' wawe' pa Iximulew.

K'iy k'a ri na'oj, kiy k'a ri etemab'äl tikirel nqelesaj chi rupan re jun loq'oläj qawuj re', nqarayb'ej k'a chi töq ri kaqchikela' xtikisik'ij rupam, xtikisöl ta rij, xtikiq' ta rij, xtilik ta ri etamab'äl ri yakon kan chi rupam ri kitzij ri qati't qamama'.

Nqak'awumaj chi ke konojel ri winaqi' xe'ok chi rupam ri samaj xrajowaj pe ri ruq'axaxik pa Kaqchikel ch'ab'äl chuqa' chi ke konojel ri winaqi' ri xenik'on rupam.

RUSOLIK SAMAJ

| | |
|---|-----|
| Nab'ey taq tzij | |
| Rusolik samaj | · |
| Nab'ey Tziz: Rutikirib'äl ruxe'el ri Popol Wuj | : |
| Ruka'n Tziz: Rutz'ukik ri kaj, ulew | |
| Rox Tziz: Kitikik, kitz'ukik ri chikopi' | : |
| Rukaj Tziz: Ri nüm q'eqäl q'ol | · |
| Ruwo' Tziz: Runimil, ruq'aq'al ri Wuqu' Kaqix | : |
| Ruwaq Tziz: Ri Sipaknay, Ka'i' Raqän, ri kichaq' ki' | · ☉ |
| Ruwuq Tziz: Kib'anob'äl ri Jun Ajpub', Ixb'alamkej | · · |
| Ruwaqxaq Tziz: Rub'anob'äl ri Sipaknay | · ∴ |
| Rub'elej Tziz: Ruch'akatajik ri Sipaknay | · ∴ |
| Rulaj Tziz: Ri rub'anob'äl, ruch'akatajik ri Ka'i' Raqän | · |
| Rujulaj Tziz: Ri Jun Jun Ajpub', Wuqu' Jun Ajpub' kichaq' ki' | · ∴ |
| Rukab'laj Tziz: :Ruk'ayewal ri Xib'alb'ay | · ∴ |
| Roxlaj Tziz: Ri q'opoj Xkik' | : · |
| Rukajlaj Tziz: Rutz'aqat ruk'aslem ri Xkik' | : |
| Ruwolaj Tziz: Ri kalaxik ri yoxi' Jun Ajpub', Ixb'alamkej | : ∴ |

| | |
|---|-------|
| Ruwaqlaj Tzij: Ri Jun Ajpub', Ixb'alamkej | : : |
| Ruwuqlaj Tzij: Ri oyonen pa Xib'alb'ay | : : |
| Ruwaqxaqlaj Tzij: Ri b'enan pa Xib'alb'ay | : :⌘ |
| Rub'elejlaj Tzij: Rutijob'äl je' Xib'alb'ay | : : : |
| Rujuk'al Tzij: Ri julëy chik rutojtob'äl Xib'alb'ay | : : |
| Nab'ey Rukak'al Tzij: Ri ch'akonik pa jom | : : |
| Ruka'n Rukak'al Tzij: Ri rayib'en kamik | : : |
| Rox Rukak'al Tzij: K'astajib'äl | : : |
| Rukaj Rukak'al Tzij: Ri jotolen b'enam pa raxatzel | : : |
| Ruwo' Rukak'al Tzij: Pan Paxil, Kayala' | : : . |
| Ruwaq Rukak'al Tzij: B'alam Ki'tze', B'alam Aq'ab', Majukutaj, Ik' B'alam | : : : |
| Ruwuq Rukak'al Tzij: Kaj Paluna, Chom Ya', Tzunün Ya', Kaqix Ya' | : : : |
| Ruwaqxaq Rukak'al Tzij: B'enan, tzolijnen Pa Tulan Siwan, Wuqu' Pëk, Wuqu' Siwan | : : |
| Rub'elej Rukak'al Tzij: Ri loq'oläj q'aq', ri ajawaren k'ojlemal | : : |
| Rulaj Rukak'al Tzij: Ri k'awomabäl | : : |
| Rujulaj Rukak'al Tzij: Oyob'enik k'u'x | : : |

| | |
|---|-------|
| Rukab'laj Rukak'al Tzij: Pa Tojil, Awilix, Q'aq' Witz | ∴ |
| Roxlaj Rukak'al Tzij: Ri ralaxib'äl ri q'ij | ∴ ∴ |
| Rukajlaj Rukak'al Tzij: Rurayib'äl kik'u'x ri Tojil, Awilix, Q'aq' Witz | · |
| Ruwo'laj Rukak'al Tzij: Ri kik' kotz'i'j | ∴ |
| Ruwaqlaj Rukak'al Tzij: Kitachi'inik ri Ixtaj, Ixpuch' | ∴ |
| Ruwuqlaj Rukak'al Tzij: Runuk'ik ri lab'al | |
| Ruwaqxaqlaj Rukak'al Tzij: Ruchajixik ri k'ox tun | ∴ |
| Rub'elejlaj Rukak'al Tzij: Ruk'isib'äl taq kib'anob'äl ri nab'ey taq te' tata' | |
| Rukak'al Tzij: Rusipanik ruk'awomab'äl ri Nakxit | ∴ |
| Nab'ey Roxk'al Tzij: Rutz'ukik Chi Ismachi' | · ⤵ |
| Ruka'n Roxk'al Tzij: Rutikik ri Q'uma'r Ka'aj | · ∴ |
| Rox Roxk'al Tzij: Ri Ajaw Q'uw' Kumätz | · |
| Rukaj Roxk'al Tzij: Kib'i' ri nima'q Ajawa' | · · |
| Ruwo' Roxk'al Tzij: Ri utziläj taq rutzij runa'oj ri tinamit | · |
| Ruwaq Roxk'al Tzij: Kimi'al kik'ajol ri Ajawa' | · ∴ |
| Ch'uticholtzij | · ∴ |

Nab'ey Tzij

 Rutikirib'äl ruxe'el ri *Popol Wuj*

Ja re' ruxe' ri ojer taq tzij ri xek'ulwachitäj wawe' pa ruwach'ulew **K'iche'** rub'i'.

Chere' xtiqatz'ib'aj wi, xtiqatikib'a' wi ri ojer taq tzij, ri rutikirib'äl, ri ruxe' ronojel ri xb'an pa **K'iche'** tinamit, kamaq' ri k'iche' winäq.

Wawe' k'a xtiqak'am pe ruk'utik, ruq'alajirisaxik, rutzijoxik chuqa' ri awexab'äl, saqirib'äl ruma ri **Tz'aqol**¹, **B'itol**², ri **Alom**³, **K'ajolom**⁴ kib'i'. Ri **Jun Ajpub' Wuch'**, **Jun Ajpub' Utiw**, ri **Saqinim Aq**⁵, **Saqinim Sis**, ri **Tepew**, **Q'uq' Kumätz**, ri **Ruk'u'x Choy**, **Ruk'u'x Palow**, ri **Ajrxaläq**, **Ajrxasel**⁶.

Chi rucha'xik, rachib'ixik, rachtzijoxik kij ri **lyom**⁷, **Mamom**⁸, ri **Xmukane**, **Ixpiyakok** kib'i'. Ri **Matzenel**, **Kuchunel**, ri **Kamul lyom**, **Kamul Mamom** xe'ucha'ex⁹ pa k'iche' taq tzij. Ja ri töq xkitzijoq kan ronojel ri chi saqil k'oilem, chi saqil tzij xkib'an.

Chere' xtiqatz'ib'aj chi rupam kaxlan tz'ib'anik chik, pa kristyan ruq'ijul chik xtiqelesaj rutzijol ruma man k'oj ta chik ri tz'etb'äl, ri **Popol Wuj**, ape' nilitäj wi rusaqil ri k'aslemal töq xpe juk'an ya', juk'an palow, rutzijoxik qamujal, rutz'etb'äl saqak'aslem. Keri' xe'ucha'ex.

K'oj wi kan ri nab'ey ruwujil, ri ojer tz'ib'an ruwäch, xa ewatäl, yakäl k'a chi ruwäch ri ajch'ob'oj. Nim rub'anik, nim rutzijoxik k'a töq xk'achöj, töq xnuk'utäj ronojel ri kaj, ulew, rukaj tz'ukuxik, rukaj xukutil, retaxik, rukaj che'exik¹⁰. Ri rumejk'amaxik¹², ruyuk'amaxik¹² chi rupam kaj, chi rupam ulew. "Kajtz'uk, kajxuküt" xb'ix kan chi re ruma ri **Tz'aqol**, **B'itol**, ri **Ruchuch**¹³, **Ruqajaw**¹⁴ ri k'aslem, winaqirem, ri uxlanel, k'u'xlanel, ri alal richin, k'u'xla'al richin ri saqil, amaq'il, ri saqilal, saqil k'ajol, ri ajch'ob'oj, ajna'oj chi re ronojel ri k'oj pa ruwi' ri kaj, ulew, ri choy, palow.

Ruka'n Tzìj
Rutz'ukik ri kaj, ulew

- ∴ Ja' re' rutzijoxik wawe': k'a silan, k'a tz'iran, k'a si'il, k'a chamäl, k'a timalin, k'a tolan rupam ri kaj.
- ∴ Ja k'a re' ri nab'ey taq tzìj, nab'ey taq ch'ab'äl: man jani wi jun winäq, jun chiköp, tz'ikin, kär, täp, che', ab'äj, jül, siwan, k'im, k'echelaj, xa xe wi kaj ri k'oj.
- ∴ Man q'aläj ta ri ruwäch ulew, xa xe remël ri palow chi ruwäch chi rupam ri kaj.
- || * Man jun nuk'un, niq'ajan, man jun nisilon, nisik'in pa rujamalil ri kaj.
- || Man jun chuxtäq k'o, pa'äl ta. Choj remël ri ya', si'il ri palow, xa xe remël, man jun chuxtäq k'oj ta.
- ☞ Ronojel tolan rub'anon, xa xe q'equ'm, aq'a' rub'anon.
- ∴ Xa xe ri **Tz'aqol**, **B'itol**, ri **Tepew**, **Q'uq' Kumätz**, e **Alom**, **K'ajolom** pa saqtetöj ya'
- ∴ e k'oj wi. E matzäl pa kisumal q'uq', pa niraxrojin kij. Ke re' rub'ini'an ri **Q'uq' Kumätz**. E nima'q taq etamanela', e nima'q taq ajna'oj pa kik'ojlemal. Kan qitzij na wi e achi'el ri e k'oj pa kaj, e k'oj pa **Ruk'u'x Kaj**, ja k'a re' ri **Kab'awil**¹⁵ kib'i'. Xe'ucha'ex.
- ∴ Ja ri' töq xpe k'a ri rutzij chere', xulqa k'a kuk'in ri **Tepew**, **Q'uq' Kumätz** wawe' pa q'equ'mal, pan aq'ab'äl. Xch'o'n, xtzijon kuk'in ri **Tepew**, **Q'uq' Kumätz**.
- || { * Xech'o'n k'a. Ja ri' töq xenojin k'a, ja ri' töq xech'ob'on, xketamaj k'a kiwäch, xkijunamaj kitzij, kina'oj. Ja k'a ri' töq xsaqirisan pe.
- || Ja ri' töq xkik'u'xla'aj ki'. Xa xe k'a ri saqil k'oj töq xk'ulun pe ri winäq. Ja ri' töq xkina'ojij rutz'ukik, ruwinaqirisaxik ri che', k'am, rutz'ukik ri k'aslem, winaqiren pa q'equ'mal, pan aq'ab'äl ruma ri **Ruk'u'x Kaj**, **Jun Raqän** rub'i'.

- ||| Jun Raqän ri nab'ey. Ri ruka'n Ch'i'p Kaqolajay. Ri rox chik, Rax¹⁶ Kaqolajay. Chi e oxí' e Ruk'u'x Kaj.
- ||| Ja ri töq xetoqa kuk'in ri Tepew, Q'uuq Kumätz, ja ri' töq xena'ojin pa ruwi' jun ch'ajch'öj k'aslem: –¿achike ta k'a rawexaxik xtiqab'än richin xtoqa ri tzuquy qichin, ri iliy qichin?
- ||| Ke ri' töq xb'anatäj, ke ri' töq xna'ojitäj: –¡xa xtuch'är ta k'a ri' ri ya'! ¡Xa xtijamatäj ta k'a! ¡Tiwinaqir k'a pe ruwäch ri ulew! ¡Xtunük' ta k'a ri'! ¡Ch'ajch'oj ta xtub'än! ¡Taläch k'a, tisaqirisan k'a ri kaj, ulew! ¿La manäq ta k'a ruq'ij rub'anikil rij ri qatz'aq, qab'it? Kewinaqir k'a ri winäq tz'aq, winäq b'it–
- \$ ke k'a ri' xkib'ij. Jari' töq xwinaqir ri ulew kuma rije'.
- • Xa ruk'in kitzij xk'oje' ri ruwinaqirik. Xwinaqir ri ulew. –¡Ulew!– xecha', pa jun anin merwäch xwinaqir.
- : Ke k'a ri' xa sutz', xa moyew ri ruk'ojlem ruwinaqirem. Xoqa, xb'ek'ulun pe pa ya' ri juyu', pa juyik' xe'ok el nima'q taq juyu'.
- : Xa ruk'in kinawal, xa ruk'in kipusil xk'achöj, xb'anatäj wi runa'ojixik ri juyu', taq'aj, pa juyik' xb'anatäj kik'iyirik, kiwinaqirik ri k'isis, ri chäj chi ruwäch ulew.
- : K'a ri' k'a xkikot ri Tepew, Q'uuq Kumätz: –¡utziläj ri apeteb'al rat Ruk'u'x Kaj! ¡Rat Jun Raqän! ¡Rat loq'oläj Ch'i'p Kaqolajay! ¡Rax Kaqolajay!
- | –Xutzir k'a ri qatz'aq, qab'it– xecha' k'a.
- • | Nab'ey k'a xwinaqir ri ulew, ri juyu', taq'aj. Xejaqalöx k'a kib'ey ri ya', k'a ri' xeb'e xeb'iyin chi kiköjöl taq juyu'. Choj ch'ob'ol xek'oje' wi ri ya', ja ri' töq xkik'ut ki' ri nima'q taq juyu'.
- : | Ke k'a re' rutz'ukik ri ruwäch ulew töq xwinaqirisäch kuma ri Ruk'u'x Kaj, Ruk'u'x Ulew xkitzijo k'a rij. Ke k'a re' nab'ey xkina'ojij ruk'olik ri kaj, ka ri' ri ruwäch ulew ri k'oj chi rupam ri ya'.



- :: Ke k'a re' runojixik töq xkinük', töq xkich'öb' rutzil ri xb'anatäj kuma rije'.

Rox Tzij

Kitikik, kitz'ukik ri chikopi'

- :: Ja re' töq xena'ojin chik xkib'än, xkitik ri ruchikopil juyu', ri e chajiy k'echelaj, ri jalajöj ruwinaqil juyu': ri Kej¹⁷, tz'ikin, köj, b'alam, kumätz, sochöj, k'anti', chajiy k'am.
- ·|| Xkib'ij k'a ri **Alom, K'ajolom**: –ǰxa tz'iran, timalin ruxe' taq che', taq k'am? Xa k'atzinel chi tik'oje' chajiy kichin–
- :: Xecha' k'a. Ja ri' töq xkina'ojij, xkitzijo. Pa juyik' k'a, pa merwäch xewinaqir ri Kej, ri tz'ikin. Ja k'a ri' töq xsipäx ri kachoch ri Kej, ri tz'ikin:
- :: –rat Kej: pa taq raqän ya', pa taq siwan xkawär wi, chere' xkak'oje wi, pa taq k'im, pa taq q'ayis, pa k'echelaj xtiwalaj wi iwi'. Kajkäj k'a ib'inib'äl¹⁸, ichakalib'äl xtik'oje' – xe'ucha'ex.
- :: K'a ri' xk'ut kachoch ri ch'uti'n taq tz'ikin, nima'q taq tz'ikin. –Rix tz'ikina' pa ruwi' taq che', pa ruwi' taq k'am, sibäq', chi ri' yixb'e'achochin wi, yixb'ejayin wi. Chi ri' xkixpuqan wi, xtikiraj iwi'¹⁹ chi kiq'a' ri che', chi kiq'a' ri k'am–
- :: Xe'ucha'ex kan ri Kej, ri tz'ikin. Jari' töq xkib'än kib'anoj, konojel xkik'ul kiwarab'äl, kiyakalib'äl. Choj xok kachoch chiköp ri ulew xuya' ri **Alom, K'ajolom**, üt xikib'an konojel ri Kej, ri tz'ikin.
- ||| Jari' töq xe'ucha'ex chik k'a ri Kej, ri tz'ikin ruma **Tz'aqol, B'itol, Alom, K'ajolom**:
- ·|| –ǰkixch'o'n k'a, kixsik'in k'a! ǰKixq'ajan k'a, tiraqa' ichi'! ǰKixch'o'n k'a chi ijujunal, pa taq molaj, pa taq tzob'aj!– xe'ucha'ex ri Kej, tz'ikin, köj, b'alam, kumätz.

- :|| –jTib'ij k'a ri qab'i', kojikajarisaj²⁰ røj ite', røj itata'! jKe re' k'a rub'ixik ri qab'i' xtib'ij: **Jun Raqän, Ch'i'p Kaqolajay, Räx Kaqolajay, Ruk'u'x Kaj, Ruk'u'x Ulew, Tz'aqol, B'itol, Alom, K'ajolom!** jKixch'o'n, tiya' qaq'ij, kojiq'ijela'!– ke k'a re' xb'ix chi ke.
- :|| Choj k'a xewitz'iwot, man k'a xutzir ta xech'o'n achi'el ri winäq, xa xe xewech'ëch', xa xeqerelöj, xa xejaq'on. Man xwachin ta ruwäch ri kich'ab'äl, xa jalajöj k'a kich'ab'äl xkokisab'ej chi kijujunal.
- :|| Ja ri' töq xkak'axaj ri **Tz'aqol, B'itol** chi choj xewitz'iwot, chi man xutzir ta xech'o'n. Xkib'ij k'a chi kiwäch: –man xutzir ta rub'ixik ri qab'i' ruma røj ri öj kajtz'aq, öj kajb'it, re' man e ützt ta– xecha' chi kiwäch ri **Alom, K'ajolom.**
- ¶ Xa ke k'a re' xe'ucha'ëx chik: –xa xkixjalatäj ruma man xixutzir ta, man xixch'o'n ta, wakamin k'a xqajäl qatzij. Ri iway, iq'os, iwarab'äl²¹, ik'ojlib'äl, xa chi ri' xkixwachin wi, pa taq siwan, k'echelaj ruma man xutzir ta ri qaq'ijeloxik, man xojinataj ta.
- • –Xa k'a e k'oj k'a xkeya'on qaq'ij, xa xkeqab'än chik ri e nimanel qichin. Rix tik'ama' pe ri ipatan, ri iti'ojil. jKe ri' tib'an!
- : Ja k'a re' tipatanij xe'ucha'ëx töq xepixab'äx ri ch'uti'n taq chiköp, nima'q taq chiköp ri e k'oj chi ruwäch re ruwachulew.
- : Ja ri' töq xkitij chik kiq'ij, töq xkitojtob'ej chik k'a, xuraj k'a xkinük' chik kiq'ijilab'äl.
- : Xa man xq'ax ta chi kiwäch ri kich'ab'äl. Xa man xewachin ta, xa man jun xb'anatäj.
- | Xa ruma k'a ri' xchaqatäj²³ wi ri kiti'ojil, richin yetij, yekamisäx ri chiköp ri e k'oj wawe' chi ruwäch re ruwachulew.

- : | Ke k'a ri' rutojto**b'**exik chik ri winäq tz'aq, winäq b'it, kuma ri Tz'aqol, B'itol, Alom, K'ajolom.
- : | –Xa tiqatija' chik qaq'ij jun mul, xa nisaqirisan yan pe. iTi**q**ab'ana' k'a ri tzuquy qichin, iliy qichin!
- : || –¿Achike ta k'a xtiqab'än richin xkojsik'ix, xkojnatäx chi ruwäch ri ruwachulew? Xqatij yan qaq'ij chi kij ri nab'ey qatz'aq, qab'it. Man xutzir ta qaq'ijiloxik, qaq'alajirisaxik chi kiwäch rije'. Tiqatojto**b'**ej kib'anikil k'a ri winäq nimäy tzij, ya'öy qaq'ij, tuquy qichin. iliy qichin– xecha'.
- : || Ja re' rutz'ukik, rub'anik k'a. Ruk'in ulew, ch'ab'äq ri ruti'ojil xkib'än.
- : || Man üt**z** ta k'a xkitz'ët, xa niyöj, xa lub'ulik, xa tuk'utik, xa tuqutik, xa wuluwik, xa niq'umär. Man nusiloj ta rujolom²⁴. Xa tzalawäch, man nitzu'un ta chi rij. Pa rutikirib'äl xch'o'n, xa manäq runa'oj. Xa chi anin xtumär pa ya', xa man kow ta.
- : || Xkib'ij k'a ri **Ajtz'aq, Ajb'it**: –kan q'aläj wi chi man yeb'iyin ta, man yepuqan, ye'alan ta. Wakamin xa xe k'a ri na'oj nirajo' pa ruwi'– xecha'.
- : || Ja ri' töq xkiyöj chik k'a, xkiyöj chik ri kit**z'**aq, kib'it, k'a ri' xkib'ij chik: –¿achike ta k'a xtiqab'än chi re richin ta xtutzir, xtiwachin ri q'ijilol qichin, sik'il qichin?
- : || Xecha' töq xkina'ojij chik. –Ti**q**ab'ij chi ke ri **Xpiyako'k, Xmukane, Jun Ajpub' Wuch', Jun Ajpub' Utiw.** iTi**q**atija' chik ruq'ijuxik, rub'itaxik!– xecha' chi kiwäch ri **Ajtz'aq, Ajb'it**. Ja ri' töq xkib'ij chi ke ri **Xpiyako'k, Xmukane**.
- : || K'a ri' xkib'ij chi ke ri e **Nachanela', Rati't Q'ij, Rati't Säq.** Xb'ix chi ke kuma ri **Tz'aqol, B'itol**, ke re' kib'i' ri **Xpiyako'k, Xmukane**.

- : ||| Xkib'ij k'a ri **Jun Raqän** ruk'in **Tepew**, **Q'uq' Kumätz**. Ja re' xkib'ij chi ke ri e **Ajq'ij**, **Ajb'it** ri e **Nachanel**: -tikik'ulu' xa chuqa' tikikanuj, xa achí'el ta chik chi kib'anik ri qawinaq b'itoj, qawinaq tz'aqoj xke'el ri e tzuqüy, iliy qichin, xkojsik'ix ta, xkojnab'äx ta chuqa'.
- : ||| -Kixok k'a pa tzijonen **Iyom**, **Mamom**, **Qati't**, **Qamama'**, **Xmukane**, **Xpiyako'k**. Nik'achöj ta chi iwäch töq xtiseqer pe, xkojsik'ix ta k'a, xkojloq'öx ta k'a, xkojnatäx ta k'a kuma ri winäq tz'aq, winäq b'it, winäq poy, winäq b'anon. ¡Ke ta k'a re' xtib'an!
- : ||| -Tik'utu' iwi' **Jun Ajpub' Wuch'**, **Jun Ajpub' Utiw**, **Kamul Alom**, **Kamul K'ajolom**, **Saqinim Aq**, **Saqinim Sis**, **Ajq'owal**²⁵, **Ajyamanik**, **Ajch'ut**, **Ajtz'aläm**, **Ajraläq**, **Ajrasasel**, **Ajq'ol**, **Ajtoltekat**, **Rati't Q'ij**, **Rati't Säq**. Xkixch'ab'äx kuma ri qatz'aq, qab'it.
- : ||| -Tiwob'aj ri ixim, ri tz'ite', xa xtib'anatäj, xa jeb'el xtel ta rub'anikil ri qasamaj. Tiya' retz'ab'al ruchi', ruwäch²⁶ - xe'ucha'ex ri **Ajq'ija'**.
- : ||| K'ate xkiya' ruq'ijiloxik, rawob'axik chi ixim, chi tz'ite'. - ¡Q'ij! ¡b'it! - xecha' k'a ri **Jun Ati'taj**, **Jun Mama'aj** chi ke. Ja k'a re' ri **Mama'aj**, ja k'a re' ri **Ajtz'ite'**, **Ixpiyakok** rub'i'. Ja k'a re' ri **Ati'taj**, **Ajq'ij**, **Ajb'it**, chi raqän **Ixmukane** rub'i'.
- : § Xecha' k'a töq xkitikib'a' ruwa q'ijunik: -¡xa xtilir k'a rub'eyal, xa xtilir k'a rusaqil! ¡Tib'ij, tikak'axaj na ri qaxikin ri ich'ab'al, ri itzijob'al! Xa tuk'ulu' ri' ri che', tajäx, tijös kuma ri **Ajtz'aq**, **Ajb'it**. Ja', ja re' ri e tuqüy . iliy qichin töq xtawexäx, ri töq xtisaqirisan pe.
- : -Rat ixim, rat tz'ite', rat q'ij, rat b'it ¡tatikirib'a' k'a ri apatan, asamaj! - xub'ij chik chi re' ri ixim, tz'ite'. -¡Q'ij! ¡b'it! ¡Tasik'ij, taq'ijila' **Ruk'u'x Kaj**, man takajij man tatz'ila' ruchi', ruwäch ri **Tepew**, **Q'uq' Kumätz**!

- ∴ : Xecha' tōq xkina'ojij k'a rilixik, rutzuquxik: –ja re' ütztel rub'anik ri poy, ajan che'²⁷. Tich'o'n titzijon na k'a chi ruwäch ri ulew.
- ∴ : –jKe ri' tib'an!– xecha' k'a. Tōq xkib'ij xa pa juyik'²⁸ xk'achōj ri poy, ajan che'. Achi'el wināq xwachin, achi'el wināq xtzijon. Ja k'a re' ruwinaqil ruwach ulew.
- ∴ : Xeb'an k'a, xewinaqir k'a, xemi'alan, xek'ajolan ri poy, ajan che'. Xa manāq kik'u'x, manāq k'a kina'ojib'äl, chuqa' man xekinataj ta ri **Kajtz'aq, Kajb'it**. Xa loq' xeb'iyin, xa chōj xecha'kchotlan.
- ∴ | Man xkinataj ta chik ri **Ruk'u'x Kaj**. Ke re' k'a tōq xepaj ruma xemakun, xa jun rutojto'bxik, xa jun rutz'ukik xb'an chik. Kan pa rutikirib'äl man xech'o'n ta, xa chaqi'j kiwäch²⁹, xa b'ayab'äq kiq'a', kaqän, manāq kikik'el, kiti'ojil, manāq kitz'ojpil, kiq'anal, chaqi'j kiq'o'tz, ch'imo'y kiwäch, chuk'uchäq kiq'a', kaqän, tuk'utäq kiti'ojil, kib'aqil.
- ∴ | Ke k'a re' tōq man xechojmitäj ta chik chi ruwäch ri **Tz'aqol, B'itol**, ri alal kichin, uxla'el kichin. E nab'ey molaj wināq ri xek'oje' chere' chi ruwach ulew.

Rukaj Tzij

Ri nīm q'eqäl q'ol

- ∴ | K'a ri' k'a xpe kik'isik, kichupik, kiqupixik. Xekamisäx chik k'a ri e poy, ajan che'.
- ∴ | Ja ri' tōq xnojix kiq'utik³⁰ ruma **Ruk'u'x Kaj**, nīm q'utik k'a ri xpe pa kiwi' ri e poy, ajan che'.
- ∴ | Tz'ite' xok ruti'ojil ri achin tōq xajäx ruma ri **Tz'aqol, B'itol**. Ri ixōq sib'äq k'a ruti'ojil xokisäx ruma ri **Tz'aqol, B'itol**.
- ∴ || Man xena'on ta, man xech'o'n ta chi ruwäch ri **Kajtz'aq, Kajb'it**, ri **B'anol Kichin, Winaqirisol Kichin**.

Xa ruma k'a ri' xekamisäx, xeq'ut. Xpe nīm q'ol chi la' chi kaj. **Kotk'owäch** rub'i' ri xk'oto'n el runaq' kiwäch. Xpe k'a ri **Kamalotz** xb'eruq'upila' pe kijolom. Xpe chik k'a ri **Kotz B'alam** xutij³¹ ri kiti'ojil. K'a ri' xpe chik ri **Tukum B'alam** xutük, xukich ri kib'aqil, kib'och'il. Xk'ajix, xmuch'uch'ëx kib'aqil richin k'ajisab'al kiwäch

Xa ruma k'a man xkib'an ta pa ruchojmilal chi kiwäch ri kite', kitata', ri **Ruk'u'x Kaj, Jun Raqän** rub'i'. Töq xq'equ'matäj ruwach ulew, k'a ri' xpe q'eqäl jäb', chi paq'ij jäb', chi chaq'a jäb' xqa pe.

K'a ri' xe'oqa ri ch'uti'n taq chiköp, nima'q taq chiköp. Xq'ut³² kiwäch kuma ri che', ab'äj. Xech'o'n k'a ri kikuku'³³, kixot, kiläq, kib'oyo'y, kitz'o', kika'. Chi ronojel xq'ut kiwäch.

–K'ayew xib'an chi qe, xojik'ux³⁴. Wakamin k'a rix xkixqak'ux chik– xcha' ri kitz'i', kāk' chi ke.

Ja k'a ri ka': –xjok'o'n qichin iwuma rix q'ij q'ij, chi xq'ëq³⁵, chi nimaq'a'. Jantape' "jol jol, jok' jok'" nub'an qawäch iwuma. Ja re' ri nab'ey taq qapatan xqab'an chi wäch, rix k'a re' ix winäq, wakamin xtitij quchuq'a', xtiqake'ej, xtiqajök' k'a ri iti'ojil– xcha' ri kika' chi ke.

Ja k'a re chik xub'ij ri kitz'i' töq xch'o'n chik: –¿achike ruma man xojitzüq ta? Xa chöj xojitzu', xa xojich'äy pe, xa xojiwoqotaj pe, xa jantape' k'oj jun che' iwuk'in töq yixwa'.

–Ke re' xib'an chi qe, xa ruma man yojtikir ta wi xojch'o'n, xa jub'a' man xojikamisaj. ¿Achike k'a ruma man xixna'on ta? Man xijoyowaj ta qawäch. Xa chi wij k'a xojisachatäj wi. Wakamin k'a xkixkuyun chi eyaj, xa xkixqak'ux– xecha' ri kitz'i' chi ke töq xq'ut³⁶ kiwäch.

- ⋮ ||| Ke re' chuqa' xub'ij ri kixot, kib'ojo'y chi ke: –k'ayew xib'än chi qe, xaqir ri qachi', xaqir ri qawäch, jantape' öj tzakäl pa ruwi' q'aq', xojiporoj, xa xqaköch' ri rayil, poqonal ri xib'än chi qe.
- ⋮ ||| –Wakamin k'a xtitij rayil poqonal, xkixqaporoj– xecha' ri kib'ojo'y chi ke konojel. Xporöx kiwäch. Töq k'a ri' nitel pe pa q'aq' ri kixuk'ub', chöj tijumüm xuk'äq pe ri pa kijolom. K'ayew ri xb'an chi ke.
- ⋮ Ⓢ Aninäq kemalmotlan, ye'animäj. Nikajo' yejote' pa ruwi' taq jay, xa nib'ewuluwu' pe chi kij, xa yetzaq pe ri jay. Nikajo' yejote' pa ruwi' taq che', xa yech'aqix pe kuma ri che'. Nikajo ye'ok pa jül, xa nuyüch ri' ruchi' ri jül chi kiwäch.
- ⋮ · Ke k'a re' töq xeyoj ri winäq tz'aq, winäq b'it. Ri xa e yojyäq, xa e tzalatzäq chi winäq. Xyoj k'a, xq'ut k'a kichi', kiwäch konojel.
- ⋮ : Nicha' k'a. –Ja retal ri k'oy ri k'oj pa k'echelaj wakamin. Wawe' xkanäj wi kan ri retal, ruma xa che' xokisäx richin kiti'ojil kuma ri **Ajtz'aq, Ajb'it**.
- ⋮ : Xa ruma k'a ri' ri k'oy xa achi'el winäq tiwachin. Retal richin juläy winäq tz'aq, winäq b'it, ri xa poy, xa choj ajan che'.

Ruwo' Tzizj

Runimil, ruq'aq'al ri Wuqu' Kaqix

- ⋮ : Ja k'a re' rub'anon wi ri ruwach ulew, man jani k'oj ri q'ij, ronojel saqmuqumüj rub'anon. K'oj jun k'a ri nunimirsaj ri', ja ri **Wuqu' Kaqix** rub'i'.
- ⋮ | Nab'ey k'oj ri kaj, ulew, xa timoymot ruwäch ri q'ij, ik'.
- ⋮ ·| Nicha' k'a ri' chi ja rija' rusaqil retal ri winäq ri xq'ut, xa achi'el ri nawal winäq ruk'oje'm.



—;Rin ri in nimaläj, ri in k'oj pa ruwi' winäq tz'aq, winäq b'it! ;Rin ri in ruq'ij! ;Rin in rusaqil! ;Rin chuqa' ri in rik'ilal! ;Xa ke re' k'a töq xtinimär ri nusaqil!

—Rin ri in b'inib'äl, rin ri in chakanib'äl kichin ri winaqi'.

—Ruma pwäq ri runaq' nuwäch, xa niyik'ilun chi räx ab'äj, niraxrojin. Chuqa' ri wey niraxq'ulq'utin chi ab'äj achi'el ri ruwa kaj.

—Ri nutza'n, nitz'intz'öt chi näj achi'el ri ik'. Ri nuch'akatb'äl kan saqipwäq. Töq yiyakatäj el pa nutz'uyub'äl nisaqir chi jun ri ruwach ulew.

—Ke ri' chuqa' rin kan in q'ij wi, in ik' chuqa' kichin ri saqilal, saqil k'ajol, kan ke ri' wi ruma k'a näj napon wi nutzub'al—

ke k'a re' xub'ij ri **Wuqu' Kaqix**. Xa man qitzij ta k'a chi q'ij ri **Wuqu' Kaqix**, xa chöj nunimirisaj ri' ruma ri ruxit³⁷, rupwaq.

Xa man näj ta napon wi ri rutzub'äl, xa man ronojel ta ruxe' ri kaj napon wi rutzub'äl.

Xa k'a man jani tz'etel ruwäch ri q'ij, ik', ch'umil, xa k'a man jani wi kesaqirisan wi.

Ke k'a ri' **Wuqu' Kaqix** töq xurokisaj ri' q'ij, ik'. Töq xa k'a man jani wi tiq'alajin, tiwachin rusaqil ri q'ij, ik'. Xa xurayij k'a ri nimilen, ri q'aaq'aren.

Ja k'a re' töq xb'an ri q'utik kichin ri poy, ajan che'.

Wakamin k'a xtiqatzijoj chik ruma töq xkäm ri **Wuqu' Kaqix**, ruma töq xch'akatäj. Chuqa' achike ruma xb'anatäj ri winäq kuma ri **Ajtz'aq, Ajb'it**.





Ruwaq Tzij

Ri Sipaknay, Ka'i' Raqän, ri kichaq' ki'

||| Chere' xtikir ruxe' ruch'akatajik, rutzaqik ruq'ij ri **Wuqu' Kaqix** kuma ri e ka'i' k'ajola'³⁸. **Jun Ajpub'** rub'i' ri jun, **Ixb'alamkej** rub'i' ri ruka'n.

||| Rije' e **Kab'awil**, ruma ri' itzel xkitz'ët ri runimirsab'äl ri'il ri xuraj xub'än chi ruwäch **Ruk'u'x Kaj**. Xecha' k'a ri k'ajola': –xa man wi üt z k'a tib'anatäj chik ke re'. Man jun winäq tik'ase' chi ruwach ulew.

| 0 –Tiqatija' qaq'ij chi rupub'axik pa ruwi' ruwa'im, tiqapub'aj k'a chi ri', tiqokisaj ruyab'il richin tik'is rub'eyomal, ruxit, rupwaq, ruyamanik ri yereplun. Richin man ta k'a ke re xtikib'än konojel ri winaqi'.

| • –Man ruk'in ta k'a ri pwäq xtiwinaqir ri ruq'aq'al, xa xtiq'atatäj k'a– xecha' ri k'ajola', töq kitelen el kipub' chi kijujunal.

| : Ja k'a ri **Wuqu' Kaqix** e k'oj ka'i' ruk'ajol, ri nab'ey ruk'ajol **Sipaknay** rub'i', ri ruka'n ruk'ajol **Ka'i' Raqän** rub'i', **Chimalmat** k'a ri' rub'i' ri kite', ri rixjayil ri **Wuqu' Kaqix**.

| : Ja k'a ri **Sipaknay** ja re' nub'än, netz'an kuk'in ri nima'q taq juyu' ri **Chi Q'aq'**, **Jun Ajpub'**, **Pekul**³⁹, **Raxq'anul**, **Makamob'**, **Julisnab'**, ke ri' ye'ucha'ëx kib'i' ri juyu'. E k'oj chik töq xsaqër pe, xa pa jun aq'a' xewinaqir⁴⁰ el ri juyu' ruma ri **Sipaknay**.

| : Ja k'a re' xub'än ri **Ka'i' Raqän**, yesilon ri juyu' ruma, yeruyikikej chi ch'uti'n, chi nima'q taq juyu'.

|| Xa xe wi nimirsab'äl xkib'än ruk'ajol ri **Wuqu' Kaqix**. –jRin k'a ri q'ij!– xcha' ri **Wuqu' Kaqix**. –jRin in b'anöy ulew!– xcha' ri **Sipaknay**. –jRin chik k'a ri in silöy kaj chuqa' in wuläy ronojel ri ulew!– xcha' ri **Ka'i' Raqän**.



| · | Ri ruk'ajol ri **Wuqu' Kaqix** xa chi rij k'a ri kitata' xkik'äm wi ri kinimiren. Ja re' ri itzel xkitz'ët ri k'ajola'.

| : | Chi ri' k'a man jani keb'an ri nab'ey qate', nab'ey qatata'.

| : | Xa ke ri' k'a töq xnojix chik kikamik, kisachik kuma ri k'ajola'.

Ruwuq Tzij

Kib'anob'äl ri Jun Ajpub', Ixb'alamkej

| : | Wawe' k'a xb'an pub'axik richin **Wuqu' Kaqix** kuma ri e ka'i' k'ajola'. Xtiqatzijoj ri kich'akatajik chi kijujunal ri kinimirsan ki'.

| : | Ri **Wuqu' Kaqix** nutz'et ruwäch jun nüm che' tapa'l rub'i', ja ri' ruway **Wuqu' Kaqix**, nutz'et k'a ruwäch ri che', ronojel q'ij nijote' pa ruwi'. Xtz'et k'a ruwayib'äl kuma ri **Jun Ajpub', Ixb'alamkej**.

| || Xkiq'ijuj k'a rij töq xtoqa ri **Wuqu' Kaqix** chi ruxe' che'. Yenachan pe pa ruxaq che' ri e ka'i' k'ajola'. Töq xapon k'a ri **Wuqu' Kaqix** chöj xjote' pa ruwi' ri ruwayib'äl, ri tapa'l.

| · | K'a ri' töq xpub'äx k'a kuma ri **Jun Ajpub'**, chöj xb'e ruk'aqb'äl k'a pa rukaxkate', xa xuraqagej ruchi' töq xb'etzaq pe pa ruwi' che' k'a pan ulew.

| : | Chi anin, timalmöt xb'e apo ri **Jun Ajpub'**, nib'eruchapa' apo, xa chi ri' k'a töq xq'upix el ruq'a' ri **Jun Ajpub'** ruma ri **Wuqu' Kaqix**, pa juyik' xtzaq qa, xtz'oqix el chi rutza'n rutele'm.

| : | K'a ri' xurisd'opij el ri **Jun Ajpub'** ri **Wuqu' Kaqix**, choj üt xub'än re kere' xkib'an, xa man nab'ey ta xech'akatäjä ta ruma ri **Wuqu' Kaqix**.

| : | Uk'wa'n chik el ruq'a' ri **Jun Ajpub'** ruma **Wuqu' Kaqix**. Ja ri' töq xb'e chi rachoch, rutemen rukaxtate' xapon.



- | ||| –ǵAchike k'a ri ak'amon pe chi la'?– xcha' ri **Chimalmat**, rǵixjayil ri **Wuqu' Kaqix**. –ǵAchike xinb'ǵn? Xa e ka'i' k'axtok' xinikipub'aj, xkikorob'a' ri nukaxtate'
- | •||| Ruma k'a ri' nikorokǵt chik ri wey, janina chik niq'axom. Wakamin titzeqe' k'a pa ruwi' q'aq' ri q'ab'aj, chi ri' tijeke', qitziǵ kan e k'axtok' wi– xcha' ri **Wuqu' Kaqix**, loman nutzeqeb'a' ruq'a' ri **Jun Ajpub'** pa ruwi' q'aq'.
- | :||| Kina'ojin chik ri **Jun Ajpub'**, lxb'alamkej tǵq xkib'ij k'a chi re ri jun mama'aj, qitziǵ chi sǵq chik ruwi' rujolom ri mama'aj ri', chi re chuqa' jun ati'taj, qitziǵ chi kamul ati'taj chik, xa yelukukin chik ruma rijixik.
- | :||| **Saqinim Aq** rub'i' ri mama'aj, **Saqinim Sis** k'a ri' rub'i' ri ati'taj.
- | :||| Xkib'ij k'a ri k'ajola' chi ke ri ati'taj, mama'aj: –xa xkixqachib'ilaj ta tǵq xtib'ek'ama' ri qaq'a' ruk'in ri **Wuqu' Kaqix**, xa xkojb'e chi wij. Xa ke re' k'a xtib'ij: "rije' xa e qamam e qachib'ılan, xa kaminǵq ri kite', kitata'. Xa ruma k'a ri' yetzeqeyaj chi qij, xa b'a akuchi nisipǵx wi kijasta'q, rije' xa xe elesan ruchikopil eyaj nkib'ǵn" kixcha'.
- | ǵ –Xa achi'el k'a ǵj ak'wala' xkojrutz'ǵt ri **Wuqu' Kaqix**, rǵj ri' xa niqaya' ina'oj– xecha' ri e ka'i' k'ajola'.
– Ǵtz k'a ri'– xecha' ri ati'taj, mama'aj.
- | • K'a ri' tǵq xeq'ax ri ati'taj, mama'aj. Jaq'ǵl k'a ri **Wuqu' Kaqix** pa ruq'alib'ǵl⁴¹ ri **Ajaw**. Ja ri' tǵq xe'ik'o ri ati'taj, mama'aj, kachib'ılan ri e ka'i' k'ajola' yetze'en. Ja ri tǵq xe'ik'o chi ruxe' rochoch ri **Ajaw**, najin nurǵq ruch'i' ri **Wuqu' Kaqix** ruma ruq'axomal rey.
- | : K'a ri' tǵq xutz'ǵt k'a ri **Wuqu' Kaqix** ri ati'taj, mama'aj ri kachib'ılan ki'. –ǵApe' kixpe wi rix qamama'?– xcha' k'a

re **Ajaw** re'. –Röj xa niqakanuj ri qaway, quk'iya' rat **Ajaw**– xecha' chi re.

⌋ : –¿Rix achike k'a nikanuj? ¿La man iwalk'wa'l ta la e' iwachib'ilan? –¡Man e qalk'wa'l ta rat **Ajaw**! Rije' xa e qiy, qamam, xa niqajoyowaj kiwäch, xa k'a ya'ël, sipäl jupir, juwech' kiway ri niqaya' chi ke rat **Ajaw**– xecha' k'a ri ati'taj, mama'aj.

⌋ : Xa nijilo'n k'a ri **Ajaw** ruma ruq'axomal rey, xa chöj nimaril chik nich'o'n. –Ruk'in ta jub'a' nijoyowaj ta nuwäch. ¿Achike pe nib'an rix? ¿Achike pe niwaq'omaj?– xcha' k'a ri ri **Ajaw**.

⌋ | –Xa ruchikopil eyaj niqelesaj, xa runaq' wachaj niqaq'omaj, ri yuquj b'aq niqab'än, rat **Ajaw**– xecha' k'a chi re.

⌋ | –Ütz ta k'a ri' we yiniwaq'omaj ta jub'a', qitzij ronojel q'ij niq'axom, xa xik'o yan nuk'u'x chuqa' man jun nuwaran ta ruma niq'axom runaq' nuwäch.

⌋ : –Xa xinkipub'aj e ka'i' k'axtok', chi ri' töq xtikir ri nuq'axomal, xa man ütz ta chik yiwa' ruma. Xa xtijoyowaj ta jub'a' nuwäch, xa nikoroköt chik ri wey.

⌋ : –Ütz k'a ri' rat **Ajaw**, xa chiköp nik'uxun richin, xa ruk'exel nirajo'. –Xa man ütz ta nel ri wey ruma rin in **Ajaw**, xa e nukowib'äl ri wey ruk'in ri runaq' nuwäch.

⌋ : –Xa xtiqak'ojoj, xa xtiqab'än ruk'exel ruk'in ri jok'on b'aq– Ja k'a ri jok'on b'aq ri' xa choj saq ixim.

⌋ || –Ütz k'a ri', tiwelesaj, kinito' pe– xcha' k'a. Ja ri' töq xe'el k'a ri rey ri **Wuqu' Kaqix**. Xa saq ixim ruk'exel ri rey xok, xa saqb'utub'üj nub'än pe ri ixim pa ruchi'.

- | · || Chi anin xpoyitäj ruwäch, man **Ajaw** ta chik xwachin, xb'ek'is k'a ri ruq'owal taq rey, xkanäj ri raxkawaköj rub'anon pe pa ruchi'. Xaq'omäx chik k'a ri runaq' ruwäch ri **Wuqu' Kaqix**, xpoch' k'a ri runaq' ruwäch, xk'is ri runimil ruk'ojlem.
- | || Xa man xq'axon ta xuna'. Xa ke k'a ri' töq xk'is runimirsab'äl. Ja re' xk'achoj xa ruma kina'oj ri **Jun Ajpub'**, **Ixb'alamkej**.
- | || Ja ri' töq xkäm k'a ri **Wuqu' Kaqix**, k'a ri' xköl kan ri ruq'a' ri **Jun Ajpub'**. Xkäm chuqa' ri **Chimalmat**, rixjayil ri **Wuqu' Kaqix**.
- | || Ke k'a ri' rusachik rub'eyomal ri **Wuqu' Kaqix**. Xa aq'omanel ri xk'amon el ri ruq'uwal, ri ruyamanik ri xuchapej ruk'in chere' chi ruwach ulew.
- | ||| Ja ri nawal ati'taj, nawal mama'aj xeb'anon ke re'. Ja ri' töq xkik'am el ri q'ab'aj, xkiya', xkinak'ab'a' chik el.
- | ||| Xa richin k'a rukamik ri **Wuqu' Kaqix** xkajo' ke re' xkib'an, itzel xkitz'ët ri runimirisab'äl. Xa ruma k'a ri' xeb'e chik ri e ka'i' k'ajola', ruma xkinimaj rutzij ri **Ruk'u'x Kaj** töq ke re' xkib'an.

Ruwaqxaq Tzij

Rub'anob'äl ri *Sipaknay*

- | ||| Wawe' k'a xtiqatzijoj chik rub'anob'äl ri **Sipaknay**, ri nab'ey ruk'ajol ri **Wuqu' Kaqix**. –Rin in b'anöy juyu'– ncha' k'a ri **Sipaknay**.
- | ||| Natin k'a ri **Sipaknay** chi ruchi' ya' töq xe'ik'o ri omuch' k'ajola', kikiriren jun che' richin ruk'u'x ruxatatil kachoch, e omuch' richin rub'inisaxik ri che'. Xkiqasaj k'a jun chi nimaläj che' richin ruk'u'x rutemal kachoch.



1. K'a ri' k'a xb'e ri **Sipaknay**, xapon k'a kuk'in ri omuch' k'ajola': –¿achike nib'an rix k'ajola'? –Xa man yojtikir ta niqayäk el re che' chi ruwi' qatele'm. –Tintelej k'a el chi iwäch. ¿Akuchi nik'wa'j wi? ¿Achike k'a rusamaj xtiya'?

2. –Xa rutemal qachoch nik'atzin wi chi qe. –Ütz k'a ri' xcha' k'a. Xutzeqej k'a el ri che', xutelej el, kan k'a chi ruchi' kachoch ri omuch' k'ajola' xb'eruya' wi kan.

3. –Xa ta yak'oje' quk'in rat k'ajol? ¿La e k'oj ri ate', atata'? –E manäq chik– xcha' k'a. –Xa xkatiqapeyoj jub'a' chwa'q richin rupab'axik jun qache', raqän qaka'aj. –Ütz k'a– xcha'.

4. K'a ri' k'a xkijunamaj kina'oj ri omuch' k'ajola': –¿achike ta jun xtiqab'än chi re? tiqakamisaj, ruma man ütz ta la nub'än, xa pa ruyonil xutzeqej la che'.

5. –Tiqak'oto' k'a jun nimaläj jül, xa chi ri' k'a xtiqatäq wi qa'. “Kaqa' qa pa jül, tab'ewelesaj pe ri ulew” xkojcha' chi re. Ke ri' töq xtichake qa chi ruk'otik ri ulew pa jül, ja k'a ri' töq xtiqatorij qa ri nimaläj che' chi rij, chi ri' k'a xtikäm wi pa jül–

6. Ke re' xkib'ij ri omuch' k'ajola'. Ja ri' töq xkik'öt ri jun nimaläj jül. Näj chik k'a qajnäq qa ri jül töq xkitäq qa ri **Sipaknay** chi rupam. –Röj yojkanäj kan chere' tab'ek'oto' qa ri ulew, ruma röj man yojtikir ta chik niqil– xkib'ij chi re.

7. –Ütz k'a– xcha'. Xa ke k'a ri' töq xqa qa pa jül. –Kasik'in pe töq xtik'ototäj ri ulew... ¿La näj yan xqa qa awuma?– xucha'ëx qa. –¡Ja'!– xcha' pe, töq xutikirib'a' qa ruk'otik ri jül, xa pa ruxikin ri rujül xuk'öt wi ok, richin nuköl ri'.

8. Rija' xuna' ri rukamik, ruma k'a ri' xuk'öt chik jun jül chi ruxikin ri nab'ey jül richin nukolib'ej ri'.



- ⋮ | –¿Janipe xak'öt yan qa?– xucha'ëx qa kuma ri omuch' k'ajola'. –K'a nuchapon nutz'amon ruk'otik, xa xkixinwoyoy el töq xtik'ototäj– xcha' pe ri **Sipaknay** pa jül.
- ⋮ | | Xa man nuk'öt ta ri jül, rumuqubäl, xa nuk'öt jun chik richin rukolib'äl. Ke k'a ri' töq xsik'in pe ri **Sipaknay**, xa rukolon chik ri' pa rujül töq k'a ri' xsik'in pe.
- ⋮ | | –¡Kixqa pe! to'ijoko' qa ri ulew pa rachäq ri jül xa xk'ototäj yan. Qitzij näj yan xqa qa wuma. ¿La man niwak'axaj ta k'a ri nusik'ib'äl? Isik'ib'äl rix nik'oxoman el, xa achi'el jun releb'äl, ka'i' releb'äl ruchuq'a' ruk'oxomal nub'an el, xa ix k'oj k'a chi ri' ninwak'axaj–
- ⋮ || Xcha' k'a pe ri **Sipaknay** pa rujül. Chi ri' k'a wuq'ül wi. Nisik'iyaj pe pa jül.
- ⋮ || K'a ri' xtzeqëx el ri nimache' kuma ri k'ajola', k'a ri' xkitorij qa ri che' pa jül.
- ⋮ || –Man kow kojch'o'n richin xtiqak'axaj töq xturäq ruchi' töq xtikäm– xecha' chi kiwäch. Xa yejasløj, xa choj yematzaløj chi kiwäch chi kijujunal ja ri töq xkitorij qa ri che'.
- ⋮ || –¡Ay!– xcha' k'a. Ke re' k'a töq xuraqaqej ruchi', xa jun mul ok xsik'in töq xqa ri che'.
- ⋮ || | –¡Aaa...! ¡Ütz xub'an! ¡Kan jeb'ël xqab'an chi re! ¡Xkäm k'a! Ja b'ey re' ruk'amon pe ri nub'an. Xuk'is ta rub'anik ri rutikirib'an pe', k'oj ta jun nimaläj qak'ayewal wakamin. Ruma okinäq chik chi qakojol röj omuch' k'ajola'–
- ⋮ || | xecha' k'a, yekikot chik. –Xa ruma k'a ri' xkojqumun oxij, xtiqachajij, xtiqanimaq'ijuj chi qachoch ri röj omuch' k'ajola'–




- || xecha'. –Chwa'q xtiqatz'ët na k'a, kab'ij xtiqatz'et we man yepe ta k'a ri sanik pan ulew töq xtichuwir, töq xtiq'äy pe', k'a ja ri' xtikuqir qak'u'x, k'a ja ri' xtiqaqüm ri qaki'⁴² – xecha' k'a.
- ||| Xa nirak'axaj k'a pe ri **Sipaknay** chi ri' pa jül ri xkib'ij ri k'ajola'. Pa ruka'n q'ij xetob'uq'ij ri sanik, xetoqa, xetub'uchub'u' el. Ja ri' töq xek'ulun chi ruxe' ri che'.
- ||| Jub'utzaj rismal wi'aj kikayelo'n, kikayelo'n chuqa' rixk'äq ri **Sipaknay**. Töq xkitz'ët k'a ri k'ajola': –iman xkowin ta ri k'axtok'! jTitz'eta' ri sanik xetok'ulun, xetob'os el! rismal wi'aj kikayelo'n, juläy chik ixk'äq. jTitz'eta k'a ri xqab'an! – xecha' chi kiwäch.
- ||| Ja' k'a ri **Sipaknay** xa k'äs, xa xuk'üq el rismal ruwi'⁴³, xa choj nuk'ux el rixk'äq richin nuya' el chi ke ri sanik.
- ||| Xa ke k'a ri' töq xkäm pa kik'u'x ri omuch' k'ajola', pa rox q'ij xkitikirib'a' ri kiqu muj. Kan xeq'ab'är konojel ri k'ajola'.
- || Töq e q'ab'arela' chik konojel ri omuch' k'ajola', töq man nkina' ta chik, k'ate xwuläx ri kika'aj pa kiwi', ruma ri **Sipaknay**, xa ke k'a ri' töq xk'is kich'ayik konojel.
- ||| Man jun jun, man jun ka'i' xkolotäj ta kan chi ke ri omuch' chi k'ajola', xa xekamisäx ruma ri **Sipaknay**, ruk'ajol ri **Wuqu' Kaqix**.
- ||| Ke k'a re' kikamik ri omuch' k'ajola' ri xtizijöx kan. Ja k'a re' ri xe'ok ch'umil, xa "**Säq Mo'tz**" xub'ini'aj kuma. Ruk'in b'a saqil tzij re'.

Rub'elej Tzij

Ruch'akatajik ri Sipaknay

- ||| Wawe' k'a xtiqab'ij wi ri ruch'akatajik ri **Sipaknay** kuma ri ka'i' k'ajola' ri **Jun Ajpub'**, lxb'alamkej.





- ⋮ | Ja k'a re' ruch'akatajik, rukamik ri **Sipaknay** töq xch'ak kuma ri e ka'i' k'ajola' ri **Jun Ajpub'**, **Ixb'alamkej**.
- ⋮ · | Niq'aq'an kik'u'x⁴⁴ ri e ka'i' k'ajola' ri omuch' chi k'ajola' xekam ruma ri **Sipaknay**.
- ⋮ : | Xa kär, xa täp nukanuj chi taq ya', richin nirilib'ej ri' q'ij q'ij. Ri paq'ij nik'astan nukanuj ruway. Ri chaq'a nurejqaj ri juyu'.
- ⋮ : | Xb'än k'a ruwachib'al jun nım täp kuma ri **Jun Ajpub'**, **Ixb'alamkej**. Xkokisaj ri ruwäch jech'ëch'⁴⁵, ri nima'q taq jech'ëch' ri e k'oj pa taq k'echelaj.
- ⋮ : | Chi re ri ruxul, ri ruq'a', raqän xkokisaj ri pajak rub'i'⁴⁶. Richin ri kowokik rij, ruwarachaq täp xkokisaj ri selab'aj rub'i'⁴⁷.
- ⋮ || K'a ri' k'a xkokisaj ok ri täp chi ruxe' ri pëk⁴⁸ ri k'oj chi ruxe' nima'q taq juyu'. **Me'owan** rub'i' ri juyu' ape' xch'akatäj wi.
- ⋮ · || K'ate k'a xepe ri k'ajola' xkik'ül k'a ri **Sipaknay** pa ya'. – ¿Akuchi yab'e wi rat k'ajol?– xucha'ëx k'a ri **Sipaknay**. – Xa man jun ape' ta yib'e wi, xa nuway ninkanuj rix k'ajola'– xcha' ri **Sipaknay**.
- ⋮ : || –¿Achike k'a ri away? –Xa kär, xa täp. Manäq chik yenwil ta. Xb'e oxi' q'ij ri man in wa'inäq ta, xa man ninkoch' ta chik ri numik⁴⁹– xcha' ri **Sipaknay** chi ke ri **Jun Ajpub'**, **Ixb'alamkej**.
- ⋮ : || –Jun täp k'oj pe chi ruxe siwan. ¡La' qitzij chi jun nım täp! ¡Xa man xtak'is ta rutijik! Xa yojruk'apij roma ri' man niqachäp ta. Niqaxib'ij qi' ruma, ruma ri' man niqachäp ta– xecha' ri **Jun Ajpub'**, **Ixb'alamkej**.

–ǰTijoyowaj k'a nuwäch! Yixb'e ta b'a wuk'in rix k'ajola'– xcha' ri **Sipaknay**. –Röj man yojtikir ta yojb'e, k'ab'iyin ayon, xa man sachib'äl ta, xa xe ri raqän ya' tawojqaj el. Xa xtab'ewila' apo chi ruxe' nım juyu', wak'äl wi chi ruxe' ri siwan. ǰJät k'a!– xecha' ri **Jun Ajpub'**, **Ixb'alamkej** chi re.

–ǰLa nijoyowaj nuwäch? Xa man xtinwil ta. Rix k'ajola' tib'ek'utu' b'a chi nuwäch. Rın ninb'ek'utu' chi iwäch ri tz'ikina', richin ye'ipub'aj ta, xa weta'am akuchi e k'oj wi– xcha' chik k'a ri **Sipaknay**.

Xch'ob'on na richin xunimaj kitzij ri k'ajola'. –We man xkatikir ta xtachäp xtatz'äm, yojtzolin chik pe awuma rat. Röj man xqatij ta, xa nik'apin pe töq jupül xojök ok, xa nuxib'ij ri' chi qawäch töq pa k'awalik yojok ok. Xa jub'a' man xqachäp xqatz'äm, xa ütz k'awäl yatok ök– xucha'ëx.

–Ütz k'a– xcha' ri **Sipaknay**. Ja re' töq xerachib'ilaj k'a el **Sipaknay**. Xeb'e'apon chi ruxe' ri siwan, tzalan k'a ri täp, kaqwak'awöj rub'anon rij chi ruxe' ri siwan ri ape' xkiq'olib'ej wi.

–ǰÜtz k'a!– xkikot ri **Sipaknay**. K'oj ta nirajo' nuya' chi anin ri q'utu'n pa ruch'i ruma ri qitzij niwa'ijan. Xutojto'ej k'a, tijupujüt xok ok, xa ja k'a ri täp tiwak'awot xb'e pa jotöl.

K'a ri' k'a xel chik el. –ǰMan xachäp ta?– xucha'ëx k'a. –Manäq ruma xa xb'e pa jotöl, xa jub'a' man xb'enq'i'. Ütz ta we yinok pa k'awalem– xcha' chik k'a.

Chi anin xok chik el pa k'awalem, töq jub'a' man nuk'is ok ri ruch'akul chi rupam ri jül töq xb'ejilijo' pe ri nım juyu' chi ruwa ruk'u'x.

Chi ri' k'a xmuqutäj wi kan, chi ri' ab'äj k'a xupo' wi ri' ri **Sipaknay**.

|| · Ke ri' k'a ruch'akatajik ri **Sipaknay** kuma ri k'ajola' ri **Jun Ajpub', Ixb'alamkej**. "Ri b'anöy juyu'⁵⁰" xb'ix chi re ojer kan ri nab'ey ruk'ajol ri **Wuqu' Kaqix**.

|| : Chi ruxe' ri juyu' **Me'owan** rub'i' xch'akatäj wi. Xa ruk'in nawal xch'akataj ri ruka'n runimirisan ri'. Wakamin k'a jun chik k'a xtiqab'ij rub'ixik.

Rulaj Tzij

Ri rub'anob'äl, ruch'akatajik ri *Ka'i' Raqän*

|| : Ri rox runimirisan ri' ja ri ruka'n ruk'ajol ri **Wuqu' Kaqix, Ka'i' Raqän** rub'i': -jrin in wuläy juyu'!- xcha'.

|| : Ke k'a re' ri **Jun Ajpub', Ixb'alamkej** xech'akon ri **Ka'i' Raqän**. Xcha' ri **Jun Raqän, Ch'i'p Kaqolajay, Rax Kaqolajay** töq xch'o'n kuk'in ri **Jun Ajpub', Ixb'alamkej**:

|| | Ri ruka'n ruk'ajol ri **Wuqu' Kaqix**, jun chik chi ke ri xch'akatäj ruma qatzij, ruma man ütztä xkib'än chi ruwach'ulew, xan kik'owisaj kiq'ij, chini malem, chini alalem, man ke ta k'a ri' tib'an.

|| · -Kixk'awoman k'a chi la' pa releb'äl q'ij- xcha' k'a ri **Jun Raqän** chi ke ri e ka'i' k'ajola'.

|| : -Ütz k'a **Ajaw**. Man ütztä niqatz'ët. Xa xerati at k'oj, xa xerati at yakël, rat at **Ruk'u'x Kaj**- xecha' k'a ri k'ajola' töq xkik'ül ri rutzij ri **Jun Raqän**.

|| : Ja k'a re' najin ri **Ka'i' Raqän**, yojöy juyu'⁵¹, xa jub'a' ok nutinij raqän chi ruwach'ulew, chini anin niwule' ri nima'q taq juyu', ch'uti'n taq juyu' ruma.

|| : Ja ri' töq xk'ulutäj kuma ri e ka'i' k'ajola': -zakuchi k'a yab'e wi rat k'ajol?- xecha' chi re ri **Ka'i' Raqän**. -Man



jun ape' yib'e wi, xa in wuläy juyu', xa in yojol richin tib'e q'ij, tib'e säq- xcha' k'a ja ri töq xch'o'n.

Xub'ij k'a ri **Ka'i' Raqän** chi ke ri **Jun Ajpub'**, **Ixb'alamkej**:
-¿achike no'ib'ana'? Xa man wetaman ta iwäch. ¿Achike k'a ib'i'?- xcha' ri **Ka'i' Raqän**.

-Manäq k'a qab'i', xa öj pub'anela', xa öj tzaranela' pa taq juyu', xa öj meb'a'i', man jun k'oj ta qilon qichin rat k'ajol.

-Xa pa ch'uti'n taq juyu', xa pa nima'q taq juyu' yojb'e wi rat k'ajol. K'oj k'a jun n'im juyu' qatz'eton, jun juyu' ri janipe na näj b'enäq wi chi kaj, ri ik'owinaq chi kiwäch ri ch'aqa chik juyu'.

-K'a manaq jun, ka'i' tz'ik'in qachapon ta chi ruwäch rat k'ajol. -¿La kan qitzij yatikir nawulaj ronojel taq juyu' rat k'ajol?- xecha' ri **Jun Ajpub'**, **Ixb'alamkej** chi re ri **Ka'i' Raqän**.

-Man qitzij ta xitz'et ri juyu' nib'ij. ¿Akuchi k'oj wi k'a? Xa xtitz'ët na k'a töq xtinwulaj qa. ¿Ape' xitz'ët wi? -Ke la' b'a k'oj wi pa releb'al q'ij - xecha' k'a ri **Jun Ajpub'**, **Ixb'alamkej**.

-Ütz, tik'wa'j ri qab'ey- xe'ucha'ëx ri e ka'i' chi k'ajola'.
-¿Ja ri' manäq! xa yatiqaya' el pa nik'aj, chi qakojol yatk'oje wi, jun pan axokön, ri jun chik pan awikiq'a' chi qe ruma k'oj qapub'. We e k'oj tz'ik'in yeqapub'aj- xecha' k'a.

Yekikot chik, yekitojtob'ela' ri kipub'anik, xa manäq rupam ri kipub'. Xa yekuxlab'ej ri tz'ik'ina' töq yekipub'aj. Ja k'a re' yerumäy ri **Ka'i' Raqän**.

Ja ri' töq xkitzij⁵² k'a ri kiq'aq' ri k'ajola'. Xekisa'⁵³ k'a ri tz'ik'ina' chi ruwäch ri q'aq'. Jun k'a tz'ik'in xkikil ri sajkab' chi rij, säq ulew xkokisaj:



- ||| –ja k'a re' ri xtiqaya' chi re, richin xtusëq ruxla', rujub'ulik ri tz'ik'in töq xtisatäj. Ja k'a ri ulew xok chi rij ri tz'ik'in quma. Pan ulew xtiqatzäq wi, ke k'a chuqa' ri', xa pan ulew k'a xtiqamüq wi.
- ||| –iNima'q k'a retamab'äl jun tz'aq, jun b'it⁵⁴! i'töq xtiq'alajin pe, töq xtisaqirisan pe!– xecha' ri k'ajola'.
- || –Ruma ri rurayib'äl ri ruk'uxlal richin rutijik, ruk'uxik. Ke re k'a ri rurayib'äl ri **Ka'i' Raqän**– xecha' chi kiwäch ri **Jun Ajpub', Ixb'alamkej**.
- || • Töq xkisa' ri tz'ik'in chuqa' xchaq'aj k'a, q'än q'än rusa'ik, niyipo rij, nik'imo rij ri tz'ik'in, jub'ül jub'ül ri ruxla'.
- || : Ja k'a ri **Ka'i' Raqän** nurayij chik nutij, xa nlejo' chik ruchub' chi rij, xa nib'iq'b'o'x chi rutijik, ruma ri rusimilik ri tz'ik'in.
- || : Ja ri' töq xuk'utuj k'a: –achike k'a ri irikil? Kan qitzij chi jeb'äl ri ruxla' ninsëq. Niya' ta k'a jub'a' chi nuwe rin– xcha' k'a.
- || : Ja ri' töq xya' k'a jun tz'ik'in chi re ri **Ka'i' Raqän**, xa richin ruch'akatajik. K'a ri' rija' k'a xuk'is rutijik ri tz'ik'in. Töq xeb'e chik k'a, xeb'e'apon k'a pa releb'äl q'ij ri akuchi k'oj wi ri nım juyu'.
- || | K'a ri' k'a ri **Ka'i' Raqän** xa xetuqutu' k'a ri ruq'a', raqän. Manäq nikowin ta chik ruma ri ulew kilon pe chi rij ri tz'ik'in ri xutij. Xa ruma k'a ri', man jun chik niril ta achike nub'än chi re ri juyu', xa man xtikir xuwulaj ta.
- || | Ja ri' töq xxim k'a kuma ri k'ajola', chi rij xxim wi ruq'a', xjitz' ruq'a' kuma ri k'ajola'. Xxim chik ruqüy raqän, k'a ri' xkib'irij pan ulew, ja k'a ri' töq xetikir xkimüq wi.
- || : Ke re' k'a ruch'akatajik ri **Ka'i' Raqän** ri'. Ri **Jun Ajpub', Ixb'alamkej** man wi ajilatäl ta ri kib'anoj chere' chi ruwäch ulew.

Wakamin k'a xtiqab'ij chik kalaxik ri **Jun Ajpub'**, **Ixb'alamkej**. Pa nab'ey xqab'ij pa ruwi' kich'akatajik ri **Wuqu' Kaqix** ruk'in **Sipaknay** ruk'in **Ka'i' Raqän** wawe' chi ruwach ulew.

Rujulaj Tzij

Ri Jun Jun Ajpub', Wuqu' Jun Ajpub' kichaq' ki'

Wakamin k'a xtiqab'ij chik rub'i' ri kite', kitata' ri **Jun Ajpub'**, **Ixb'alamkej**. Xtiqakamuluj chi ruwi' kaqän, chuqa' xtiqakamuluj chik rub'ixik, rutzijoxik chuqa' ri kik'ajolaxik ri **Jun Ajpub'**, **Ixb'alamkej**. Xa xe k'a nik'aj chik ök xtiqab'ij ruma, xa q'equ'm rub'ixik⁵⁵ ri kite', kitata'.

Chere' k'a rutzijoxik, ja re' kib'i': ri **Jun Jun Ajpub', Wuqu' Jun Ajpub'** ye'ucha'ex. Rije' k'a kite', kitata' ri **Xpiyako'k**, **Ixmukane** kib'i'. Chi q'equ'mal, chi aq'ab'al kalaxik ri **Jun Jun Ajpub', Wuqu' Jun Ajpub'** kuma ri **Xpiyako'k**, **Xmukane**.

Ja k'a ri **Jun Jun Ajpub'** e ka'i' xeralk'walaj, e chuqa' ka'i' k'a ri ruk'ajol: **Jun B'atz'** rub'i' ri nab'ey alk'walaxel, **Jun Chowen** rub'i' ri ruka'n chik alk'walaxel.

Ja k'a ri rub'i' ri kite' ja re': **Xb'aqiyalo** nib'ix chi re ri rixjayil ri **Jun Jun Ajpub'**. Ja k'a ri **Wuqu' Jun Ajpub'** manäq rixjayil ta, xa ruyonil ök.

Xa chi e ka'i' k'ajol kiwach, e nima'q taq ajna'oj, nim chuqa' ri ketamab'al, e q'an taq winäq wawe' chi ruwach ulew. Xa utzilaj ri kik'ojlem, kipeten k'a.

Xkik'ut k'a ri kina'oj, ketamab'al chi kiwach ri **Jun B'atz'**, **Jun Chowen**, e ruk'ajol ri **Jun Jun Ajpub'**. E ajxul, e ajb'ix, e ajpub', chuqa' ajtz'ib', chuqa' ajk'ot, e ajxit, e ajpwäq. Xkib'an ri **Jun B'atz', Jun Chowen**.



- || || Ja k'a ri **Jun Jun Ajpub'**, **Wuqu' Jun Ajpub'** xa sakinik, xa chajik⁵⁶ ri nkib'an ronojel q'ij. Xa pa kaka' nkik'ulula'aj ki', e kaji' k'a chi konojel ri nkimolola' ki' töq ye'etz'an k'a pa jom⁵⁷.
- || ·||| Xoqa k'a ri **Wak'** chi kinachaxik, ri **Rusamajel**⁵⁸ ri **Jun Raqän**, **Ch'i'p Kaqolajay**, **Räx Kaqolajay**. Ja k'a re **Wak'** re' man näj ta nikanäj kan chi ruwach ulew, chuqa' man näj ta nikanäj kan chi ri' **Xib'alb'ay**, xa pa juyik' na'pon chik chi kaj ruk'in ri **Jun Raqän**.
- || :|| Xeyalöj k'a chere' chi ruwäch ulew, xkäm k'a ri kite' ri **Jun B'atz'**, **Jun Chowen**.
- || :|| Pa rub'ey k'a ri **Xib'alb'ay** yecha'aj wi töq xkak'axaj ri **Jun Kame**, **Wuqu' Kame** ri e rajawal ri **Xib'alb'ay**:
- || :|| – zachike k'a nib'an chi ruwäch ri ulew? Xa yetinitöt, xa chuqa' yejumüm. ¡Keb'ek'amär k'a, keb'e'oyöx k'a richin kepe wawe'! ¡Keto'etz'an, xa xkeqach'äk ta k'a! Xa man yojnimäx ta kuma, man b'a yeniman, xa yexule', yejote' pa qawi' – xecha' k'a konojel ri xib'alb'ay.
- || ① Ke ri' töq xkimöl ruchi' kina'oj konojel. Ri kib'i' **Jun Kame**, **Wuqu' Kame** e nima'q taq q'atöy tzij, ja k'a rije' ri e **Ajawa'**. Niya'öx rupatan, rusamaj chi kijujunal ri ajawa' kuma ri **Jun Kame**, **Wuqu' Kame**.
- || · Ja k'a ri **Xik'ir Pat**⁵⁹, **Kuchun Kik'** kib'i' ri **Ajawa'**, ja ri kipatan, kismaj ri kik' nkiyab'ilaj ri winäq.
E k'oj chik chuqa' ri **Ajpüj**, **Ajq'anya'**, k'a e k'iy na ajawa' chik.
- || : Ja k'a re' kajawaren⁶⁰: ri kisipojik ri winaqi', nipe püj chi rij kiq'a', kaqän. Nipe q'än ya' chi rij kiwäch, ri q'anya'al tucha'ëx chi re. Ke ri' k'a kajawaren ri **Ajpüj**, **Ajq'anya'**.



Ja re' chik k'a ri **Ajaw Ch'ami'y B'aq, Ch'ami'y Jolom**, ri e **Rajch'ami'y ri Xib'alb'ay**, xa b'aq k'a ri kich'ami'y. Ja k'a re' ri kajch'amiyal: xa yeb'aqir ri winaqi'. K'a janipe qitzij b'aq chik nub'an kijolom chik kuma. Töq yekäm, xa xe chik jutzeqaj b'aq yekik' waj el. Ja k'a re' kipatan ri **Ch'ami'y B'aq, Ch'ami'y Jolom** kib'i'.

Juley chik **Ajawa' ri Ajmes, Ajtoq'ob'** kib'i'. Ri kisamaj ja ri rub'anik chi ri winaqi' k'oj itzel tikik'ulwachij wi ta chi rij ri jay, wi ta pa ruwajay, e soknäq ke'ilitäy ta, e jupül ta chi ruwa ulew e kaminäq ta. Ja k'a re' ri kajawaren ri **Ajmes, Ajtoq'ob'** ye'ucha'ex.

E k'oj chik juley **Ajawa' ri Xik, Patan** kib'i'. Kajawaren ja ri rub'anik chi ri winaqi' yekäm pa taq b'ey ruk'in ri räx kamik nucha'ex chi re, xa nipe kik' pa kichi' ri winaqi' töq yekäm, xa nkixa' kik'. Xa jujun samaj kitaqelo'n. Xa nkiq'osij kiqu'l, kik'u'x ri winaqi' richin yekäm pa taq b'ey, xa nkib'en chi tipe kik' pa kiqu'l pa kib'inen. Ja k'a re' ri kajawaren ri **Xik, Patan** re'.

K'a ri' k'a töq xkinük' kina'oj chi kitzeloxik, kitz'iloxik chuqa' ri **Jun Jun Ajpub', Wuqu' Jun Ajpub'**. Ja k'a ri' töq xkirayij ri xib'alb'ay ri ketz'ab'al ri **Jun Jun Ajpub', Wuqu' Jun Ajpub'**, ri kitz'um⁶¹, kinupq'a', ri kipachq'ab', kiyach'wäch, ri kik'o'j, kiwachsot chuqa' kiweqob'al ri **Jun Jun Ajpub', Wuqu' Jun Ajpub'**.

Wakamin k'a xtiqatzijoj chik kib'enan pa **Xib'alb'ay**, chuqa' ri kikanajnen ri **Jun B'atz', Jun Chowen**, ruk'ajol ri **Jun Jun Ajpub'**, ri kaminäq chik kite'.

Xtiqatzijoj chik ri kich'akatajik ri **Jun B'atz', Jun Chowen** kuma ri **Jun Ajpub', Ixb'alamkej**.



Rukab'laj Tzij

Ruk'ayewal ri *Xib'alb'ay*

- || :|| Kan chi anin k'a xepe ri rusamajela' ri **Jun Kame, Wuqu' Kame**: -kixb'iyyin rix **Rajpop Achin**, kib'e'itaqa' pe ri **Jun Jun Ajpub', Wuqu' Jun Ajpub'**, kixcha' k'a chi ke töq xkixapon kuk'in:
- || :|| -"ixkepe ta k'a! yecha' ri **Ajawa'** chi iwe. *Chere' ta xketu'echa'aj wi quk'in, xtik'astaj ta ri qawäch kuk'in, qitzij niqamayijaj kichi'*. Ke k'a ri', kepe k'a yecha' ri **Ajawa''**."
- || || -"*Xtikik'äm ta k'a pe ri ketz'ab'äl, kib'ate*⁶², *kipachq'ab*⁶³, *xa tipe chuqa' ri kikik*⁶⁴ yecha' ri **Ajawa''**" kixcha' apon chi ke- xe'ucha'ëx ri samajela'.
- || ·|| Ja k'a ri kisamajela' ja ri tukur: ri **Ch'ab' Tukur, Jun Raqän Tukur**, ri **Kaqix Tukur, Jolom Tukur**, ke ri' xe'ucha'ëx ri rusamajela' ri **Xib'alb'ay**.
- || :|| Ja k'a ri **Ch'ab' Tukür** achi'ël ri ch'ab', xa kotokik. Ja k'a ri **Jun Raqän Tukür** xa jun ok raqän k'oj, k'oj ruxik'. Ja k'a ri **Kaqix Tukür** käq rij, k'oj ruxik'. Ja k'a chik ri **Jolom Tukür** xa xe rujolom k'oj, man jun jub'a raqän ta k'oj, xa xe ruxik' k'oj.
- || :|| Ri e kaji' samajela' ri ruq'ij **Rajpop Achi'n** kik'amon pe töq xepe chi la', chi **Xib'alb'ay**. Chi anin xetoqa, xetopa'e' chuwi' ri jom. Ye'etz'an k'a ri **Jun Jun Ajpub', Wuqu' Jun Ajpub'** pa jom, pa ri **Nim Ruxoral Cha'aj** tucha'ëx.
- || :|| E papoxnäq apon ri tukür chi ruwi' ri jom töq xkiq'alajirisaj apo kitzij. Xa xe wi pa rucholik rutzij ri **Jun Kame, Wuqu' Kame, Ajpüj, Ajq'anya', Ch'ami'y B'aq, Ch'ami'y Jolom, Xik'ir Pat, Kuchun Kik', Ajmes, Ajtoq'ob', Xik, Patan** kib'i' konojel ri **Ajawa'**. K'a ri' töq xjach kitzij kuma ri tukur.

– Ła kan qitzij k'a xecha' ri **Ajawa'** ri **Jun Kame, Wuqu' Kame?** – Qitzij kan ke ri' xkib'ij. Rōj k'a achib'ilal iwichin. "Xa tikik'ama' pe ronojel ri ketz'ab'äl" yecha' ri **Ajawa'**. – Ūtz k'a ri', yojiwoyob'ej na jub'a', xa xe niqapixab'aj na kan ri qate' – xecha' k'a.

Xeb'e k'a chi kachoch, xb'ekib'ij chi re ri kite' (xa kaminäq chik ri qatata'): – yojb'e qate', xkojtzolin. Xetoqa' rusamajela' ri **Ajaw**, ri e k'amol qichin. "*Kepe* xecha'" nkib'ij ri taqöl qichin.

– Xtiqaya' k'a kan ri qakik' – xecha'. K'a ri' xb'ekixima' kan pa ruwi' jay ri ape' k'oj wi jun jül. – Xa ruk'in jub'a' xkotzolin chik pe. Xa kixsu'an, xa chuqa' kixb'ixan, kixtz'ib'an, kixk'oton, timeq'a' ri qachoch, timeq'a' chuqa' ruk'u'x ri iwati't – xe'ucha'ëx k'a ri **Jun B'atz', Jun Chowen**

tōq xepixab'äx. Kan qitzij qitzij k'a xoq' ri kite, ri **Xmukane**. – Yojb'e, xa man xkojkäm ta, man kixb'ison – xecha' tōq xeb'e ri **Jun Jun Ajpub', Wuqu' Jun Ajpub'**.

K'a ri' tōq xeb'e ri **Jun Jun Ajpub', Wuqu' Jun Ajpub'**, xuk'wäx kib'ey kuma ri samajela'. Xexule' qa pa rub'ey ri **Xib'alb'ay**, pa jun xuluxik ruchi' kumuk.

Xeb'e'apon k'a chi ruxe'el ri akuchi nijalon ri' ri ya', pa siwanub'. **K'ul Siwan** rub'i' ape' xe'ik'o wi. Xe'ik'o k'a chi rupam ri jaljal ya', simäj. Man ajilan ta ri simäj e k'oj ri akuchi xe'ik'o wi, xa man xesokotäj ta.

K'a ri' tōq xeb'e'apon chi ruchi' jun chik ya', chi rupam kik' ya' xe'ik'o el, chi ri' man jun xe'uk'iya' ta el. Xeb'e'apon pa jun chik ya', ri' xa choj ya'. Man xech'akatäj ta, xa chōj xe'ik'o el. K'a ri' taq xeb'e'apon pa kaji' xalq'at b'ey, chi ri' tōq xech'akatäj wi pa kaji' xalq'at b'ey:

- || : jun kăq b'ey, jun q'eq b'ey, jun sâq b'ey, jun q'ăn b'ey, kaji' taq b'ey. Ke k'a re' xub'ij ri q'eq b'ey: –ija rin kinik'waj! rin ri in rub'ey ri **Ajaw**– xcha' k'a ri b'ey.
- || : Chi ri' k'a xech'akatäj wi. K'a ri' xkitaqej ri b'ey richin **Xib'alb'ay**. K'a ri' tōq xeb'e'apon k'a pa kipopb'äl ri rajawal **Xib'alb'ay**, xech'akatäj k'a chi ri'.
- || : Ja k'a ri nab'ey ri e tz'uyül xa choj e poy, xa choj e ajan che' e chojmirisan kuma ri xib'alb'ay. Ja k'a rije ri nab'ey xekiq'ijela': –zat raxnâq **Jun Kame**?– xecha' chi re ri poy. –zAt raxnâq **Wuqu' Kame**?– xecha' chuqa' chi re ri ajan che'.
- || | Man jun xech'o'n ta. K'ate' k'a xeteq'eto' chi tze'en ri e rajawal **Xib'alb'ay**, xa yeteq'ëq' chi tze'en chi konojel ri **Ajawa'** ruma xech'akon, xkich'äk ri **Jun Jun Ajpub'**, **Wuqu' Jun Ajpub'** xkina' pa kik'u'x. K'a xete'en na.
- || | Xkib'ij chik k'a ri **Jun Kame**, **Wuqu' Kame**: –jütz k'a ri xixoqa yan! Chuwa'q tiq'axaj kan kiwäch ri ib'ate', ipachq'ab'– xe'ucha'ëx k'a.
- || | –Kixtz'uye' pa ruwi' ri qach'akât– xe'ucha'ëx. Xa choj k'atanaläj k'a ab'äj ri kich'akat xya', xek'at k'a pa ruwi' ri ch'akat. Kan xkipiskolij ki' chi ruwi' ri ch'akat, man xepa'e' ta, kan qitzij chi xeq'axomir, xk'at pa kitz'uyub'äl.
- || | K'a ri' k'a xetze'en chik el ri aj xib'alb'ay, xeteq'eto' chi tze'en, xuyäk raxkej chi kipam, chi kikik'el, chi kib'aqil. Xetze'en konojel rajawal **Xib'alb'ay**.
- || | –Xa jix pa la jay la', xtib'eya'öx kan kichäj, kisik'. Chi ri' yixwär– xe'ucha'ëx k'a.
- || || K'ate k'a xeb'e'apon pa **Q'equ'm Jay**. Nimaläj chi q'equ'm rupam ri jay.
K'a ri' tōq xkijunamaj k'a ri kina'oj ri aj xib'alb'ay: –xa keqapoch'o' chuwa'q, xa chanin kekäm k'a ruma ri ketz'ab'äl, ri qachajib'äl– xecha' k'a ri xib'alb'ay chi kiwäch.



Ke k'a re' ri kichäj, xa k'olok'ik chay, "säq tok'" rub'i' ri chay, ruchay xib'alb'ay. Xa jisjik rutza'n, xilon ruwäch achi'el ruxil b'aq rub'anon kichäj ri aj xib'alb'ay.

Xe'ok k'a ri **Jun Jun Ajpub', Wuqu' Jun Ajpub'** chi rupam ri **Q'equ'm Jay**. K'a ri' töq xb'eya'öx kan ri kichäj, xa jun chäj tzijon chik ri xel pe kuk'in ri **Jun Kame, Wuqu' Kame**, rachib'ilan jujun kisik' tzijon chik chuqa' petenäq kuk'in ri **Ajawa'**. K'a ri' töq xb'ekiya' chi ke ri **Jun Jun Ajpub', Wuqu' Jun Ajpub'**.

E wuq'uwuxnäq pa q'equ'm töq xa'pon ri ya'öy kichäj ruk'in kisik'. Kan nisaqirisan ri chäj uk'wa'n apon: –"ja ri kichäj tikitzija' chuqa' jujun kisik'. K'oj chi nkitzoliy kan pa rusaqirik, man tikik'is, xa kan ja ri' ruwäch tikitzoliy kan" yecha' pe ri **Ajawa'** chi iwe.


Ke ri k'a xb'ix chi ke richin yech'akatäj. Xk'is ri chäj, xk'is chuqa' ri sik' ri xya' chi ke.

K'i'y ruwäch rutijob'äl ri **Xib'alb'ay**, k'i'y tanaj chi tijoj, poqonal:

ri nab'ey ja ri **Q'equ'm Jay**, xa xe q'equ'm k'oj chi rupam. Ri ruka'n chik k'a **Xururim Jay** rub'i', janila tew k'oj chi rupam. Säqxuruxüj, säqkaraköj ri tew ntok apo chi rupam.

Ri rox chik ja ri **B'alam Jay** rub'i', xa ruyon b'alami' e k'oj chi rupam. Yeq'atät, yeb'uchun, yejinin, yejaq'on kichi', kiwäch e tz'apäl pa jay.

Sotz' Jay rub'i' ri rukaj tijob'äl, xa ruyon sotz' e k'oj chi rupam ri jay. Yewitz'it'z', yetz'it'it, yeropöp pa jay. E tz'apäl ri sotz', man jun ape' ye'el wi.



- ⋈ ⋈⋈ Ri ro' chik **Chayin Jay** k'a rub'i', xa ruyon chay e k'oj chi rupam, saqwajäl ri chay yetz'intz'öt, yewajäj chi ri' pa jay.
- ⋈ ⋈⋈ Pa ri kinab'ey rutijob'äl **Xib'alb'ay** man xe'ok ta ri **Jun Jun Ajpub'**, **Wuqu' Jun Ajpub'** chi rupam, xa choj xqab'ij rub'i' ri tijob'äl jay.
- ⋈ Ⓞ K'a ri' töq xe'ok apon chi rupam ri jay ri **Jun Jun Ajpub'**, **Wuqu' Jun Ajpub'** chi ruwäch ri **Jun Kame**, **Wuqu' Kame**: –zakuchi e k'oj wi ri nusik'? ¿Ape' k'oj wi ri chäj ri xya' chi iwe chaq'a' iwir?– xe'ucha'ex k'a. –jXqak'is rat **Ajaw!**– xecha'.
- ⋈ • –Ütz k'a. jWakamin k'a xk'is ri iq'ij! jXkixkäm, xkixqayoj, xkixqaqupij chuqa! jWawe' k'a xtewatäj iwäch! jXa xkixqalotzij!– xecha' k'a ri **Jun Kame**, **Wuqu' Kame**.
- ⋈ : K'a ri' töq xequpix k'a, xemuq k'a pa **Puk'b'äl Chaj**⁶⁵ rub'i' ri akuchi xemuq wi. Xqupix rujolom ri **Jun Jun Ajpub'**, ri malaxel k'a xmuq ruk'in ri chaq'laxel.
- ⋈ : –Tiya' k'a ri rujolom chi rukojöl ri che' tikil pa b'ey– xecha' k'a ri **Jun Kame**, **Wuqu' Kame**. K'a ri' töq xb'eya'öx ri rujolom chi rukojöl ri che'. Xwachin k'a pe ri che', man jani wi tiwachin ta, k'a töq xya' rujolom ri **Jun Jun Ajpub'** chi rukojöl che'. Ja k'a re' ri "tzimay" yojcha' chi re wakamin, "rujolom ri **Jun Jun Ajpub'**" xucha'ex.
- ⋈ : Ja ri' töq xumayijaj k'a ri **Jun Kame**, **Wuqu' Kame** ri ruwäch ri che'. Ronojel k'olok'äq ruwäch. Man q'aläj ta chik ape' k'oj wi ri rujolom ri **Jun Jun Ajpub'**, xa junam chik rub'anikil ruk'in ruwäch ri tzimay nkitz'et konojel ri xib'alb'ay töq nokitz'eta'.
- ⋈ | Nim ruk'ojlem ri che' xubän chi kik'u'x. –Ruma chi anin xub'än töq xok rujolom ri **Jun Jun Ajpub'** chi rukojöl– xecha'

k'a ri aj xib'alb'ay chi kiwäch. –¡Man k'oj jun tuch'up ruwäch! ¡Man k'oj jun tapon ok chi ruxe' ri che'!– xecha'. Xkiq'etej ki', xkiq'il ki' ri aj xib'alb'ay chi konojel.

Man q'alaj ta chik ri rujolom ri **Jun Jun Ajpub'**, xa rujunuman chik ri' ruk'in ruwäch ri che', ri "tzimay" rub'i' ri xupo' pe ri'. Nimaläj k'a rutzijoxik xurak'axaj jun q'opoj. Xa xtiqatzijoj k'a rub'ixik ri raponem.

Roxlaj Tzij

Ri q'opoj Xkik'

Ja k'a re' rutzijoxik ri jun q'opoj rumi'al jun **Ajaw, Kuchun Kik'** rub'i'.

K'a ri' k'a töq xurak'axaj ri jun q'opoj, rumi'al ri jun **Ajaw. Kuchun Kik'** rub'i' rutata'. **Ixxik'** k'a rub'i' ri q'opoj. K'a ri' k'a töq xurak'axaj k'a rutzijol ruwäch ri che', ja ri töq titzijöx ruma ri rutata'. Xumäy k'a töq xtzijöx.

–¿Achike ta k'a ruma man nib'entz'eta' ta ri che' ri nitzijöx? Kan qitzij chi k'äs ruwäch **nkib'ij**ninwak'axaj– xcha' k'a.

K'ate k'a xb'e, ruyon xapon k'a chi ruxe' ri che' tikil, pa **Puk'b'al Chaj** tikil wi.

–¡Jiiyaaa! ¡Puch wan jeb'el ruwäch re che' re'! ¿Achike che' re' ri jeb'el niwachin? Man xkikäm ta la', man xkisach ta la' we xtinch'üp– xcha' k'a ri q'opoj.

Ja ri' töq xch'o'n k'a pe ri b'aq ri k'oj chi rukojöl ri che': –¿la narayij re' ri xa b'aq, ri k'olok'oxinäq chi ruq'a' re che'?– xcha' rujolom ri **Jun Jun Ajpub'** töq xch'o'n pe chi re ri q'opoj.

–¿La man narayij ta?– xucha'ëx. –¡Ninrayij wi k'a!– xcha' k'a ri q'opoj. –Ütz k'a ri', tayuqu' pe ri awijkiq'a', nintz'eta' na– xcha' ri b'aq. –¡Ja'e!– xcha' ri q'opoj. Xurik'ib'a' k'a el ri rijkiq'a' chi ruwäch ri b'aq.



- ⋈ ⋈ K'ate k'a "i'chipitz'!" xub'än pe ruchub' ri b'aq, chöj k'a xapon wi pa ruq'a' ri q'opoj. Ja ri' töq xutz'et k'a pa ruq'a', üt xunik'oj, manäq k'a chik ruchub' ri b'aq pa ruq'a'.
- ⋈ ⋈ –Ja re' ri wijatzul xinya' chi awe pa ri nuchub', nuk'axaj. Ja re' ri rub'aqil nujolom, xa man jun chik nik'atzin wi, xa b'aq, man jun chik ruch'akul ta.
- ⋈ ⋈ –Xa ke k'a re' rujolom ri **Nim Ajaw**, xa xe k'a ruk'in ri ruti'ojil üt niwachin ruma. Ja k'a töq nikäm nkixib'ij ki' ri winaqi' chi ruwäch ruma ri rub'aqil.
- ⋈ ⋈ –Xa ke k'a re' ralaxik ri ruk'ajol. Ruk'in ri ruch'ub', ruk'axaj rutz'ukik we ruk'ajol ajaw, we chuqa' ruk'ajol ajna'oj, ajtzij. Man yesach töq yeb'e, xa nikanäj kan ri rija'tzul. Man chupel ta, ma chuqa' nipo'itäj ruwäch ri ajaw, achij, na'ol, ajtzij. Xa richin xtikanäj ri rumi'al, ruk'ajol töq ke ri' nub'än. Ke re' k'a xinb'än rin chi awe.
- ⋈ ⋈ –Katjote' k'a el chi la' chi ruwäch ulew, xa man xkakäm ta. Xa xe tab'ana' pa rub'eyal ri nutzij– xcha' ri rujolom ri **Jun Jun Ajpub'**. Xa man kina'oj ta rije' xkokisaj, xa ja k'a re' rutzij ri **Jun Raqän, Ch'i'p Kaqolajay, Räk Kaqolajay** chi ke rije'.
- ⋈ ⋈ K'a ri' xtzolin ri q'opoj chi rachoch. K'iy pixa' xb'ix chi re. Xa chi anin k'a xe'awexäx ri ral chi tz'alamal ruma xa xe chub'aj. Xa ke k'a re' kiwinaqirik ri **Jun Ajpub', Ixb'alamkej**.
- ⋈ ⋈ Ja ri' töq xapon k'a chi rochoch ri q'opoj. Xtz'aqät yan kan waqi' ik' ri yab'il ruk'wa'n töq xtz'etetäj ruma ri rutata', **Kuchun Kik'** rub'i' rutata'.
- ⋈ ⋈ K'ate k'a xnatäx ri q'opoj ruma rutata' töq xtz'ët chi k'oj chik ral. K'a ri' k'a xkik'ulumaj k'a ri kina'oj konojel ri

Ajawa': ri Jun Kame, Wuqu' Kame ruk'in ri Kuchun Kik'.

–Rija' ri numi'al k'oj chik ral rix **Ajawa'**, ja re' xa xe wi rutz'i'ill!– xcha' k'a ri **Kuchun Kik'** töq xapon kuk'in ri **Ajawa'**. –Ütz k'a ri'. Xa xe tak'oto' pa ruchi' rija', we man jun achike nub'ij kan tipoch' k'a, xa xe k'a näj tib'epoch' wi. –Ütz k'a ri' rix **Ajawa'**– xcha' k'a.

K'a ri' k'a xuk'utuj chi re rumi'al: –¿achoj ichin k'a ri awal achajin rat numi'al?– xcha' k'a. –Man jun wal ta rat nutat, man jun achin wetamam ruwäch– xcha' k'a.

–Ütz k'a ri', kan qitzij chi at jun tz'iloläj ixöq. –Tipuk'u' rix **Rajpop Achija'**, tik'ama' pe ri ruk'u'x chi rupam ri tzimay, kixtzolin pe chi kiwäch ri **Ajawa'** wakamin yan– xe'ucha'ëx k'a ri tukur.

E kaji' ri xeb'e, kitik'en el ri tzimay töq xeb'e, kich'elen ri q'opoj, kik'wa'n ri säq tok', ri qupib'äl richin.

–Man ruk'amon ta ri yinikamisaj rix **Samajela'** ruma man nutz'i'il ta ri nuchajin, xa xwinaqir wuk'in xa choj ruma töq xib'entz'eta' ri rujolom **Jun Jun Ajpub'** ri k'oj chi la' pa **Puk'b'äl Chaj**. Xa ke k'a ri' man ta yinipük' rix **Samajela'!**– xcha' ri q'opoj töq xch'o'n.

–¿Achike ta k'a xtiqokisab'ej richin ruk'exel ri ak'u'x? Xb'ix pe chi qe ruma ri atata': "tik'ama' pe ri ruk'u'x, kixtzolin pe kuk'in ri **Ajawa'**, tib'ana' yan k'a ri ipatan, junan tib'ana' isamaj, chi anin tik'ama pe pa tzimay, tiya' pe ri ruk'u'x chi rupam ri tzimay" xojucha'ëx pe. ¿Achike k'a ri xtiqaya' pa tzimay? Röj k'oj ta niqajo' richin man ta yakäm– xecha' k'a ri **Samajela'**.

–Ütz ta k'a ri', xa man kichin ta rije' ri nuk'u'x, kan ke ri' wi, chuqa' xa man wawe' ta k'oj ri iwachoch. Man üt ta

k'a chi ri ch'uch'ujläj winaq yekamisäx, kan qitzij wi k'a chi iwichin ri qitzij ajch'aoj, chuqa' e wichin ri **Jun Kame, Wuqu' Kame**. Ri kik', xa xe k'a ri kik' kichin, ke ri' xa xtub'än, ja re' tik'utu' chi kiwäch rije'.

|| | – ¿Man ja ri nuk'u'x tik'at chi kiwäch xtibän. Tiwokisaj ri ruwäch che'– xcha' k'a ri q'opoj. Käq k'a ruya'al ri che' xel, xk'ul pa tzimay, k'ate k'a xuwön ri', k'olok'äq xub'än ri ruk'exel ri ruk'u'x. Ri xyitz' ja ri ruya'al ri kaq che'.

|| | Achi'el ri kik' xubän ruya'al ri che' ri xel richin ruk'exel rukik'el. K'a ri' töq xb'eruk'olo' pe ri' ri kik', ri ruya'al kaq che', achi'el k'a ri kik' ri rij xubän chi rupam ri tzimay, kaqlujluj chik xk'ul ri pa tzimay töq xk'a'on k'a pe ri che' ruma ri q'opoj.

|| | **Ch'u'j Kaq Che'** nib'ix wi chi re, k'a ri' **Kik'** xub'ini'aj kan ruma "k'ik' jolomaj" xucha'ex.

|| | –Chi la' k'a yixloq'öx wi, chi ruwäch ri ulew k'a k'oj ri kan iwichin wi rix– xcha' k'a chi ke ri tukur. –¿Ütz k'a ri' rat q'opoj, röj yojb'e k'a! Xa kab'iyin apon k'a rat, tak'waj k'a ri ab'ey, röj niqab'eyaxtaj k'a ruk'exewäch ak'u'x chi kiwäch ri **Ajawa'**– xecha' k'a ri **Samajela'**.

|| | Töq xeb'e'apon k'a chi kiwäch ri **Ajawa'** xa chiqijun xemaqe' wi konojel. –¿La ütз xk'achöj?– xcha' k'a ri **Jun Kame**. –Ja', ütз xk'achöj rix **Ajawa'**. Ri ruk'u'x k'oj pe chi rupam re tzimay. –Ütz k'a ri', tiqatz'eta' k'a– xcha' k'a ri **Jun Kame**.

|| | K'a ri' töq xuyäk el, nirenrot rij chi jun jasta'q, kaqlujluj rij chi kik'. –Ütz tituku' ruxe' q'aq', tiya' chi ruwi' q'aq'– xcha' k'a ri **Jun Kame**.



3 || K'a ri' k'a xkich' aqij pa ruwi' ri q'aq'. Simil k'a xkisäq ri aj xib'alb'ay. Pa juyik' xeyakatäj pe konojel, xech'ike' pa ruwi' q'aq' chi ruseqik, kan qitzij chi jub'ül xkisëq rusib'äl ri kik'.

3 || Ja ri' k'a kich'ikib'an ki' töq xeb'e ri tukur, ri ewanel richin ri q'opoj. Xeb'ekiya' el chi jül, chi ruwi' ulew, k'a ri' xetzolin chik k'a ri ewanela'.

3 -1 Xa ke k'a re' töq xech'akatäj ri rajawal **Xib'alb'ay** ruma ri q'opoj, xa choj xemoywachix konojel.

Rukajlaj Tzij

Rutz'aqat ruk'aslem ri *Xkik'*


3 -1 Ja ri' töq k'oj wi ri kite' ri **Jun B'atz'**, **Jun Chowen** töq xoqa ri ixöq **Ixxik'** rub'i'.

Ja ri' töq xoqa k'a ri ixöq **Ixxik'** ruk'in kite' ri **Jun B'atz'**, **Jun Chowen**. Xa ruchajin pe q'axomal kuk'in ri ral, xa xe chik jub'a' chi re ri kalaxik ri **Jun Ajpub'**, **Ixb'alamkej** kib'i'.

3 3 Ja ri' töq xoqa k'a ri ixöq chi ruwäch ri ati'taj. Ke re k'a xub'ij ri ixöq chi re ri ati'taj: -xinoqa k'a nana. Ja rin k'a ri in awali', in chuqa' awal nana- xcha' k'a töq xok apon ruk'in ri ati'taj.

3 3 -¿Akuchi k'a yatpe wi rat? ¿Ape' k'a e k'oj wi ri wal? ¿La man e kaminäq ta k'a pa **Xib'alb'ay**? E k'oj ka'i' ketal kitzijol xkiya' kan k'a, ja ri **Jun B'atz'**, **Jun Chowen** kib'i'. ¿Akuchi la ri at petenäq wi! ¿Katel el wawe'!- xucha'ex ri q'opoj ruma ri ati'taj.

1 2 -Kan qitzij wi chi rin in awali'. k'oj yan chik q'ij chi in richin ri **Jun Jun Ajpub'**. Ruma ri nuchajin e k'as, xa man e kaminäq ta ri **Jun Jun Ajpub'**, **Wuqu' Jun Ajpub'**. Xa kik'utb'äl ki' pa saqil xtikibän rat walite'. Xa k'a xtatz'ët ruwäch ri nuk'wa'n- xucha'ex ri ati'taj.



- III • Ja re' k'a ri kisamaj ri **Jun B'atz', Jun Chowen**: xa xe xul, xa xe b'ix nkib'än, xa xe tz'ib'anik, xa xe chuqa' k'otonik nkisamajij ronojel q'ij. Ja re' k'a ri kuqub'äl k'u'x richin ri ati'taj.
- III : Xcha' chik k'a ri ati'taj: -rïn man ninwajo' ta chi rat yatok wali', xa ach'a'oj ri ak'wa'n pan atz'utul, atz'alamal, at k'axtok'. Xa xekäm yan ri wal ri nab'ij rat-
- III : xcha' chik k'a ri ati'taj. -Tzaq ruk'in b'a qitzij ri nab'ij chi nuwe. Ütz k'a ri', at wali', kinato'. Jät k'a chi ruk'amik ri qaway. Tab'ejach'a' k'a jun nïm ya'l qajal, tipe k'a ri'. Ruma wi xa at wali', kinato'- xucha'ëx k'a ri q'opoj.
- III : -Ütz k'a ri'- xcha' k'a. K'a ri' töq xb'e pan awän, akuchi ri k'oj wi kawän ri **Jun B'atz', Jun Chowen**. B'anon kan rub'ey kuma, ja ri' xuk'wa'j k'a ri q'opoj, ke ri' töq xapon pan awän.
- III | Xa xe k'a juwi' ok ri awän k'oj, xa man k'oj ta kawi', roxwi'. Xutz'ët chi xa xe juwi' ri awän, k'a ri' xsachatäj ruk'u'x ri q'opoj.
- III • | -¡Ay! ¡Rïn in ajmak! ¡In ajch'a'oj! ¿Ape' xtink'äm wi ri jun ya'l jäl ri xk'utüx pe chi nuwe?- xcha' k'a. K'a ri' töq xesik'ix ri **Chajiy Wäy** ruma: -¡kixam pe k'a! ¡kixam pe k'a
- III : | **Xtoj! ¡Xq'anil! ¡Xkakaw! ¡Xtz'i'ya'!** ¡Rat k'a **Chajil** richin kiway ri **Jun B'atz', Jun Chowen**!- xcha' ri q'opoj. Xuk'äm k'a kan ri tzami'y, rutzami'yal ruwi' ri jäl, choj xub'oq, man k'a xujäch' ta ri jäl. K'a ri' xuya qa k'a achi'el jäl pa ya'l, k'a ri' k'a jumul xnoj ri nïm ya'l.
- III : | K'a ri' töq xpe k'a ri q'opoj. Xa ja k'a ri chikopi' xe'ejqa'n el ri ya'l. Töq xeb'e'apon xeb'ekiya' kan ri ejqa'n pa ruxuküt



jay. Achi'el ri kan ja rija' xurejqaj xutz'ët ri ati'taj. Töq xutz'ët ri ati'taj ri jäl, kan jun chin nım ya'l jäl.

–¿Akuchi k'a xpe wi ri qaway awuma? ¿Xa xatolob'a' kan ri qawän? ¿Xa xak'ıs kan ri qawän? Kib'e na, nib'entz'eta' na– xcha' ri ati'taj, k'a ri' töq xb'erutz'eta' ri awän.

Xa chi ri' k'a k'oj wi ri juwi' awän, xa q'aläj k'a rub'achob'äl ri ya'l chi ruxe' ri awän. Jun anin k'a xpe ri ati'taj, xoqa k'a chi rachoch. Xub'ij k'a chi re ri q'opoj: –ja k'a re' ri retal chi qitzij at wali', k'a xtintz'eta' na k'a ch'aqa ab'anoj, ri e k'oj awuk'in e ajna'ol chuqa'– xucha'ëx k'a ri q'opoj.

Ruwolaj Tzij

Ri kalaxik ri yoxi' *Jun Ajpub', Ixb'alamkej*
Ja re' k'a xtiqatzijoj ri kalaxik ri **Jun Ajpub', Ixb'alamkej**.


Ja k'a ri kalaxik chi re' xtiqab'ij apo. K'a ri' töq xapon k'a ruq'ijul kalaxik, k'a ri' töq xalan k'a ri q'opoj **Ixxik'** rub'i'.

Man k'a xeruwachij ta ri ati'taj töq xe'aläx, xa pa jun anin xeyakatäj chi e ka'i' ri xe'aläx, ri **Jun Ajpub', Ixb'alamkej** kib'i'. Xa pa juyu' k'a xe'aläx wi.

Ja ri' töq xe'ok k'a pa jay, man xewär ta. –jJatb'e'atorij kan! ruma xa xe nkiräq kichi'– xcha' ri ati'taj. K'a ri' k'a töq xeya' k'a pa sanik, xa ki' k'a xewür chi ri', xe'elesäx chik k'a el chi ri', xeya' k'a pa ruwi' k'ix.

Ja k'a ri xkajo' ri **Jun B'atz', Jun Chowen** ja ri xekäm ta kan chi ri' jumul pa sanik, xekäm ta chuqa' pa ruwi' ri k'ix xkajo ta ruma ri kiretzelaixik, kich'upun k'u'x ri **Jun B'atz', Jun Chowen**.

Man xek'ul ta pa jay kuma ri kinimal nab'ey, xa ruma man ketaman ta kiwäch, xa ke ri' k'a töq xa pa juyu' xek'iy wi.





- ||| :||| E nima'q taq ajtun, ajb'ix ri **Jun B'atz', Jun Chowen**. Xenimär k'a, pa rayil, poqonal xeq'ax wi, janila xetz'ilöx. E nima'q taq etamanela' chi kalaxik. Xe'ok ajtun, ajb'ixa', ajtz'ib'a', ajk'oxola'. Ronojel jeb'el xkib'an chi re.
- ||| :||| Xa ketaman jeb'el ri kalaxik, chi e ruk'exel kan kitata' ri xeb'e **Chi Xib'alb'ay** (kaminäq wi kitata'). E nima'q k'a taq etamanela' ri **Jun B'atz', Jun Chowen**. Chi kik'u'x ketaman yan toq xe'aläx ri kichaq'.
- ||| :||| Xa man k'a xkiq'alajirisaj ta apon ri kina'oj ruma kiq'aq'al wäch. Xa chi kij xqa wi ruyoq'ik kik'u'x. Man xepoyisäx ta kuma ri **Jun Ajpub', Ixb'alamkej**.
- ||| ☉ Xa xe pub'anik nkib'an ronojel taq q'ij, man yeloq'oq'ëx ta ruma ri kati't ri **Jun B'atz', Jun Chowen**. Xa man niya' ta kiway, xa pan anin wäy, xa e wa'inäq chik ri **Jun B'atz', Jun Chowen** töq ye'oqa.
- ||| · Rije' man yeq'aq'är ta, ye'oyowär ta, xa nkiküy qa ki' ruma ketaman ri kik'aslem, saqil chi kiwäch. Kik'amon pe kitz'ikin töq yetzolin pe ronojel q'ij, ja re' nkitij k'a ri **Jun B'atz', Jun Chowen** xa man jub'a' nkisipaj chi ke ri **Jun Ajpub', Ixb'alamkej**.
- ||| : Xa xe k'a tun, xa xe k'a b'ix nkib'an ri **Jun B'atz', Jun Chowen**. Xe'oqa k'a ri **Jun Ajpub', Ixb'alamkej**, man jun tz'ikin kik'amon pe töq xe'ok pe, xoyowir k'a ri kati't.
- ||| : –¿Achike ruma man jun tz'ikin ik'amon pe?– xe'ucha'ëx k'a ri **Jun Ajpub', Ixb'alamkej**. –Xa ke re' xqab'an xqati't, xa xeq'ate' ri qatz'ikin pa ruwi' che'– xecha' k'a. –Xa man jun achike nitikir nijote' pa ruwi' che' richin yeruqasaj xqati't. Niqajo chi ri qanimal yojkachib'ilaj ta, yeb'ekiqasaj ta pe ri tz'ikin– xecha' k'a.

–Ütz k’a, yobj’e iwuk’in töq xtiseqär pe– xecha’ k’a ri kinimal töq xech’o’n. Xkijunumaj ri kina’oj e ka’i’ chi kiwäch pa ruwi’ kich’akik ri **Jun B’atz’, Jun Chowen**: –xa xe xtiqatzolq’omij ri kib’anikil rik’in ri qatzij. Ke re’ tib’an ruma ri tijo, poqonal ri xkib’än chi qe. Xa ta xojkäm, xa ta xojk’is xkajo’ qichin roj kichaq’. Akuchi la xojpe pa kik’u’x. Ke re’ k’a xkeqach’ek, xa xe retal xtiqab’an–

xecha’ chi kiwäch. K’a ri’ k’a xeb’e chi la’ chi ruxe’ che’ q’ante’⁶⁶ rub’i’. E kachib’ilan k’a el ri kinimal töq eb’enäq. Xkitikirisaj k’a kipun’anik. Man e ajlatäl ta k’a ri tz’ikina’ ri pa ruwi’ che’ yech’ititlan, yemayijan k’a ri kinimal töq nkitz’ët ri tz’ikin.

Xa xe k’a ri tz’ikina’ man xa ta jun niqa’ pe chi ruxe’ che’. –Ri qatz’ikin man yeqa’ ta pe. Jix k’a rix, ke’iqasaj pe– xecha’ k’a chi ke ri kinimal. –Ütz k’a– xecha’ k’a ri’.

K’a ri’ k’a xejote’ pa ruwi’ ri che’. Xnimär k’a ri che’, xsipöj k’a rupam. K’a ri’ k’a xkajo’ xeqa ta pe, man ütztä chik yeqa pe chi ruwi’ che’ ri **Jun B’atz’, Jun Chowen**.

Xkib’ij k’a pe pa ruwi’ che’: –ächike k’a xqak’ulwachij rix qachaq’? ¡Tijoyowaj k’a qawäch! ¡Re che’ re’ nixib’in chik niqatz’ët rix qachaq’!– xecha’ pe pa ruwi’ che’.

Xecha’ k’a ri **Jun Ajpub’, Ixb’alamkej**: –tikira’ ri iwex, tixima’ xe ipam, titzeqma’y kan nīm raqän rutza’n chi iwij, ke ri’ ütztä xkixb’iyin– xe’ucha’ëx chik kuma ri kichaq’.

–Ja’– xecha’ k’a. K’a ri’ töq xkitzayab’a’ kan rutza’n ri kito’q, pa juyik’ kijey xkib’än, xa k’oy xkiwachib’äj chik.

K’a ri’ k’a xeb’e pa ruwi’ taq che’, pa nima’q taq juyu’, ch’uti’n taq juyu’. Xeb’e pa taq k’echelaj, nkiraqala’ kichi’,

nkitzeqeb'ala' ki' chi ruq'a' taq che'.

Xa ke k'a re' töq xech'akatäj ri **Jun B'atz', Jun Chowen** kuma ri **Jun Ajpub', Ixb'alamkej**. Xa ruma k'a ri kinawal töq xkib'än ke re'.

- ||| :|| Xeb'e'apon k'a chi kachoch. Xecha' k'a töq xeb'e'apon ruk'in ri kati't, ruk'in chuqa' ri kite': -ixtiqati't ¿achike ta k'a xkik'ulwachij ri qanimal? xa räx kiwäch töq xeb'e, achi'el e chikopi' chik- xecha'.
- ||| :|| -¿Achike xib'än chi ke ri inimal? Xiniya' pa q'axomal, chuqa' pa b'is. Man ta ke ri' xib'än chi ke ri inimal rix wiy, numam!- xcha' ri kati't chi ke ri **Jun Ajpub', Ixb'alamkej**.
- ||| :|| Xkib'ij chik chi re ri kati't: -man kixb'ison ixtiqati't, xa xtitz'ët chik ri kiwäch ri qanimal töq xketzolin pe, xa xe k'a re' xa jun tojtob'äl awichin rat ixtiqati't. Man katze'en, tiqatija' na qaq'ij- xecha' k'a.
- ||| ||| K'a ri' k'a xkitikirib'a' ruxupuxik ri kixul, ri **Jun Ajpub' K'oy** xkixupuj k'a.
- ||| •||| K'a ri' k'a xeb'ixan, xexupun, xeq'ojoman. Ja ri' töq xkichäp ri kixul, kiq'ojom, ja ri' töq xotz'uye' chuqa' ri kati't kuk'in. Ja ri' töq xexupux, xesik'ix pa xul, pa b'ix. Ja ri' töq xub'ini'aj ri **Jun Ajpub' K'oy** re jun xupunik re'.
- ||| :||| Ja ri' töq xe'oqa k'a ri **Jun B'atz', Jun Chowen**, yexajo'n töq xe'oqa, k'a ri' xerutzu' ri ati'taj, itzel kiwäch xutz'ët ri ati'taj. Ja ri' töq xtze'en chi kij, man xtikir ta xuq'ät ri rutze'en ri ati'taj. Xa xe k'a ruk'in jun xupunik xeb'e, man xtz'ët chik kiwäch.
- ||| :||| -Xeb'e pa k'echelaj. ¿Achike ruma ke la' xab'än qati't? Xa kaji' mul xtiqatojtob'ej koyoxik, xa oxi' mul chik

xkeqasik'ij pa xul, pa b'ix, takoch'o' k'a ri atze'en. Tiqatija' chik na k'a ri qaq'ij– xecha' chik ri **Jun Ajpub', Ixb'alamkej**.

K'a ri' xexupun k'a jun b'ey chik. K'a ri' töq xe'ok pe, yexajo'n chik xeb'e'apon k'a pa runik'ajal ruwa jay. Xa jun chik rub'anikil nkib'än, xa nkitaqchi'ij ri kati't chi re tze'en, pan anin töq tze'en pe ri kati't. Kan qitzij chi ya'ik tze'en kiwäch ri k'oy, ch'ixch'äq ruxe' kipam, nkimalama' ri ruwa kik'u'x. Töq xe'ok pe ja ri' töq xerutze'ej ri ati'taj.

K'a ri' xeb'e chik pa juyu'. –¿Achike k'a xtiqab'än ixtiqati't? Xa xe wi roxmul xtiqatija' qaq'ij– xecha' ri **Jun Ajpub', Ixb'alamkej**.

Xexupun k'a, xe'oqa chik pe, yexajon. Xa k'oj k'a chi nuköch' rutze'en ri ati'taj. Xejote' k'a pa ruwi' ri nimatz'aq. Kaqtitöj rub'anon ruchi' runaq' taq kiwäch, patzapäq kichi', nkimalala' kichi', k'osk'äq kiwäch.

Ja ri' töq xutz'ët ri ati'taj, k'a ri' xwajin rutze'en ri kati't. Man jun k'a xtz'etetäj ta chik kiwäch ruma rutze'en ri ati'taj. –Xa xe wakamin ixtiqati't xkeqoyoj wawe' chi rukajmul.

Chi xul xe'oyöx chik, xa man xetzolin ta chik pa rukajmul, chi anin xeb'e pa k'echelaj. Xecha' k'a chi re ri kati't: –xqatij k'a qaq'ij ixtiqati't. Pa nab'ey mul xepe, xa xqatij k'a qaq'ij chi koyoxik. Man kab'ison k'a, xa öj k'oj röj awiy, amam. Xa kojitz'eta' rix qate', ixtiqati't. Kenab'ëx ri qanimal ri töq xek'oje' chuqa' xeb'eyaj ri **Jun B'atz', Jun Chowen** xe'ucha'ëx– xecha' k'a ri **Jun Ajpub', Ixb'alamkej**.

Xesik'ix k'a kuma ri ajxul, ri ajb'ix, ri ojer taq winäq, chuqa' xesik'ix_kuma ri ajtz'ib', ajk'oxol ojer kan. Xa xechikopir, xa xe'ok k'oy ruma xkinimirisaj ki', xekiyöq' ri kichaq'.

⦿ | Ke re' k'a xkik'ulwachij chi kik'u'x, ke k'a re' chuqa' ri kik'isik, kisachik ri **Jun B'atz', Jun Chowen**. Xa chikop xkipo' ki' ri jantape' wi e k'oj chi kachoch ri e ajxul, e ajb'ix. Nim ri kib'anob'al töq xek'oje' ruk'in ri kati't ruk'in chuqa' ri kite'.

Ruwaqlaj Tzij

Ri Jun Ajpub', Ixb'alamkej

⦿ | Ja ri' töq xkitikirib'a' ri kisamaj, richin kik'utb'al ki' chi ruwäch ri kati't, chi ruwäch chuqa' ri kite'. Ri nab'ey ri xkib'an ja ri awex. –Xa xkojawex rat ixtiqati't, rat ixtiqate'. Man kixb'ison k'a, öj k'oj roj awiy, amam, öj kik'exel ri qanimal– xecha' k'a ri **Jun Ajpub', Ixb'alamkej**.

⦿ | Ja ri' töq xkik'wa'j ri kikäj, kimixq'ina', kixokem xeb'e k'a. Kitelen el jujun kipub' töq xe'el el chi kachoch. K'a ri' töq xkinataj kan chi re ri kati't richin ruya'ik kiway: –tik'o na paq'ij tab'eya' qaway ixtiqati't– xecha' kan. –Ütz k'a ri' rix wiy, numam– xcha' k'a ri kati't.

⦿ | K'a ri' k'a xeb'e'apon chi ruchí' akuchi ke'awex wi. Xkich'ikib'a' ri kimixq'ina' pan ulew, yetajin yesamäj ri mixq'ina' pan ulew, xa pa kiyonil yesamäj ri mixq'ina'.

⦿ || Ja k'a ri ikäj xkich'ikib'a' chi rij ri che', chi ruq'a' ri che', kelajäj yeb'e konojel ri che', ri k'am. Chi anin xa yechakachoxin chik k'a ri che', choyoj che' nub'an xa xe jun ikäj.

⦿ || Ja k'a ri mixq'ina' janila josoj nub'an. Man ajilan ta chi tum, chi k'ix rujoson ri xa xe jun mixq'ina'. Man ajilan ta chi josq'inik nub'an pa ch'uti'n taq juyu', nima'q taq juyu'.

⦿ | Ja ri' töq xkipixab'aj k'a jun chiköp **Xmuqur** rub'i', xb'ekitz'uyub'a' k'a kan chi ruwi' nim kuta'm. Xkib'ij k'a

ri **Jun Ajpub'**, **Ixb'alamkej**: –we xtzatz'ët ri qati't petenäq richin ruya'ik qaway, chi anin katoq' töq petenäq. K'a ri' k'a xtiqachapixtaj ri qamixq'ina' ruk'in qikäj. –Ütz k'a ri'– xcha' k'a ri **Xmuqur**.

K'a ri' k'a xa pub'anik nkib'än, xa man qitzij ta chi awexanik nkib'än. Ja ri töq xoq' pe ri **Xmuqur** chi anin k'a xepe, ri jun xuchäp ri mixq'ina', ri jun chik xuchäp ri ikäj.

Xkipisla' k'a kiwi'. Xa choj chi b'anikil xuyala' ulew chi ruq'a ri jun, xutz'ilob'isaj rupalaj achi'el ri qitzij tiköy awän. Ja k'a ri jun chik xa chi b'anikil xujopila' ruwayib'al che' pa rujolom achi'el jun qitzij choyonel, qasöy che'.

Ja ri' töq xetz'et k'a ruma ri kati't, k'a ri' k'a xewa'. Xa man qitzij ta chi awex xkib'än, xa loq' xb'eya'öx kiway. K'a ri' töq xetzolin k'a el chi kachoch. –jQitzij xojkös ixtiqati't!– xecha' töq xeb'e'apon. Xa loq' nkichuk'uk'ej ki', nkiyuqula' kiq'a', kaqän chi ruwäch ri kati't.

K'a ri' töq heb'e chik k'a pa ruka'n chik q'ij. Xeb'e'apon k'a pa kawän, qäs yakatajnäq chik ronojel che', k'am, ruchapon chik ri' ronojel ri tüm, k'ix ja ri töq xeb'e'apon.

–jAchike k'a ri nib'anon re'?– xecha' k'a. Ja k'a ri yeb'anon ja ri konojel ri ch'uti'n taq chiköp, nima'q taq chiköp, ri köj, b'alam, ri kej, umül, ri yak, utiw, ri aq, sis, ri ch'uti'n taq tz'ikin, nima'q taq tz'ikin. Rije' xeb'anon re', xa xe pa jun aq'a' xkib'än.

K'a ri' chik k'a xkitikirib'a' ri rusamajixik ri ulew. Xa ruyonil xubän utzil ri' ri ulew chuqa' ri ruqasaxik che'. K'a ri' töq xkijunumaj k'a kina'oj chi ri' pa q'atoj che'⁶⁷, pa k'uquj chuqa.

–Choj tiqawaraj ri qawex richin xtiqatz'ët achike ri nib'anon. Ruk'in jub'a xtiqatzët– xecha' k'a töq xkiya' chi

kiwäch. Ke ri' töq xeb'e'apon chik k'a chi kachoch.

- ⦿ : –¿Achike ta k'a yojq'ol nab'ij rat ixtiqati't? Nima'q taq k'im chik, nima'q taq k'echelaj chik chuqa' ri pa qawex töq xojapon miyer rat ixtiqati't– xecha' k'a chi re ri kati't, chi re chuqa' ri kite'. –Xkojb'e k'a, xtib'eqawaraj ruma man ütz ta ri nib'an chi qe– xecha'.
- : K'a ri' k'a xkib'ätz' el ki'. K'a ri' k'a xeb'e chik pa kijika'n, xa chi ruchí' k'a xkewaj wi ki', e muqumuxnäq chi ri'.
- : : Ja re' töq xkimöl k'a ki' konojel ri chikopi', xa jun xkimöl ki' konojel, chi ch'uti'n taq chiköp, chi nima'q taq chiköp. Tik'il ruk'u'x aq'a' töq xepe, yech'owelan konojel töq xepe. Ja k'a re' ri kich'ab'äl: –¡kixyakatäj che'! ¡Kixyakatäj k'am!
- : : yecha' ja ri töq xepe. Xeb'uchu chi ruxe' taq che', chi ruxe' taq k'am. Ja ri' töq xe'ik'o chi kiwäch, töq xkik'üt k'a ki' chi kiwäch.
- : : E nab'ey ri köj, b'alam. Xa xkajo' k'a xekichäp, xa man xkiya' ta ki'. K'a ri' töq xeb'e'apon chik ri kej, umül, xa xe k'a kijey xetikir xekichäp, xa xq'upuqu'u' kan rujeý ri kej, rujeý ri umül pa kiq'a (ja ri' töq xa jata'q chik xub'an rujeý ri kej chuqa' rujeý ri umül töq xk'am kan kijey).
- | : Man k'a xkiya' ta ki' ri yak, utiw, ri aq, sis. Xa xe'ik'o k'a konojel ri chiköp chi kiwäch ri **Jun Ajpub', Ixb'alamkej**. Xq'utüt kik'u'x ruma man xekowin ta ruk'in kichapik.
- | : Xpe k'a ri jun chik ruxamb'ey chik, nitzok'lan k'a petenäq. K'a ri' k'a xkiq'ät, xokusäx k'a pa ya'l ri ch'oy. K'a ri' xkichäp, xkiyak'ej k'a chi rij ruwi'. Xkajo' xkib'iy, k'a ri' xkiporoj rujeý pa q'aq' (ke ri' töq xusäch rujeý ri ch'oy, manäq rismal ta chik rujeý), chuqa' xajowäx xb'iy ta runaq' ruwäch koma ri k'ajola', ri **Jun Ajpub', Ixb'alamkej**.

Man ta yikäm iwuma, xa man ja re' ta ri ipatan ri tiko^j awän, xa k'oj ri iwichin rix- xcha' ri ch'oy. -¿Akuchi k'oj wi? Tab'ij na k'a- xecha' k'a ri k'ajola' chi re ri ch'oy. -Yiniwisq'opij ta na jub'a' k'a, xa k'oj nutzij chi nupam, k'a ri' k'a xtinb'ij chi iwe, niya' ta na jub'a' nuway- xcha' k'a ri ch'oy.

-K'a ri' xtiqaya' k'a ri away, tab'ij nab'ey- xucha'ëx. -Ütz k'a. Ja re' richin itata', ri **Jun Jun Ajpub', Wuqu' Jun Ajpub'** kib'i' ri xekäm chi la' chi **Xib'alb'ay**: k'oj k'a kan ketz'ab'äl, e tzeqël kan pa ruwi' ri jay ri kib'ate', kipachq'a', kikik' chuqa'. Ja k'a xa man nik'üt ta chi iwäch ruma ri iwati't, kuma rije' xekäm ri itata'.

-¿La kan qitzij chi awetaman?- xecha' k'a ri k'ajola' chi re ri ch'oy. Nīm xkikot kik'u'x töq xkak'axaj rutzijol ri kik', töq xub'ij ri ch'oy. K'a ri' k'a xkiya' recha'⁶⁸ ri ch'oy.

Ja re' k'a xok ruway: -ri ixim, sakil, ri ik, kinäq', ri peq, kakaw, chuqa' awichin ri xa mestan kan, awichin k'a itak'uxu'!- xucha'ëx k'a ri ch'oy kuma ri **Jun Ajpub', Ixb'alamkej**.

-Ütz k'a ri' rix k'ajola'. ¿Achike k'a xtintij we xkirutz'ët ri iwati't?- xcha' k'a. -Man titzaq ak'u'x, xa öj k'oj roj, yojnojin achike xtiqab'ij chi re ri qati't. Xa chi anin xkatb'eqaya' el chi ruxikin jay töq xkojok apon. Chi anin katapon akuchi e tzeqël wi, chi ri' k'a xkatqatz'ët wi pa rutum jay, xa xe xkatqatz'ët wi chi kaj- xecha' k'a chi re ri ch'oy.

Ke ri' töq xkipixab'aj. Pa jun aq'a' xkib'än kina'oj ri **Jun Ajpub', Ixb'alamkej**. Tik'il k'a ri q'ij töq xeb'e'apon. Man jun q'aläj ta ri ch'oy ri kik'wa'n töq xeb'e'apon. Jun yakäl xok pa jay, ri jun chik xok ok chi ruxikin jay, chi anin k'a xuya' q'anij ri ch'oy.

- ⦿⦿⦿ ⦿⦿ Ja ri' töq xkik'utuj k'a kiway chi re ri kati't: -xa taq'utu' qarikil, niqarayij ri q'utu'n ik ixtiqati't- xecha' k'a. K'a ri k'a xq'ut kik, jun läq ruya'al xtik'ib'äx chi kiwäch.
- ⦿⦿⦿ ⦿⦿ Xa choj richin xkiq'öl el ri kati't, ri kite' chuqa' töq xkik'is qa ri ya' ri k'oj pa kuku': -qitzij chi nichaqij qachi', tab'ek'ama' quk'iya'- xecha' chi re kati't. -Ja'e- xcha' k'a, ja ri' töq xb'e.
- ⦿⦿⦿ ⦿⦿ Tal xkichäp wa'in, xa man qitzij ta chi yenüm, xa q'oloj xkib'än. K'a ri' töq xkitz'ët k'a ri ch'oy chi rupam ri q'utu'n ik, k'olan pe ri ch'oy chi rij ri kik' ri tzeqël pa ruwi' jay.
- ⦿⦿⦿ ⦿⦿ Ja ri' töq xkitz'ët pa q'utu'n ik. K'a ri' töq xkitäq k'a jun xanän. Ri chiköp xanän achi'ël üs xapon chi ya'. Ja ri' töq xb'eruwopo' ruwäch rukuku' ri ati'taj, xa yakäl niq'ax el ri ya' chi rupam ri rukuku'. Xutij ruq'ij xa man xtz'apetäj ta ri kuku' chi ruwäch.
- ⦿⦿⦿ ⦿⦿ -¿Achike xub'än ri qati't? Yojitz'atäj ruma qaya', yojkäm ruma chaqij'j chi'- xecha' chik chi re ri kite' töq xkitäq el. K'a ri' k'a töq xuqasaj pe ri ch'oy ri kik', xqa pe pa rutum jay ruk'in ri b'ate', pachq'ab', tz'um. Xkimajixtaj k'a, k'a ri' xb'ekewaj kan pa b'ey, pa rub'ey ri jom.
- ⦿⦿⦿ ⦿⦿ K'a ri' k'a xeb'e chik ruk'in ri kati't chi ya'. Yetajin k'a ri kati't, kite' chi rutz'apixik ruwäch ri kuku'. Ke k'a ri' töq xeb'e'apon, chi kijujunal ruk'in kipub' xeb'e'apon chi ya': -¿achike xib'än? Xa xik'o qak'u'x, ruma ri' xojpe- xecha'.
- ⦿⦿⦿ ⦿⦿ -Titz'eta' jub'a' ruwäch ri nukuku', xa man nitz'apetäj ta-xcha' ri kati't. Chi anin k'a xkitz'apej chik, junam k'a xepe chik, e nab'ey pe chi ruwäch ri kati't, kite'.
Ke re' k'a xub'än rilitajik ri kik' ri'.

Ruwuqlaj Tzij

Ri oyonen *pa Xib'alb'ay*

Yekikot chik k'a xeb'e ri etz'anela' pa jom. Nim ramaj k'a xeb'e'etz'an wi kiyon. Xkimës k'a rupam ri jom richin wi kan kitata'.

K'a ri' töq xkak'axaj k'a pe ri rajawal **Xib'alb'ay**: –¿achike chik k'a ri xutikirib'a' chik ri etz'anen pa qawi'? ¿Man jub'a' yek'ix yetin'in pe pa qawi'? ¿La man xekäm ta k'a ri **Jun Jun Ajpub', Wuqu' Jun Ajpub'**, ri xkajo' xkinimirsaj ki' chi qawäch? ¡Jët k'a rix, ke'itaqa' chik pe!–

xecha' k'a ri **Jun Kame, Wuqu' Kame**, konojel ri **Ajawa'**. –Ke'itaqa' pe– xecha' chi ke ri **Kisamajela'**. –Ke re' xtib'ij töq xkixapon "*kepe yecha' pe ri Ajawa', chere' ta kojetz'an wi kuk'in. Wuqub'ix apon xkojetz'an yecha' pe ri Ajawa'*" xtib'ij töq xkixapon– xe'ucha'ëx k'a ri **Samajela'**.


Ja ri' töq xeb'e k'a pa nïmab'ey, kib'ey ri k'ajola' chi kachoch, chöj k'a xeb'e chi kachoch k'ajola'. Ri **Samajela'** xeb'e'apon ruk'in ri kati't. Rije xa ye'etz'an töq xeb'e'apon ri **Rusamajela'** ri **Xib'alb'ay**:

–“qitzij kepe'” yecha' ri **Ajawa'**– xecha' k'a ri **Rusamajel Xib'alb'ay**. K'a ri' töq xjikib'äx k'a kan ruq'ijul koma **Rusamajel** ri **Xib'alb'ay**: –wuqub'ix xke'oyob'äx– xucha'ëx kan ri **Xmukane**. –Ütz k'a ri' rix **Samajel**– xcha' ri ati'taj. Xeb'e k'a ri **Samajela'**, xetzolin el.

Ja ri' töq xpo'itäj ruk'u'x ri ati'taj: –¿achöq chi rij xtintäq wi koyoxik kichin ri wiy, numam? ¿La man qitzij ta k'a chi e xib'alb'ay? Xa ke ri' töq xepe ri **Samajela'** ojer töq xetokik'ama' ri kitata'– xcha' ri kati't. Nib'ison xok ruyon pa jay.



- ⋮ | Ja ri' tōq xqa pe jun ük' chi rij rutziyaq. K'a ri' xutz'äm q'anij, xuya' k'a pa ruq'a', xa timalmöt k'a ri ük' xb'iyn.
- ⋮ | –Rat wiy, numam žnawajo' ta yatintäq, keb'e'ataqa' pe ri wiy, numam pa jom?– xucha'ex ri ük' tōq xeb'e ri **Samajela'**. –"Xe'oqa ri **Samajela'** ruk'in iwati't" kacha' k'a tōq xkatapon. "*Wuqub'ix k'a ke'apon yecha' k'a **Rusamajela'** ri **Xib'alb'ay'***" nicha' ri iwati't– xucha'ex ri ük'.
- ⋮ | Ja ri' tōq xb'e, timalmöt k'a xb'e. Tz'uyül k'a ri k'ajol pa b'ey, **Tamasul** rub'i' ri xpëq. –žApe' yab'e wi?– xcha' k'a ri xpëq chi re ri ük'. –K'oj jub'a nutzij chi nupam, yib'e kuk'in ri k'ajola– xcha' ri ük' chi re ri **Tamasul**.
- ⋮ | –Ütz k'a ri', xa ja ri man jub'a' yatanin nintz'ët rin– xucha'ex k'a ri ük' ruma ri xpëq. –žMan nawajo' ta k'a yانب'iq'? Tatz'eta' na pe', we yinanin yojapon chi anin. –Ütz k'a– xcha' ri ük' chi re ri xpëq.
- ⋮ | Ja k'a re' tōq xb'iq'itäj el ruma ri xpëq, ri nib'e näj. K'a ri' k'a xb'e ri xpëq, xa ja ri man nanin ta. K'a ri' k'a tōq xuk'ül k'a jun nīm kumäztz **Saqik'as** rub'i'.
- ⋮ | –žAkuchi yab'e wi rat **Tamasul** k'ajol?– xucha'ex k'a ri xpëq ruma ri **Saqik'as**. –Rin in **Samajel**, k'oj nutzij chi nupam– xcha' k'a ri xpëq chi re ri kumäztz. –Xa ja ri man jub'a' yatanin nintz'ët rin. Yitäq ta el rin yinapon chi anin– xcha' k'a ri kumäztz chi re ri xpëq. –Katanape– xucha'ex.
- ⋮ | K'a ri' k'a xb'iq' chik ri xpëq ruma ri **Saqik'as** (xa ke k'a ri' rutikirib'al ruwayib'al ri kumäztz ri yekib'iq' ri xpëq wakamin).
Chi anin k'a xb'e ri kumäztz tōq xb'e. Xk'ulutäj chik k'a ri kumäztz ruma ri **Wak'**⁶⁹, ri nīm tz'ikin. Xb'iq' chik k'a ri kumäztz ruma ri **Wak'**.



K'a ri' k'a xapon pa ruwi' ri jom (ja k'a re' rutikirib'äl ruwayib'äl ri xik xa yekitij kumätz pa taq juyu').

K'a ri' xapon ri **Wak'**, xbechakacho' pa rusutz'il ri jom. Yekikot k'a ri **Jun Ajpub'**, lxb'alamkej ye'etz'an.

Ja ri' töq xapon k'a ri **Wak'**. Ja ri' töq xoq' k'a ri **Wak'**: – jwa' k'o! jwa' k'o!– xcha' ri roq'ej ri **Wak'**. –¿Achike k'a ri xoq' pe? jTipe k'a ri qapub'!– xecha'.

K'a ri' k'a xkipub'aj ri **Wak'**, xkichojmij k'a runaq' pub' k'a chi runaq' ruwäch, tiropöp xbeqa pe. Kan choj wi xbekichapa', k'a ri' xkik'utuj chi re: –¿achike ruma xape?– xecha' chi re ri **Wak'**.

–K'oj jub'a' nutzij chi nupam, tiwaq'omaj runaq' nuwäch nab'ey k'a ri' k'a xtinb'ij chi iwe– xcha' ri **Wak'**. –Ütz k'a ri'– xecha' k'a. K'a ri' xkelesaj jub'a' rij rukik'el ketz'ab'äl, ja ri' xkokisaj chi runaq' ruwäch ri **Wak'**, **Lotz Kik'** xub'ina'aj kuma'. Chi anin k'a xk'achöj kuma, ütz yan rutzub'äl ri **Wak'** xub'än.

–Tab'ij k'a– xecha' chi re ri **Wak'**. K'a ri' k'a töq xuxa' el ri nīm kumätz. –Kach'o'n k'a– xecha' chik chi re ri kumätz. –Ja'– xcha' k'a. Ja ri' töq xuxa' el ri xpëq. –¿Ape' k'oj ri ataqkil? Katzijon k'a– xucha'ëx k'a ri xpëq. –Xa k'oj jub'a' nutaqkil chi nupam– xcha' k'a ri xpëq.

K'a ri' k'a xrajo' xxa'a' ta, xa man xtikir ta nixa'a', xa xe nub'iq' ri ruchub', choj nutij ruq'ij xa manäq ruxa'oj ta. Ke x'a ri' xa jub'a' man xch'ay kuma ri k'ajola'.

–jAt k'axtok'!– xucha'ëx. Xjin k'a ruwa rachäq chi aqän, xq'aj k'a rub'aqil ruwa rachäq chi aqän. Nutij ruq'ij chi uchua'a', xa xe ruk'axäj xbe'e'el pe pa ruchi'.

- ① ① K'a ri' k'a xkirech' ruchi' ri xpëq, xkirech' kuma ri k'ajola', xkikanuj pa ruchi'. Xa nak'äl ri ük' chi ruxe' rey ri xpeq, xa pa ruchi' k'oj wi, xa man xub'iq' ta, xa achi'el xub'iq' xub'än. Ke k'a ri' töq xch'akatäj ri xpëq, xa man q'aläj ta ruwäch ruway xkiya' chi re, xa ruma man xch'o'on ta, xa ruway kumätz xok.
- ① • –jKatzijon!– xucha'ëx k'a ri ük'. Ja ri' k'a töq xub'ij k'a rutzij: –nub'ij ri iwati't rix k'ajola': “keb'e'ataqa' pe, xa xe'oqa **Xib'alb'ay Rusamajel** ri **Jun Kame, Wuqu' Kame, wuqub'ix** apon ke'oqa wawe', xkojetz'an, kepe ri ketz'ab'al, kik', b'ate', pachq'ab', tz'um. Xa ke ri' xqojk'astan chere' xecha' ri **Ajawa''**”.
- ① : –“Kan qitzij chi xetok'ulun” nicha' ri iwati't ruma ri' xipe. Qitzij nub'ij ri iwati't, noq', nisik'in k'a ri iwati't töq xipe. – ¿La qitzij ri'?– xecha' k'a ri k'ajola' pa kik'u'x töq xkak'axaj. Chi anin xeb'e, xeb'e'apon k'a ruk'in ri kati't. Xa choj xkipixab'aj kan ri kati't töq xeb'e chik.
- ① : –Xa yojb'e ixtiqati't, xa choj yatiqapixab'aj kan. Ja k'a re' retal ri qatzij xtakanäj kan. Chi qajujunal xtiqatik kan jujun ruwi' aj, pa runik'ajal qachoch xtiqatik wi, ja re' retal ri qakamik. We xkechaqi'j “xekäm” kixcha', ja ri' töq xkechaqi'j. We xkejotayin pe “e käs” kixcha' k'a xtiqati't, xtiqate'. Man kixoq' k'a, xa k'oj k'a retal ri qatzij xtakanäj kan iwuk'in– xecha' kan.
- ① : Töq xeb'e k'a jun xutik kan ri **Jun Ajpub'**, jun chik xutik kan ri **Ixb'alamkej**. Xa pa jay xkitik wi, man pa juyu' ta, man pa räx ulew ta chuqa, xa pa chaqi'j ulew, pa runik'ajal rupam kachoch xkitik wi kan.

Ruwaqxaqlaj Tzij

Ri b'enan pa *Xib'alb'ay*

- ① | Ja ri' töq xeb'e k'a, kik'walon jujun kipub'. Xeqa' qa pa **Xib'alb'ay**. Chi anin xeqa qa pa q'a'm b'ey, xe'ik'o pa jal





ya', siwan, chi kikojol ri tz'ikina' xe'ik'o wi, ri tz'ikina' molay kib'i'.

Xe'ik'o chik k'a pa püj ya', pa kik' ya', richin ch'akb'al ta kichin pa kik'u'x ri aj xib'alb'ay, xa man xkik'owisaj ta, xa chi rij pub' xe'ik'o wi.

Xe'el chi ri', xeb'e'apon k'a pa kaji' xalq'at b'ey.

Rije xa ketaman wi k'a achike kib'ey ri aj xib'alb'ay: ri q'eq b'ey, säq b'ey, käq b'ey, räx b'ey. Xa chi ri' k'a xkitäq el jun chiköp **Xanän** rub'i'. Ja k'a re' ri k'amöy rak'axikil tzij töq xkitäq el.

—Chi kijujunal ke'ati', nab'ey tati' ri nab'ey tz'uyurnäq pe. Ke'acholajij chi kiti'ik konojel, xa kan awichin wi, tatz'ub'u' rukik'el ri winäq pa b'ey— xucha'ëx ri xanän. —Ütz k'a ri— xcha' k'a ri xanän.

Ja ri' töq xok pa q'eq b'ey, chöj k'a xb'e chi rij ri poy, ajan che', ri nab'ey taq k'ulel. Jeb'ël kiweqon ki'. Ja ri nab'ey k'a xuti', xa man xch'o'n ta. Xuti' chik k'a ri ruka'n k'ulel, man xch'o'n ta chuqa'.

Xuti' chik k'a ri rox, k'a pa rox k'oj wi ri **Jun Kame**. —jAy!— xcha' chik k'a rija' töq xti'. —¿Achike ri' **Jun Kame**?— xcha' ri rukaj tz'uyurnäq ri tz'uyul chi ri'. —Achike na xiruti', man wetaman ta— Xti' ri jun chik. —jAy!— xcha' chik ri rukaj k'ulel. —¿Achike ri' **Wuqu' Kame**? ¿Achike xati'on?— xub'ij chik ri ro' k'ulel.

—jAy! jAy!— xcha' ri ro' tz'uyurnäq. —¿Achike ri' **Xik'ir Pat**?— xub'ij ri **Wuqu' Kame** chi re. —Achike na xiruti'— xcha'. Xti' ri ruwaq tz'uyurnäq. —jAy!— xcha'. —¿Achike xab'an **Kuchun Kik**?— xcha' ri **Xik'ir Pat** chi re. —Achike na xiti'on— xcha' chik. K'a ri' töq xti' ri ruwaq k'ulel. —jAy!— xcha' chik.



- ① ∥ –ǵAchike xab'än rat **Ajpüj**?– xcha' ri **Kuchun Kik'** chi re. – Achike na xiruti'– xcha' k'a. K'a ri' xti'öx chik ri ruwaqxaq k'ulel. –ǵAy!– xcha' chik. –ǵAchike xab'än **Ajq'anya'**?– xcha' chik ri **Ajpüj** chi re. –Achike na xiti'o'– xcha' chik. Ja ri' töq xti' chik ri rub'elej k'ulel.
- ① ∥ –ǵAy!– xcha' chik. –ǵAchike xab'än **Ch'ami'y B'aq**?– xcha' ri **Ajq'anya'** chi re. –Achike na xiti'o'– xcha' chik. Ja ri' töq xti' ri rulaj k'ulel. –ǵAy!– xcha' k'a. –ǵAchike xab'än rat **Ch'ami'y Jolom**?– xcha' ri **Ch'ami'y B'aq**. –Achike na xiti'o'– xcha' chik. Ja ri' töq xti' chik rujulaj k'ulel. –ǵAy!– xcha' chik.
- ① ∥ –ǵAchike xab'än **Xik**?– xcha' chik ri **Ch'ami'y Jolom** chi re. –Achike na xiti'o'– xcha' chik. Ja ri' töq xti' chik ri rukab'laj k'ulel. –ǵAy!– xcha' k'a. –ǵAchike xab'än rat **Patan**?– xcha' ri **Xik** chik chi re.
- ① ∥ –Achike na xiti'o'– xcha' chik. Ja ri' töq xti' chik ri roxlaj k'ulel. –ǵAy!– xcha' k'a. –ǵAchike xab'än **Kik' Rey**?– xcha' ri **Patan** chi re. –Achike na xiti'o'– xcha' chik. Ja ri' töq xti' chik ri rukajlaj k'ulel. –ǵAy!– xcha' k'a. –ǵAchike xab'än **Kik' Rixk'yäq**?– xcha' chik ri **Kik' Rey** chi re. –Achike na xiti'o'– xcha' k'a.
- ① ∥ Ke re' k'a rub'ixik ri kib'i' xkib'ij konojel chi kiwäch, xkik'üt kiwäch, xkib'ij kib'i', ke ri' rub'ixik xb'än kuma. Ke ri' xub'ij rub'i' ri jun tz'uyül chi ruxeq'ut.
- ① ∥ Man jun achike xusäch kan rub'i', xk'is rub'ixik kib'i' konojel. Ke ri' töq xeti'o' ruma rismal ruwa ruch'ek ri **Jun Ajpub'** töq xumich' el, xa man qitzij ta chi xanän ri xeti'o'. Ke ri' xb'e'ak'axäx kib'i' konojel kuma ri **Jun Ajpub'**, **Ixb'alamkej**.
- ① ∥ Ja ri' töq xeb'e, k'a ri' töq xeb'e'apon k'a chi la' ri akuchi e k'oj wi ri xib'alb'ay. –Ke'iq'ijela' ri **Ajawa'**– xcha' ri

tz'uyül, xcha' ri jun taqchinel. –Xa man ja ta re' ri **Ajaw**, re' xa poy, ajan che' – xecha' ja ri töq xeb'e'apon.

K'a ri' k'a töq xeq'ejelo'n, xkib'ij: –ja k'a ok re' xojpe **Jun Kame!** ¡Ja k'a ok re' xojpe **Wuqu' Kame!** ¡Ja k'a ok re' xojpe **Xik'ir Pat!** ¡Ja k'a ok re' xojpe **Kuchun Kik'!** ¡Ja k'a ok re' xojpe **Ajpüj!** ¡Ja k'a ok re' xojpe **Ajq'anya!** ¡Ja k'a ok re' xojpe **Ch'ami'y B'aq!** ¡Ja k'a ok re' xojpe **Ch'ami'y Jolom!** ¡Ja k'a ok re' xojpe **Kik' Xik!** ¡Ja k'a ok re' xojpe **Patan!** ¡Ja k'a ok re' xojpe **Kik' Rey!** ¡Ja k'a ok re' xojpe **Kik' Rixk'äq!** –

xecha' ja ri töq xeb'e'apon. Konojel xtz'et k'a kiwäch, xkib'ij kib'i' konojel, man jun chike rije xsäch rub'i'.

Ja ri xajowäx chi kichin, ja ri man ta xkanöy ri kib'i' kuma. –Kixtz'uye' wawe– xe'ucha'ëx k'a, xajowäx chi xetz'uye ta chi ruwi ri tem⁷⁰, xa man xkajo ta. –Man ja ta re' qatem, xa choj poron ab'äj ri tem– xecha' k'a ri **Jun Ajpub'**, **Ixb'alamkej**. Man xech'akatäj ta.

–Ütz k'a, choj jet pa jay– xe'ucha'ëx. K'a ri' k'a töq xe'ok pa **Q'equ'm Jay**, xa man xech'akatäj ta chi ri'.

Rub'elejlaj Tzij

Rutijob'äl je' Xib'alb'ay

Ja k'a re' ri nab'ey rutojtob'äl ri **Xib'alb'ay**. Töq xe'ok ok richin k'a rutikirib'äl kich'akatajik chi kik'u'x ri xib'alb'ay. Nab'ey xe'ok pa **Q'equ'm Jay**, k'a ri' k'a xb'eya'öx kan kichäj richin nkitzij chuqa' xb'eya'öx kan jujun kisik' kuma **Rusamajela' ri Jun Kame**.

–“Ja re' ri kichäj” nicha' pe ri **Ajaw**. “Xa xtikijäch k'a ri chäj nimaq'a' ruk'in ri sik', tz'aqët tikitzolij kan” nicha' pe ri **Ajaw**– xcha' ri **Samajel** töq xapon. –Ütz k'a ri'– xecha' k'a.

–¿Achike k'a re'? –xecha' ri **Jun Ajpub'**, **Ixb'alamkej**. –Xa kamik niwajo' chi qichin. Man ta k'a xitāq qoyoxik. Man ta xeb'e'apon ri **Isamajela'**. Qitzij k'a tijoyowaj qawäch, xa yojb'e na– xecha' ri k'ajola' chi ke.

Xa kan ja k'a re' xajowäx chi ke ri k'ajola', chi anin ta xekäm töq ye'etz'an. Man xech'akatäj ta. Xa ri aj xib'alb'ay xech'akatäj chik k'a kuma ri k'ajola'.

–Man jani na yixb'e rix k'ajola', kojetz'an na, ja re' niqokisaj ri iwichin– xe'ucha'ex ri k'ajola'. –Ütz k'a– xecha' k'a. Ja ri' töq xok ri kikik', ke ri' töq xk'is ri etz'anen.

K'a ri' k'a töq xkicha' ri kich'akoj. –¿Achike k'a xtiqach'äk– xecha' ri aj xib'alb'ay. –Jun ch'akoj– xecha' ri k'ajola'. –Xa xtiqach'äk k'a kajkäj tzimay kotz'i'j– xecha' ri aj xib'alb'ay,

–Ütz k'a ri'. Ja k'a ¿achike chi kotz'ijal?– xecha' ri k'ajola' chi ke ri aj xib'alb'ay. –Jun ch'uti'n b'oraj kaq much'in kotz'i'j, jun ch'uti'n b'oraj säq much'in kotz'i'j, jun ch'uti'n b'oraj q'än much'in kotz'i'j, jun ch'uti'n b'oraj k'a ri nima'q q'equ'maxar– xecha' ri aj xib'alb'ay. –Ütz k'a– xecha' k'a ri' ri k'ajola'.

Xa ke ri' k'a töq xk'is ri ketz'anen, xa junam ri kuchuq'a'. Janila xe'etz'an ri k'ajola', xa ütz k'a kik'u'x. Ja re' töq xkiya' ki' richin yech'akatäj ri k'ajola'.

Yekikot k'a ri aj xib'alb'ay ri töq xech'akatäj ri k'ajola'. –Ütz xqab'än nab'ey xeqach'ek– xecha' ri aj xib'alb'ay. –¿Ape' xtib'ekik'ama' pe ri kotz'i'j?– xecha' chi kik'u'x. –Qitzij pa ruseqerik ta xtiya' pe ri qakotz'i'j, qach'akoj– xe'ucha'ex k'a ri **Jun Ajpub'**, **Xb'alamkej** kuma ri aj xib'alb'ay.

–Ütz k'a ri', nimaq'a' yan yojetz'an– xecha' k'a töq xkipixab'aj ki'. K'a ri' chik k'a xe'ok ri k'ajola' pa **Chayim Jay**, ri ruka'n tojtob'äl **Xib'alb'ay**. Ja k'a ri xajowäx kichin

ja ri xesokotäj ta kuma ri chay, chi anin xekäm ta chi kik'u'x.

• : • Xa man xekäm ta. K'a ri' töq xech'o'n chi ke ri chay, k'a ri' töq xekipixab'aj: –iwichin ja ri ronojel kiti'ojil ri chikopi' – xecha' chi ke ri chay. Man xesilon ta chik, xa jun xek'oje' wi ri chay konojel.

• : • Ke ri' xek'oje pa ri **Chayim Jay** chaq'a', ja ri' k'a töq xekoyojo konojel ri sanik: –ichay sanik! ich'eken sanik! iKixam pe! ikixok'ulun iwonojel! iTik'ama' pe ronojel ruwäch kotz'i'j ri kichilab'en ri **Ajawa'**

• : • –Ja'e– xecha' k'a. K'a ri' töq xeb'e k'a ri sanik chi ruk'amik kotz'i'j ri kitiko'n ri **Jun Kame, Wuqu' Kame**. Myer ok xekipixab'aj ri chajiy kikotz'i'j ri xib'alb'ay: –tichajij ri qakotz'i'j, man tiya' q'ij neleq'äx, richin xkeqach'äk ri k'ajola'. Akuchi na xtiye wi ri qachilab'en chi ke. Man kixwär jun aq'a'. –Ütz k'a ri' – xecha' k'a.

• : • Xa manjun xkina' ta ri chajiy tiko'n, tal yesik'in chi ruq'a' taq che', tiko'n chuqa'.

Ja re' ri kisik'inik ri nkib'än: –ixpurpuwäq! iXpurpuwäq!– nicha' ri **Porpoweq'** pa rusik'inik. –iPujuyu'! iPujuyu'!– nicha' chik töq nisik'in

• : | ri **Pujuyu** rub'i'. E ka'i' ri chajiy tiko'n, rutiko'n ri **Jun Kame, Wuqu' Kame**. Xa man k'a yekina' ta ri sanik, ri eleq'oma' richin ri kichajin. Nikeraj pe ri kotz'i'j pa ruwi' ri taq che', nkisik' chi ruxe' ri che' ri kotz'i'j.

• : • | Xa ke ri' k'a nkiräq kichi' ri chajinela'. Man nkina' ta töq nik'ux kijey, nik'ux kixik'.

Rije' k'a nikeraj ri kotz'i'j, nkiqasala', xkisik'ila', k'a ri' kik'walon yeb'e apo.

Chi anin k'a xnoj ri kaji' tzimay kotz'i'j, e tik'itixnāq chik k'a tōq xsaqār pe. K'a ri' k'a tōq xe'oqa ri **Samajela'**, **Taqonela'**. –“Kepe k'a” nicha' ri **Ajaw**. “Chi anin tikik'ama' pe ri qach'ako” – xe'ucha'ēx k'a ri k'ajola'.

–Ütz k'a – xecha' k'a. Kitik'ilo'n k'a ri kotz'i'j pa kaji' tzimay ja ri tōq xeb'e. K'a ri' xeb'e'apon k'a chi ruwäch ri **Ajaw**. Ri **Ajawa'** xkik'ul ri kotz'i'j, kan jab'el ketzu'un. Xa ke k'a ri' tōq xech'akatāj ri aj xib'alb'ay:

xa xe ri sanik xekitāq el ri k'ajola'. Xa xe jun aq'a' xesamāj ri sanik, k'a ri' xkiya' pa taq tzimay. Ja ri' tōq xesaqmayin konojel ri aj xib'alb'ay, xb'e rukik'el kiwäch ruma ri kotz'i'j.

K'a ri' k'a xkitāq koyoxik ri chajiy kotz'i'j. –¿Achike ruma xiya' q'ij richin ri qakotz'i'j xeleq'āx? Ja re' ri qakotz'i'j rōj nintz'ēt – xe'ucha'ēx ri chajinela'. –Xa man xqana' ta rat **Ajaw** ja ri tōq xkik'uq ri qajey – xecha' k'a. K'a ri' k'a tōq xjaqaqāx kichi', rutojb'alil ri xkiya' q'ij ri eleq'anik.

Xa ke ri' k'a tōq xech'akatāj ri **Jun Kame**, **Wuqu' Kame** kuma ri **Jun Ajpub'**, **Xb'alamkej** pa ruxe'el k'a ri kib'anoj ri'. Ke ri' tōq xkanāj retal pa kichi', k'a rech'erāq kichi' ri porpoweq' wakamin.

K'a ri' k'a xeqa qa richin ye'etz'an, xa xe k'a junam xe'etz'an. Xetane' ruk'in ri etz'anen, ja ri' tōq xkipixab'aj chik k'a ki': –k'a chwāq yan chik nimaq'a' – xecha' ri aj xib'alb'ay. –Ütz k'a ri' – xecha' ri k'ajola' tōq xetane'.

Rujuk'al Tziz

Ri julēy chik rutojtob'al Xib'alb'ay

Xe'ök chik k'a pa **Tew Jay**. Man ajilan ta wi ri tew. Janila saqtetōj chi rupam ri jay, rochoch tew. Chi anin k'a xtajztōj'

ri tew kuma ri ch'oxch'äq taq che', xk'is ri tew kuma ri k'ajola'.

- : ::|| Man xekäm ta, xa e k'äs töq xsaqër pe. Ja k'a ri xkajo' ta ri aj xib'alb'ay ja ri chi ri' jumul ta xekäm, xa man ke ta ri' xub'än, xa ütz kiwäch töq xsaqër pe. Xeb'e apo ri taqol kichin, xepe k'a chik ri etz'anela'.
- : ||| ¿Achike ruma man xekäm ta?– xcha' chik rajawal ri **Xib'alb'ay**. Xsach kik'u'x ruk'in ri kib'anoj ri k'ajola' **Jun Ajpub', Ixb'alamkej**.
- : •|| K'a ri' k'a xe'ok chik k'a pa **B'alam Jay**. Janila chi b'alam e k'oj chi ri' pa kachochil b'alam. –¡Ma ni ta yojik'apij! Rix k'oj ri iwichin– xe'ucha'ëx ri b'alami'. K'a ri' k'a töq xkitorij b'aq chi kiwäch ri chikopi'.
- : ::|| K'a ri' k'a yepaq'äq' chi rutijik ri b'aq. –Xutzin na, xetij na wi. K'a ri' k'a xkiya' ki', k'a ri' ri kib'aqil nik'ux yan chik– xecha' ri waranela'. Konojel ki' kik'u'x chi ke.
- : ::|| Xa man xekäm ta, xa ütz kiwäch xe'el pe pa **B'alam Jay**. –¿Achike chi e winäq re'? ¿Ape' e petenäq wi?– xecha' ri aj xib'alb'ay konojel.
- : ::|| K'a ri' k'a xe'ok chi rupam ri **Q'aq' Jay**, xa ruyon q'aq' rupam. Man xek'at ta ruma, chöj xkisab'a' ki', xa chöj xsaqti'e' kiwäch. Jeb'ël ütz kiwäch töq xsaqër pe. Rije' xkajo' ta chi anin xekäm ta chi rupam ri akuchi xe'ik'o wi. Xa man ke ta ri' xk'ulwachitäj, ruma ri' xsäch kik'u'x ri aj xib'alb'ay kuma.
- : ☉ Xe'okusäx k'a chik chi rupam ri **Sotz' Jay**. Ruyon sotz' e k'oj chi rupam ri jay, jun jay kichin kamasotz', nima'q taq chiköp. Kitza'n achi'el kamsab'äl, pa juyik' yekäm ri achike ye'apon chi kiwäch.

Xek'oje' k'a chi ri' chi rupam ri jay, xa pa kipub' xewär wi. Ruma ri' man xetij ta kuma ri e k'oj pa jay. Chi ri' k'a xkiya' wi ki' ruma jun wi ruwäch chi kamasotz' chi kaj xpe wi. Xa ruk'in ruk'utb'äl xb'anatäj ruma

kichapon ch'ob'onik. Jun aq'a' k'a ri sotz' xeb'ujüj: -jwütz'! jWütz'!- yecha'. Ke ri' xkib'än jun aq'a'. Xetane' k'a jub'a, man jun xesilon ta chik ri sotz'. Xpa'e jun pa rutza'n pub'.

Xub'ij k'a ri **Xb'alamkej** chi re ri **Jun Ajpub'**: -¿la xsaqër yan pe natz'ët? -K'a man jani tintz'et ta- xcha' k'a. Rija' nirajo' nutz'ët el, chi ruchí' ri pub' nirajo' nutzu' pe ri saqirib'äl. K'a ri' k'a töq xqupix k'a raqän rujolom ruma ri kamasotz', man jun chik rujolom xkanäj kan ruch'akul ri **Jun Ajpub'**.

Jun b'ey chik: -¿la xsaqër yan?- xcha' ri **Ixb'alamkej**. Xa man jun chik nisilon ri **Jun Ajpub'**. -¿Achike ri'? ¿Ape' xb'e wi **Jun Ajpub'**? ¿Achike ri xab'än?- Xa man jun chik nisilon ta, xa chöj niqosös chik.

Ja ri' töq xuxib'ij ri' ri **Ixb'alamkej**. -jAy! jXojch'akatäj yan!- xcha' k'a ri'.


Chi la' k'a xb'ek'ol wi rujolom chuwi ri jom, ja ri' wi rutzij ri **Jun Kame, Wuqu' Kame**. Yekikot k'a ri aj xib'alb'ay konojel ruma rujolom ri **Jun Ajpub'**.

Nab'ey Rukak'al Tzij

Ri ch'akonik pa jom

Ke ri' k'a töq xeroyoj ri chikop, konojel ri sis, aq, konojel ri ch'uti'n taq chiköp, nima'q taq chiköp pa chaq'a', chuqa' pa nimaq'a'.

Ja ri' töq xuk'utuj chi ke achike kiwayib'äl: -¿achike k'a pe ri iway chi ijujunal? Xintäq iwoyoxik xa richin tib'ek'ama' pe ri iway- xcha' k'a ri **Xb'alamkej** chi ke. -Ütz k'a- xecha' k'a.



- : :| K'a ri' k'a xeb'e ri k'amol richin. K'a ri' k'a xe'oqa junam k'a konojel. K'oj ri xa xe ri q'uma'r xb'ekik'ama' pe, k'oj ri xa xe q'ayis xb'ekik'ama' pe, k'oj ri xa xe ab'aj xb'ekik'ama' pe, k'oj ri xa xe ulew xb'ekik'ama' pe. Jalajöj ruwäch ri kiwayib'al chi ch'uti'n taq chikop, chi nima'q taq chiköp.

- : :| Xamb'eynäq kan ri sis, jun q'oq' xb'eruk'ama' pe, nub'olq'otij ruk'in rutza'n ruk'amon pe. Ja k'a re' xok ruk'exel rujolom ri **Jun Ajpub'**. Pan anin xk'ot runaq' ruwäch.

- : || E k'i'y chi **Ajna'oj** chi kaj xepe wi. Ja ri **Ruk'u'x Kaj, Jun Raqän** xok'oje', xotz'uye' chi ri' pa **Sotz' Jay**.

Xyalöj rusamajixik ruwäch, xa jeb'äl chik xel, jeb'äl xwachin pe, chuqa' xch'o'n pe.

- : •|| Ja ri töq nisaqär yan xkaqär pe ruxe' kaj. –jKaxaqir chik **Mama'aj!**– xucha'ex ri **K'üch**. –Ja'e– xcha' ri **Mama'aj**, k'a ri' xxaqir, k'a ri' xq'equ'mär chik, kajmul xxaqin ri **Mama'aj**.

- : :|| “Nixaqin ri **K'üch**” yecha' ri winäq wakamin.

- : :|| K'a ri' k'a töq xsaqär. Xa pa rusaqch'uch'ujil k'a xutzir töq xutikirisab'ej ruk'ojlem. –¿La ütztel k'a ri **Jun Ajpub'**? –Ja, ütztel xcha' k'a. Xub'olqotla' rujolom, kan ach'el qitzij rujolom xel.

- : :|| Ja ri' k'a töq xetzijon, xkipixabäy ki': –man katchaj, xa tachajij awi', xa rin pa nuyonil xtinb'än– xcha' ri **Xb'alamkej** chi re.

- : ||| Ja ri' k'a töq xupixab'aj jun umül: –katb'ewuq'e' chi ruwi' ri jom, pa ruwi' katk'oje' wi chi rupam ri tz'unuj– xucha'ex

ri umül ruma ri **lxb'alamkej**. –Tapon na ri kik' awuk'in ja ri' töq xkatelxtan el, rin weta'am achike xtinb'an– xucha'ex ri umül töq xpixab'ax chaq'a'.

Ja k'a ri töq xsaqär pe, xa ützi kiwäch chi e ka'i'. Xexule' qa pa kichaj. K'olon chik k'a rujolom ri **Jun Ajpub'** chi ruwi' ri jom.

–jXixqach'äk yan! jRix xixkanon ri itzaqik! jRix xijäch iwi'!– xe'ucha'ex. Ruma k'a ri xesik'in el chi rij ri **Jun Ajpub'**: – jtitz'ajij el rujolom chi kik'!– xe'ucha'ex. Xa man niq'ax ta chik pa ruwi' ronojel ri nkib'ijchi re.

Ke k'a re' töq xutz'ajij ri kik' ri rajawal ri **Xib'alb'ay**, xuk'ül ri **Xb'alamkej** ri kik' chi re rub'ate', k'a ri' xusumumej el chi ruwi' ri jom k'a pa tz'unuj che' xapon wi.

Töq titzok'otzöt xel pe ri umül chi kiwäch, ri aj xib'alb'ay xkoqotaj, kejumín, kesik'in xeb'e chi rij ri umül, konojel ri aj xib'alb'ay xek'is el.

Ke k'a ri' xkik'amaxtaj el rujolom ri **Jun Ajpub'**, xkitikixtaj kan ri ruq'oq' **Xb'alamkej** chi ruwi' ri jom, k'a ri' xkik'uwaxtaj ri qitzij rujolom ri **Jun Ajpub'**, ke ri xekikot chi e ka'i'.

Ja k'a re', xekikanuj ri kik' ri aj xib'alb'ay, k'a ri' xb'ekila' ri kik' pa tz'unuj che', töq xesikin: –jkixam pe! Xa xqil ri kik'– ke ri' xkib'ij chi kiwäch.

Xetoqa ri aj xib'alb'ay –¿Achike k'a ri xqatz'ët?– xecha' k'a. Töq xkitikirib'a' chik ri etz'anin, junam xe'etz'an chi e ka'i'.

Töq xk'aq el ri kök ruma ri **lxb'alamkej**, ri kök xb'eqa pe, k'a ri' xpuk'ük' chi rupam ri jom, xq'alajin k'a rusaqil chi kiwäch ri jarupe' e k'oj apon.

–¿Achike xtib'ek'amon? ¿Akuchi k'oj wi ri xtisik'on re'?– xecha' ri aj xib'alb'ay. Xa ke k'a re töq xech'akatäj ri

rajawal **Xib'alb'ay** kuma ri **Jun Ajpub'**, **Ixb'alamkej**. Ri nīm k'axk'ol ri xek'oje' wi, xa man xekām ta wi ruma ronojel xb'an chi ke.

Ruka'n Rukak'al Tzij

Ri rayib'en kamik

- ∴ | Ja re' runatab'äl kikamik ri **Jun Ajpub'**, **Ixb'alamkej**. Ja re' k'a ri runatab'äl kikamik ri xtiqab'ij chik apon.
- ∴ | Töq xepixab'äx k'a, xb'an ronojel rayil poqonal chi ke, xa man xekām ta ruma ri', man xekām ta ruma rutijob'ab'äl poqonal ri **Xib'alb'ay**. Man xech'akatäj ta kuma konojel ri e ti'onel taq chiköp, ri e k'oj pa **Xib'alb'ay**.
- ∴ | K'ate k'a töq xkitäq koyoxik ri e ka'i' nik'wachinel, ja k'a re' e tz'etöy e ilöy. Ja re' kib'i': ri **Xulu'**, ri **Pakam**, e etamanela'. –We xkojk'utüx chi iwe kuma ri rajawal **Xib'alb'ay**, ruma ri qakamik, xa kina'oj k'a nkinük', ruma ri man xojkäm ta, chuqa' man xojch'akatäj ta, xqasäch, xqajäl kitijob'äl, xa ta chiköp tok quk'in.
- ∴ | –Ja re' k'oj chik retal chi qak'u'x, ri porob'äl ab'äj ri kamisab'äl qichin, wakamin xb'ekimolo' ki' konojel ri aj xib'alb'ay, k'a ri' xa man qitzij ta chi xkojkäm. Ja k'a re' ina'oj xtiqab'ij kan:
- ∴ | –we xtok'utüx chi iwe ruma, pa ruwi' ri qakamik töq xkojporöx ¿Achike xtib'ij rix **Xulu'**, rix **Pakam**? We xtikib'ij chik chi iwe. ¿Man ütztä ta k'a niqatix ri kib'aqil pa siwan? We man ütztä ta, re' xa xtik'astäj chik kiwäch, kixcha'.
- ∴ || –We ruk'in jub'a' ütztä ta niqatzeqeb'a' pa ruwi' che' xtikib'ij chik chi iwe: xa man ütztä ta, ruma ke re' xa xtitz'et chik kiwäch, kixcha'. Töq xtikib'ij chik k'a chi iwe pa roxmül: ¿La ütztä ta k'a re' niqatix ri kib'aqil pa taq raqän ya'? We k'a xkixucha'ëx chik kuma rije':

–*xa ütʒ kekäm, ke ri k'a ütʒ tijok' kib'aqil chi ruwäch ab'äj, achi'el tike'ëx k'ajin jäl, chi kijujunal k'a keke'ëx. K'a ri' k'a titix kan pa raqän ya', richin k'a tuk'wa'j ya', tib'e chi kikojöl ch'uti'n taq juyu', nima'q taq juyu' kixcha' k'a töq xtik'utüx chi iwe ri qapixa' ri xqab'ij chi iwe– xecha' ri Jun Ajpub', lxb'alamkej. Töq xepixab'an, xketamaj ri kikamïk.*

Ja k'a re' xkib'än ri nïm porob'ab'äj, ja ri porob'al kichin xkib'än ri xib'alb'ay, nima'q ruq'a' taq che' xkokisaj.

Ke ri k'a xeb'e'apon ri **Samajela'** tzeqelib'el kichin **Rusamajela'** ri **Jun Kame, Wuqu' Kame.**

“iKepe k'a! kojbe ta kuk'in ri k'ajola', keb'eqatzeta' k'a. jYixqaporoj k'a rïx k'ajola'!” Xecha' ri Ajawa' rïx k'ajola'– xe'ucha'ëx. –Ütz k'a ri'– xecha' k'a.

Chi anin xeb'e, xeb'e'apon k'a chi ruchi' ri cha'aj, chi ri' k'a xekitaqchi'ij wi chi etz'anem. –Tiqach'umij wawe' ri qaki'⁷² kajtaqmul, töq xkojropin k'a chi qajujunal rïx k'ajola'– xe'ucha'ëx k'a ruma ri **Jun Kame.**

–Ja k'a re' man xkojiq'öl ta chïk. ¿La man geta'm ta k'a pa ruwi' ri qakamïk rïx **Ajawa'** chi wiq tanaj?– xecha' k'a. Töq xkik'ül kiwäch, xkirïp kïq'a', chi kab'ïchal⁷³, xējupe' töq xeb'e pa porob'al, chi ri' k'a xekäm wi chi kab'ïchal.

Xekikot chïk k'a konojel ri xib'alb'ay e pa'al yexub'an, e pa'al yepich'an ruk'in kïq'a'. –jWakamin qitziy xeqach'äk! man chiqib'a' ta xkiya' ki'– xecha'.

Ja ri' k'a töq xe'oyöx chïk ri **Xulu'**, ri **Pakam**, ri ape' xkanäj wi kan ri kitziy. Xa kan ke k'a ri', xk'utüx ri akuchi xtib'e wi ri kib'aqil, töq xeq'ijin ri xib'alb'ay. Xjok' k'a ri kib'aqil, xb'etix k'a kan pa raqän ya'. Xa man xb'e ta k'a näj, xa

chi anin xqaqa chi ruxe' ya'. E cha'on chi k'ajola' xe'ok, ke ri chuqa' ri kiwäch xub'än, xkik'üt chik k'a ki'.

Rox Rukak'al Tzij

K'astajib'äl

- ∴ Pa ro' q'ij, xkik'üt chik k'a ki', xetz'etetäj chi ruchi' ya' kuma ri winaqi'. Chi e ka'i', achi'el xa e winäq kär yewachin töq xtz'et kiwäch kuma ri aj xib'alb'ay, xekanöx k'a chi ruchi' taq ya'.

- ∴ Pa ruka'n q'ij xkik'üt chik ki' ri e ka'i' meb'a'i'. Tziyitzäq kij, tziyitzäq kiwäch, tziyitzäq k'ul⁷⁴ kiq'u'un, manäq b'anon ta rutzil kiwäch töq xetz'etetäj kuma ri aj xib'alb'ay.

Töq pa ja la chik k'a xkib'än pe jalajöj xajoj: xa xajoj **Pujuy**, xajoj **Küx**, xa **lb'oy** xkixajorisaj, ri **Ixtz'ul** xkixajorisaj, chuqa' ri **Ch'itik** xkixajorisaj chik.

- | K'i'y mayjab'äl xkib'än chik, xkiporoj k'a jay, kan ja ri' qitzij chi k'atik ri niq'alajin, k'a ri' xa chi anin k'a nichojmir chik pe, janina chi aj xib'alb'ay xkimayjaj.

- | K'a ri' xkipüs ki', nikäm jun chi ke, nipune' chi kamik. Nab'ey nkib'än nkikamisaj ki', k'a ri chi anin nik'astäj chik kiwäch. Jeb'ël xeka'ay ri aj xib'alb'ay, töq xkib'än ronojel, xkib'än chik jun b'ey rutikirib'äl, richin ch'akb'äl kichin aj xib'alb'ay kuma rije'.

- | K'ate xapon rutzijol ri kixajoj pa kixikin ri **Ajawa'** ri **Jun Kame**, **Wuqu' Kame**, ke re' xkib'ij töq xkak'axaj: –¿achike k'a ri ka'i' meb'a'i' ri'? ¿La qitzij wi richin meyel nkib'än?

- | –Qitzij wi, jeb'ël ri kixajoj, ronojel ri nkib'än– xb'echa' k'a töq xapon rutzijol kuk'in ri **Ajawa'**. Jeb'ël xkak'axaj. K'a ri', xekib'ochi'ij ri **Kisamajela'** ri'. –"Kepe, ketok'ulun

richin tikib'ana' ri qanimaq'ij, keqamayjaj, keqakayej ta k'a' yecha' ri ajawa', kixcha' chi ke- xe'ucha'ëx el ri Samajela'.

Xeb'e'apon k'a kuk'in ri xajol, xkiq'axaj apon ri kitzij ri **Ajawa'** chi ke: –Man jub'a' niqajo' ruma kan qitzij öj yakol xa'oj, k'a ri' man xa xe ta yojk'ix yojok apon pan **Ajawaren Jay**, ruma kan itzel yojtzu'un, janina nima'q runaq' qawäch, chi meb'a'il, man xa k'oj nikil chi re, xa xe ok öj xajola'. ¿Achike xtiqab'ij chi ke ri qachmeb'a'i'? ¿K'oj kami nirayin chuqa' ri qaxajoj richin nik'astäj kiwäch quk'in? ¿We man ja' ta xtiqab'än chi kiwäch ri ajawa'? Ruma k'a ri' man niqajo' ta yojb'e rix **Samajela'**– xecha' ri **Jun Ajpub'**, **Ixb'alamkej**.

Xtz'ilöx na k'a kiwäch, chi ruwi' rayil, chi ruwi' poqonal. Xa nimaril xeb'e, man chi anin ta xkajo' xeb'e, k'i'y na mul xech'ay, xa chi ch'aykil xb'an chi ke kuma ri **Samajela'**, chi kiwäch ri k'amol kichin töq xeb'e k'a kuk'in ri **Ajawa'**.

Töq xeb'e'apon kuk'in ri **Ajawa'** kiwuch'uch'en ki', kiquasan kiwäch, yekamela'an, xkilük ki' chi kiwäch, kan tziyitzäq ri kitziyaq, qitzij chi e meb'a'i' ri kiwachib'äl töq xeb'e'apon.

Töq xk'utüx chi ke ri kijuyub'äl chuqa' ri kamaq'il, xk'utüx chuqa' ri kite' kitata'. –¿Ape' kixpe wi?– xe'ucha'ëx. –Man qeta'am ta rat **Ajaw**, xa man xqetamaj ta kiwäch ri qate', qatata', ruma k'a öj ch'uti'n ok taq xekäm– xecha', xa xe ri' xkib'ij.

–Ütz k'a ri', xtib'än ta k'a jub'a' qak'astanib'äl. ¿Janipe niwajo' richin iwajil? Niqaya'– xe'ucha'ëx. –Man jub'a' niqajo', qitzij chi niqaxib'ij qi'– xecha' chi ke ri **Ajawa'**.

–Man nixib'ij iwi', man kixk'ix, kixxajo' k'a, ja re' ta ri nab'ey tixajorisaj taq xtipüs iwi', chuqa' tiporoj k'a ri wachoch, tib'ana' ronojel ri iweta'am. Xa xkojka'ay chi

wij, ruma ja re' nirajo' qak'u'x. Xtaq k'a woyoxik, ruma rix meb'a'i' niqaya' iwajäl- xe'ucha'ëx k'a.

- | || Töq xkitikirib'a' qa ri kib'ix, ri kixajoj, xe'uk'ulun k'a konojel ri aj xib'alb'ay, xenoj ri mayjanela', konojel k'a xexajo'n xkixajorisaj k'a ri **Küx**, ri **Pujuy**, ri **lb'oy**.

- | ·|| Chuqa' xub'ij ri **Ajaw** chi ke: -tipusu' ri nutz'i', k'a ri' tik'astäj chik ruwäch iwuma- xe'ucha'ëx. -Ja'e k'a- xecha'. Töq xkipüs ri tz'i', k'a ri' xkik'asb'a' chik ruwäch. Qitzij chi jeb'ël xkikot ri tz'i' taq xk'astäj ruwäch, nusiloj rujej töq xk'astäj ruwäch.

- | ::|| Xub'ij chik ri **Ajaw** chi ke: -tiporoj k'a jub'a' ri wachoch- xe'ucha'ëx. Xkiporoj k'a ri rochoch ri **Ajaw**, e nojinäq konojel ri **Ajawa'** pa jay, k'a ri xa man jun xek'at ta, chi anin chik xechojmür, man jun xsach chi re ri rochoch ri **Jun Kame**.

- | ::|| Xkimayjaj k'a konojel ri **Ajawa'**, ke ri k'a töq ruma xexajon janina xekikot.
Xe'ucha'ëx chik k'a ruma ri **Ajaw** chi ke: -jtikamisaj na k'a jun winäq! jtipusu', k'a ri man ta nikäm- xe'ucha'ëx k'a.

- | ::|| -jÜtz k'a!- xecha', töq xkichäp k'a jun winäq, k'a ri xkipüs, xkipöq' k'a el ruk'u'x ri jun winäq, xkik'olob'a' k'a apon chi kiwäch ri **Ajawa'**.

Xkimayjaj k'a ri **Jun Kame**, **Wuqu' Kame**, chi anin xk'astäj chik ruwäch re jun winäq kuma. Nimaläj xkikot ruk'u'x töq xk'astäj chik ruwäch.

- | ||| Xkimayjaj k'a ri **Ajawa'**. -Tipusu' na chik k'a iwi', xtiqatz'ët ta, qitzij xturayij ta qak'u'x ri ixajoj- xecha' chik k'a ri **Ajawa'**. -jÜtz k'a ri, rat **Ajaw!**- xecha' k'a.

— || Ke ri' k'a xkipüs ki', ja k'a re' töq xpus ri **Jun Ajpub'** ruma ri **Ixb'alamkej**, chi kijujunal k'a xeper xetzak'ix kiq'a' kaqän. Xel rujolom, xb'ek'ole' apon k'a ke la', xpoq' el ruk'u'x, xkich'aqij el chi tz'alik⁷⁵. Xeq'ab'är k'a kojonel ri rajawal ri **Xib'alb'ay**

— || yeka'äy konojel, xa jun chik k'a ri nxajo', ja ri **Ixb'alamkej**. — ¡Kayakatäj!— xcha' chi re. Pa jun anin xk'astäj ruwäch! jeb'el xekikot ri k'ajola', xa chuqa' ke ri' ri **Ajawa'**. Ronojel ri nkib'än rije', janina nkikot kik'u'x ri **Jun Kame, Wuqu' Kame**, xa achi'el ta rije' kexajon nkina'.

— || Kan janina xkirayij, xk'atät kik'u'x ri **Ajawa'** chi rij ri kixajoj ri **Jun Ajpub', Ixb'alamkej**. Taq xkib'ij k'a apon ri **Jun Kame, Wuqu' Kame**: —tib'ana' chi qe röj, kojipusu' chi qajujunal ta. ¡kojipusu'!— xecha' k'a ri **Jun Kame, Wuqu' Kame** chi ke ri **Jun Ajpub', Ixb'alamkej**.

— || —¡Ütz k'a ri'! ¡Xa xtik'astäj chik iwäch! ¡Man yixkäm ta! ¡xa röj kikitirisol iwichin! ¡Rix kite' kitata', iwal ik'ajol!— xecha' chi ke ri **Ajawa'**.

— || Ri nab'ey k'a ri xtzak'ix rujolom ja ri **Ajaw Jun Kame** rub'i', rajawal ri **Xib'alb'ay**.

Kaminäq chik ri **Jun Kame**, töq xchap chik k'a ri **Wuqu' Kame**, ja k'a rije' man xk'astäj ta chik kiwäch!

— || K'ate k'a xe'el ri aj xib'alb'ay chi ruwi' oyowal ruma xkitz'ët ri **Ajawa'** xekäm. e perenoxnän. xeper chi e ka'i'. Ya k'ajisab'al kiwäch xb'an chi ke. Pa jun ramaj xkäm qa ri jun **Ajaw**, man xkik'asoj ta chik ruwäch.

— || Ja k'a re' jun **Ajaw** xsik'in na, xoq' na chi kiwäch ri xajola', xa man xuk'ül ta, xa man xuril ta ri utzil. —¡Tijoyowaj nuwäch!— xcha' töq xuna' ri'.

- · | : Xek'is k'a el, xe'animäj k'a konojel, kal, kik'ajol pa nīm siwan, xa jun xkib'alij wi ki' pa nīm k'orok'ik siwan, chi ri' k'a e tzub'ül wi, töq xe'uk'ulun k'a, man ajilatäl ta chi sanik, ja k'a ri' töq xeb'etukulix pe pa siwan.
- · | : Ke k'a ri' töq xeb'eya'öx el, töq xe'ok'ulun el, töq xukiya' ki' konojel, xekamelan k'a, töq xe'ok chik jun b'ey. Xa ke k'a ri' töq xech'akatäj ri e rajawal ri **Xib'alb'ay**. Xa ruk'in ma'ijab'äl, ruk'in jalwachib'äl ki' xkib'an wi.

Rukaj Rukak'al Tzij

Ri jotolen b'enam pa raxatzel

- · | | K'ate k'a töq xkib'ij ri kib'i' xkinimirsaj ki' chi kiwäch konojel ri aj xib'alb'ay.
- · | | –jTiwak'axaj k'a ri qab'i'! xa xtiqab'ij k'a chuqa' rub'i' ri qatata' chi iwe. jRöj k'a, röj ri **Jun Ajpub'**, **Ixb'alamkej** qab'i', ja k'a re' ri e Qajaw ri rix xe'ikamisaj: ri **Jun Jun Ajpub'**, ri **Wuqu' Jun Ajpub'** kib'i'. Röj k'a ri öj pakol ri kixjayil poqonal ri qatata'. jXa ke ri' k'a man xtiqaküy ta ronojel ri rayil poqonal xib'an chi qe. jXa ke k'a ri' xkixqachüp iwäch iwonojel, xkixqakamisaj, xa man jun chik xtikolotäj chi iwe–xe'ucha'ex k'a.
- · | | K'ate k'a xkiräq kichi', xe'oq' konojel ri aj xib'alb'ay. – jTijoyowaj qawäch! jRix **Jun Ajpub'**, **Ixb'alamkej**! jQitzij wi ri nib'ij, kan xojmakun wi chi kiwäch ri ite' itata' ri nib'ij. La ruk'in jub'a' e muqül chi ri' **Pa Pukb'äl Chaj**– xecha'.
- · | | –Ütz k'a ri', ja re' jub'a' ri qatzij xtiqab'ij chi iwe: jTiwak'axaj iwonojel rix aj xib'alb'ay! ruma manäq chik nīm iq'ij, iwalaxik xtub'an. Ruk'in chuqa' man nīm ta chik ikoch'ob'äl. Xa jub'a' chik ok rejqanil ri ikik'el, man ix rujolom ta chik tinamit, man iwichin ta chik ri Jomkik'. Xa xot, xa k'a'm richin jok'b'äl, chuqa' ral k'im, ral tolob'

xtiwichinaj. Man iwichin ta chik konojel, ri saqilal, saqil k'ajol. Xa xe ri q'ora' xkek'oje' chi wäch. Ja k'a re' ri ajmak, ajlab'äl, ajch'a'oj, ajb'is, ajmoq'en, ri achöq na ruma xkixox' wi. Man chöj k'ate ta xke'ichöp (xke'itz'om) konojel winäq. Töq nib'ij, töq nik'utuj k'a, töq nüm iwijatzul, töq nüm iwejqalem– xe'ucha'ëx k'a konojel ri aj xib'alb'ay.

Xa ke k'a ri' tikirnäq kisachik, kichupik, chuqa' kisik'ixik. Xa man nüm ta kiq'ij ojer. Xa e ajtza winäq ojer. Qitzij xa man **Kab'awil** ta kib'i' ojer. Xa e xib'inela' ojer, itzel kewachin. Xa e ajtza, e ajtukur, e taqchi'inel richin mak, richin oyowal.

Chuqa' ka'i' kik'u'x, "e q'eqa'il e saqil, e ajmoxwäch⁷⁶, ajlatz'ab'⁷⁷" xe'ucha'ëx. Yexeb'elöj chi kiwäch töq yek'ulutäj.

Xa ke k'a re' rusachik kinimal, kiq'aq'al, xa man e nüm ta chik kajawaren xkib'än.

Ja re' ri xkib'än k'a ri **Jun Ajpub'**, **Ixb'alamkej**.

Noq', nisik'in k'a ri kati't chi ruwäch ri aj ri xkitik kan. Xb'eq'a'an k'a pe, xa chi anin xchaqi'j chik qa. Ja k'a re' töq xek'at pa choj⁷⁸, k'a ri' töq xpe chik k'a rujotay ri aj,

Ja k'a ri' töq xporon ri kati't, xuporoj ri pon chi ruwäch ri aj, natab'äl chi kichin ri riy. k'a ri' janina xkikot ruk'u'x ri kati't töq pa rukamul xjotayin pe ri aj, töq xkab'awiläx k'a ruma ri kati't, xub'ina'aj k'a Nik'aj Jay, Nik'aj B'ichoq',

K'aslik Aj pa Ch'atäm Ulew⁷⁹ rub'i' xubän. Ja re' wi k'a xub'ina'aj: **Nik'aj Jay**, **Nik'aj B'ichoq'** ja re' rub'i' xya'öx, ruma xa pa runik'ajal rupam kachoch xkitik wi kan ri aj. Ja re' chik k'a xub'ina'aj wi **K'aslik Aj pa Ch'atäm Ulew** ruma chi ruwi' ch'at ulew xkitik wi ri aj. Ja re' chuqa' töq xub'ina'aj wi: **K'aslik Aj** ruma xb'ejotayin chik pe, töq xk'oje'



kan rub'i' ruma ri **Xmukane**. Xkitik kan ri **Jun Ajpub'**, **Ixb'alamkej**, xa kinatab'äl kichin ruma ri kati't.

- | :|| Ja k'a re' ri e nab'ey kitata' ri xek'oje' ojer kan, ri xekäm yan: ri **Jun Jun Ajpub'**, ri **Wuqu' Jun Ajpub'**. Rije' xekitz'ët chik na k'a ruwäch ri kitata' chi la' pa **Xib'alb'ay**, xch'o'n chik k'a ri kitata' chi ke töq xekich'äk ri aj xib'alb'ay.
- | || Chere' k'a xwëq chik ri kitata' kuma rije'. Ja re xkiwëq ri **Wuqu' Jun Ajpub'**. Chi la' xb'ekiweqa' wi chi **Puk'b'äl Chaj**. Xa xe chik ruwäch xuraj kan. Xk'utüx k'a chi re ri rub'i', ronojel ruchi', rutza'n, runaq' ruwäch.
- | :|| Xril nab'ey rub'i', xa man jub'a' chik xch'o'n. Ke ri' xa man xub'ij ta chik rub'i', ri rujunajpub'il ruchi'. Xa ke re' k'a, man xch'o'n ta chik chi ke.

Xa ke k'a ri' töq xkinimaj wi. Xkanäj kan ruk'u'x ri kitata', xa xkanäj kan chi ri' pa **Puk'b'äl Chaj**. –Chi re'

- | :|| xkixsik'ix ta k'a– xecha' ri ruk'ajol chi re töq xkikuqub'a' ruk'u'x. –Ri nab'ey xtiya' chi iwe, nab'ey xkixq'ejelöx chuqa', kuma ri e saqilal e saqil k'ajol. Man xtisach ta k'a ri ib'i', ke ta k'a ri' xtib'anatäj– xecha' chi richin ri kitata' töq xkikuqub'a' kan ruk'u'x. –Xa öj saqirisäy ikamik, isachik, irayil, ipoqonal ri xb'an chi iwe.
- | :|| Xa ke k'a re' ri kipixab'anik xkib'an kan töq e ch'akatajnäq chik konojel ri aj xib'alb'ay.

Töq xejote' k'a pa runik'ajal ri saqil, pa jun ch'uti'n ramaj xejote' chi kaj. Jun xok q'ij, ri jun chuqa' xok ik'. Xa ke k'a ri' töq xsaqir rupam ri kaj, xsaqir ruwäch ri ulew. Chi kaj k'a xek'oje wi.



Ja k'a re' tōq kachib'il ki' xejote' ri omuch' k'ajola' ri xerukamisaj ri **Sipaknay**. Ja k'a re' xe'ok kachib'il ri ruch'umilal kaj.

Ruwo' Rukak'al Tziz

Pan Paxil, Kayala'

Wawe' k'a xtikir el tōq xna'ojix rub'anik ri winaq chuqa' ri tōq xkanox ri achike xtok ruti'ojil ri Wināq.

Xecha' k'a ri **Alom, K'ajolom, e Tz'aqol, B'itol, Tepew, Q'uq' Kumätz** kib'i':

xrepelun rusaqirik, xtz'aq, xutzir, xq'alajin ri tzuquy, iliy, saqil al, saqil k'ajol, xq'alajin ri wināq, ruwinaqil ruwach ulew- xecha'.

Xkimol ki', xpe, xb'e kina'oj, chi q'equ'mal chi aq'ab'al tōq xkikanuj, xkisol rij, xena'ojin, xech'ob'on, chere'.


Ke ri' k'a, xel wi apon ri kina'oj, saqil k'uqub'al k'u'x, xkil, xkiq'anarisaj k'a, ri xok ruti'ojil ri Wināq.

Xa jub'a' chik richin niwachin ri q'ij, ri ik', ri ch'umil pa kiwi' ri e **Tz'aqol, B'itol**.

Pan Paxil, Kayala' rub'i' akuchi xpe wi ri q'an jal, ri saq jal.

Ja k'a re' kib'i' ri chikopi' ri xek'amo pe ri echa' ri way: ri xiwan, ri utiw, ri k'el ri qo'ch. E kaji' chikopi' xokib'ij rutzijol ri q'an jal, saq jal chi ke. Chi la' **Pan Paxil** kepe wi, ri xek'utun ri b'ey richin **Pan Paxil**.

Ja k'a ri tōq xkil rij ri way. Ja re' k'a xok ruti'ojil ri wināq tz'aq, wināq b'it. Ja k'a re', rukik'el ri wināq xok. Ja re' xok kuma ri **Alom, K'ajolom** ri jal.



- :| :| Ke re' wi k'a tōq xekikot ruma xkīl utzilāj juyu', nojināq chi qās janina chi q'ān jāl, chi sāq jāl. Janina chuqa' chi peq, chi kakaw. Man ajilatāl ta tulūl, pāk, q'enūm, tapa'l, ajache'l, kab', nojināq ruwachinel taq echa' k'oj chi rupam ri tinamīt **Pan Paxil, Kayala' rub'i'**.
- :| :| K'oj wi wachinel chi echa', ronojel chi ch'uti'n chi echa', chi nima'q chi echa', ch'uti'n tiko'n, nima'q tiko'n. Xk'ut kan rub'eyal kuma ri chikopi'. Tōq xke'ēx k'a ri q'ān jāl ri sāq jāl, b'eleje' k'a ruk'iyab'āl xub'ān ri **Xmukane**. Jāl xok ruchuq'a', ruti'ojil, ruq'anal. Xwinaqīr ruq'a', xti'ojir ri wināq. Ja re' xkib'ān ri **Alom, K'ajolom, ri Tepew, Q'uq' Kumätz** ye'ucha'ēx.
- :| :| K'ate k'a xya'ōx pa tzij rutz'aqīk, rub'itīk ri nab'ey qate', qatata', xa q'ān jāl, sāq jāl kiti'ojil.
Xa jāl ruq'a' kaqān ri wināq, ri e nab'ey qatata'. E kaji' chi wināq tz'aq, Xa jāl okināq kiti'ojil.

Ruwaq Rukak'al Tzij

B'alam Ki'tze', B'alam Aq'ab', Majukutaj, Ik' B'alam

- :| || Ja re' kib'i' ri e nab'ey taq wināq', xetz'aq xeb'it. Ja re' ri nab'ey wināq: ri **B'alam Ki'tze'**, ruka'n chīk k'a: ri **B'alam Aq'ab'**, rox chīk k'a: ri **Majukutaj**, rukaj k'a: ri **Ik' B'alam**. Ja k'a re' kib'i' ri e nab'ey qate', qatata'.
- :| || –Xa ix tz'aq, xa ix b'it– xe'ucha'ēx. Manāq kite', manāq kitata', xa ruyon achin'xqab'ij. Man ixōq ta xe'alan, chuqa' man xek'ajolāx ta ruma ri **Ajtz'aq Ajb'it, ri Alom, K'ajolom**.
- :| || Xa pusil xa nawalil kitz'aqīk kib'itīk, ruma ri **Tz'aqol, B'itol, ri Alom, K'ajolom, ri Tepew, Q'uq' Kumätz**. Tōq xewinaqwachin k'a, e wināq k'a xe'ok. Xech'o'n, xetzijon, chuqa' xetzu'un, xe'ak'āx, chuqa' xeb'iyin, xkichāp ki', e utzilāj chi wināq, e cha'on kiwāch chi achi'a' ri kiwachib'āl.

- 4 || K'oj kuxla'b'il, xetzu'un chuqa', xa chi anin xapon ri kitzub'äl, xkik'is rutz'etik, xkik'is retamaxik ronojel ruwäch ruxe' kaj, xkitz'ët chi anin: xkisolwachij, xkisolmuquj k'a ri rupam kaj rupam ulew.
- 4 || Ronojel ri e k'oj pa q'equ'm, xa tz'etel wachel ronojel chi kiwäch, man k'atzinel ta chi yeb'iyin. Richin yeb'iyin yena'on richin nkitz'ët nkinik'oj ruxe' kaj, xa chi ri' wi e k'oj wi töq yetzu'un.
- 4 || Janina ri ketamab'äl xk'oje', xik'o ri kitzub'äl pa taq che', pa taq ab'äj, pa taq choy, pa taq palow, pa taq juyu' pa taq taq'aj. Qitzij wi, chi e loq'oläj taq winäq: ri **B'alam** **Ki'tze'**, ri **B'alam** **Aq'ab'**, ri **Majukutaj**, ri **Ik' B'alam**.
- 4 || Töq xk'utüx chi ke ruma ri **Ajtz'aq**, ri **Ajb'it**: –¿Achike nina' chi re ri ik'ojlem? ¿La man yixtzu'un ta? ¿La man yixak'äx ta? ¿La man üt ta ri ich'ab'äl ruk'in ri ib'inib'äl? ¿Kixtzu'un na k'a! ¿Titz'eta' ruxe' ri kaj! ¿La man e q'aläj ta ri juyu' taq'aj? ¿Titz'eta' tiwachij na k'a!– xe'ucha'ex.
- 4 || Xa ke k'a ri' xkik'is rutz'etik ronojel ruxe' kaj, k'ate k'a xek'awoman chi ke: ri **Tz'aqol**, **B'itol**: –¿qitzij wi chi niqaya' kamul oxmul k'awomanik chi iwe! ¿ruma xojiwinaqir, xiya' qachi', xiya' qawäch, xojch'o'n, xojak'äx, xojch'ob'on, yojnilon, ützi niqana', xqetamaj ri näj ri naqaj.
- 4 || –Ruma k'a xqatz'ët chi nım chi ch'uti'n rupam ri kaj rupam ri ulew! ¿Nqak'awomaj k'a chi iwe, ruma xojwinaqir, ri öj tz'aq, ri öj b'it, xojok, rat **Qati't**, rat **Qamama'**– xecha' töq xkik'awomaj ri kitz'aqik kib'itik.
- 4 || Xk'is k'a retamaxik ronojel, xkitz'ët, xkiwachij ri rukajtz'uk, rukajxuk'ut, rupam ri kaj rupam ri ulew.


- :| ① Xa man ütz ta k'a xkak'axaj ri **Ajtz'aq** ri **Ajb'it**: –man ütz ta ri xkib'ij ri qatz'aq qab'it, ruma xketamaj ronojel chi nīm, chi ch'uti'n– xecha' k'a.
- :| • Xa ke k'a ri xkijunamaj chik ri kina'oj ri **Alom**, **K'ajolom**: – zachike ta k'a xtiqab'än chi ke? richin ta xa xe naqaj xtaqon wi ri kitzub'äl, xa xe ta k'a jub'a' ruwach'ulew xtikit'ët.
- :| : –Xa b'it ri kib'i', xa nab'ey e **Kab'awil** ke'ucha'ëx, xa man ütz ta k'a ri nkib'ij, **Kab'awil** chik xkib'än, ma ni yepuqan, yek'iyir töq xtak'axäx, töq xtisaqir, ma ni ta xtik'iyir, ke ta k'a ri' xtikib'än.
- :| : –Xa k'atzinel tiqayojo' chik jub'a', xa man ütz ta niqana'. Xa ruk'in jub'a' xtirujunamaj ri' kib'anob'äl quk'in röj, ri näj napon wi ri qetemab'äl, qatzub'äl, pa ruwi' ronojel–
- :| : xe'ucha'ëx ruma ri **Ruk'u'x Kaj**, **Jun Raqän**, **Ch'i'p Kaqolajay**, **Räx Kaqolajay**, **Tepew**, **Q'uq' Kumätz**, **Alom**, **K'ajolom**, **Xpiyako'k**, **Xmukane**, **Tz'aqol**, **B'itol**, xe'ucha'ëx. Ja re' töq xkib'än chik k'a ruk'ojlem ri kitz'aq, kib'it.
- :| | Xa xwob'äx k'a runaq' kiwäch, ruma **Ruk'u'x Kaj**, xemoyir k'a, xa achi'ël k'a ri naya' awuxla' chi ruwäch chi lemow. Xmoyomo' qa runaq' kiwäch, xa naqaj chik k'a xetzu'un wi, xa xe q'aläj ri ape' e k'oj wi.
- :| | Xa ke k'a re' rusachik ri ketamab'äl ruk'in ronojel ri kinab'äl ri e kaji' chi winäq, ri e ruxe' e rutikirib'äl.

Ke k'a re' kitz'aqik kib'itik ri e nab'ey taq qamama', qatata' ruma **Ruk'u'x Kaj**, **Ruk'u'x Ulew**.

Ruwuq Rukak'al Tzij

Kaj Paluna, Chom Ya', Tzunün Ya', Kaqix Ya'

- :| : Töq xk'oje' chik k'a kan kik'ulel kixjayil, xa **Kab'awil** wi k'a xna'ojin chik. Ke k'a re' xa pa kiwaram xkik'am wi ki'.





Qitziy chi e jeb'ël chi ixoqi' e k'oj kuk'in ri **B'alam Ki'tze'**,
B'alam Aq'ab', **Majukutaj**, **Ik' B'alam**.

Töq xek'astäj xa k'oj chik k'a kixjayilal, chi anin k'a xekikot
pa kik'u'x, ruma ri kik'ulel.

Ja k'a re' kib'i' ri kixjayilal: **Kaj Paluna** rub'i' rixjayil ri **B'alam**
Ki'tze', **Chom Ya'** rub'i' rixjayil ri **B'alam Aq'ab'**, **Tzunün**
Ya' rub'i' rixjayil ri **Majukutaj**, **Kaqix Ya'** rub'i' rixjayil ri **Ik'**
B'alam. Ja re' k'a kib'i' ri kixjayilal ri xe'ok k'a kan qajawa'.

Rije' e alanel taq winäq, kichin ch'uti'n taq amaq', nima'q
taq amaq'. Ja k'a re' ri qaxe'el röj k'iche' winäq. K'iy k'a
ri xe'el ajk'ix, ajchay, man xa e kaji' ta chik ok xe'el. Xa e
kaji' k'a ri qate' röj k'iche' winäq.

Jalajöj kib'i' chi kijujunal töq xepuq chi la' **Pa Releb'äl Q'ij**.
K'iy xkib'ini'aj kan ri winäq: Ri tepew oloman, k'ojaj,
kenech, ajaw xe'ucha'ex ri winaqi'. Chi la' **Pa Releb'äl Q'ij**
ri akuchi xewinaqir wi.

Xa reta'am k'a rutikirib'äl chik ri tamu' ruk'in ri iloka'. Xa
jun xepe wi chi la' **Pa Releb'äl Q'ij**.

Ri **B'alam Ki'tze'**, rumama' rutata' ri b'eleje' **Nimaq Taq**
Jay chi kaweki'. **B'alam Aq'ab'** kimama', kitata' ri b'eleje'
Nimaq Taq Jay chi nija'ib'a'. **Majukutaj**, rumama' rutata'
ri kaji' **Nim Jay** chi ajaw k'iche'.

Oxi' tzob'aj chinamit xek'oje', man sachel ta rub'i' rumama'
rutata'. Ja re' xewinaqirisan, xekiran chi la' **Pa Releb'äl Q'ij**.


Xepe wi chuqa' ri tamu', ri iloka', ri oxlajuj ruq'a' amaq',
oxlajuj tekpan:, rab'inali', ri kaqchikela', ri aj tz'ik'in ya', ri
tz'akajib', lamakib', aj kumätz, aj tujalja' ri aj ruchab'aja',



• 𐌲𐌿𐌽𐌹𐌹𐌰 Ja k'a re' ri runimil amaq', ri ruq'a' taq amaq', niqab'ij chi re. Xa runimaqil ri xqachöl. K'iy ch'ik elenäq chi rij ri jutaq tzob'aj chi tinamit, xa man xqatz'ib'aj ta kib'i', xa k'a chi la' xepuq wi **Pa Releb'al Q'ij**.

• :||| K'iy wināq xe'ok pa q'equ'mal, xa ke ri' tōq xek'iyir chi ri'.
K'a man jani talāx q'ij, sāq, tōq xek'iyir. Xa jun xek'oje' wi
konojel, e k'iy chi kik'ojlem. Xeb'eyaj chi la' **Pa Releb'al Q'ij**.

• ::||| Ja k'a re', man jun xetzuqun ta, k'oj ta xe'elin, xa xe wi
chi kaj xkiyik kiwäch, xa man keta'am ta achike
xb'ekib'ana' ri janina näj.

•  Tōq xek'oje' pe k'iy chi q'eq taq wināq, sāq taq wināq,
k'iy kiwachib'āl wināq, k'iy kich'ab'āl wināq, k'iy sik'ib'āl.

· 31 K'oj ri wiq tanaj, pa ruxe' kaj, k'oj k'a rujuyub'äl winäq, xa man tz'etel ta wi kiwäch. Xa man jun kachoch, xa chöj pa ch'uti'n taq juyu' nim juyu' yeb'eyaj wi "achi'äl e ch'u'j, e mox" xecha' k'a töq xkiyob'ej chik ri rujuyub'äl ri winäq

· 31 · xkib'ij k'a, chi la' xkitz'ët wi ri releb'äl q'ij. Xa jun k'a ri kich'ab'äl chi konojel. Man jani nkich'ab'ej ri che' ri ab'äj, "k'a k'oj chi kik'u'x ri rutzij ri Tz'aqol, B'itol, Ruk'u'x Kaj, Ruk'u'x Ulew"

• || : xecha'. Xetzijon xkina'ojij rij, royob'exik ruqajen, ri saqirik.
richin nkik'utuj richin ta xtikiloq'oq'ej ri tzij, nkich'utininisaj
ki' chi ruk'utuxik chi kaj ri kimi'al kik'ajol;

· ǃǃ : -jaq'aroq! ǃrat **Tz'aqol**! ǃrat **B'itol**! ǃKojatzu', kojawak'axaj!
ǃMan kojaya' kan, man kojamaliǃ kan! ǃRat **Kab'awil** chi

kaj, chuqa' pan ulew! ¡Ruk'u'x Kaj, Ruk'u'x Ulew! ¡Xa xtaya' ta retal qatzijol, xtib'e q'ij, xtib'e säq! ¡Töq xtawawëx, töq xtitik töq xtisaqir! ¡Xa räx ta qab'ey, räx ta qachojmin b'ey xkojiya' wi! ¡Li'an säq, li'an ta ri qamaq'! ¡Utziläj säq, utziläj amaq' ta! ¡Utziläj k'aslem, winaqiren xkojaya' wi! ¡Rat Jun Raqän, Ch'i'p Kaqolajay, Räx Kaqolajay! ¡Ch'i'p Nanawak, Räx Nanawak! ¡Wak', Jun Ajpub'! ¡Tepew, Q'uq' Kumätz! ¡Alom, K'ajolom! ¡Xpiyako'k, Xmukane! ¡Rati't Q'ij, Rati't Säq! ¡Xa xtatik xtawawexaj xa xtiq'alajin pe, xa xtisaqirisan k'a pe'!—

xecha'. Ja re' töq xeq'ejelo'n, xenatan kitz'elwachin k'a rij saqirik, chi ri' k'a kik'aqon wi ri kiwäch pa releb'al q'ij, kichajin ri **Ik' Q'ij**⁸⁰, ri nīm ch'umil, xa ralaxik q'ij, rusaqirsab'al rupam ri kaj rupam ulew, kib'inib'al, kib'ey ri winäq tz'aq, winäq b'it.

Ruwaqxaq Rukak'al Tzij

B'enan, tzolijnen *Pa Tulan Siwan, Wuqu' Pëk, Wuqu' Siwan*

Xkib'ij k'a ri **B'alam Ki'tze', B'alam Aq'ab', Majukutaj, Ik' B'alam**: —tiqoyob'ej na ri rusaqirik— xecha' ri nima'q taq etamanela' e ajna'oj, e ajq'ija' e ajk'ix, ke ri xb'ix chi ke.

K'a man jani ta k'oj che', ab'äj kichajin ri e nab'ey qate', qatata'. Xa kosnäq chik kik'u'x chi ri' chi royob'exik ri q'ij. E k'i'y chik ri amaq', ri aj yaki winäq, ri ajk'ix, ajchay.

—Jo' tib'eqakanuj tib'eqatz'eta', we k'oj nichajin ri retal ri qatinamit, we xtiqil, xa xkojtzijon ta chi ruwäch, xa ke re' niqab'än, man k'oj ta chajil qichin— xecha' ri **B'alam Ki'tze', B'alam Aq'ab', Majukutaj, Ik' B'alam**.

Töq xkak'axaj k'a rutzijol chi k'oj jun tinamit, xeb'e chi ri'.

Ja k'a re' rub'i' ri Juyu' xeb'e wi ri **B'alam Ki'tze', B'alam Aq'ab', Majukutaj, Ik' B'alam** ruk'in ri tamu', iloka': **Pa Tulan Siwan, Wuqu' Pëk, Wuqu' Siwan** rub'i' ri tinamit xeb'e'apon

wi, ape' xkib'ek'ama' wi ri **Kab'awil**.

- :: || Ri xeb'e'apon k'a chi la' **Pa Tulan Siwan** konojel man ajilatäl ta chi winaqi' xeb'e'apon, yejinin yecholöl ri winäq e b'enäq
- :: •|| ri relik pe ri **Kikab'awil**. Xnab'eyij pe ri **B'alam Ki'tze'**, **B'alam Aq'ab'**, **Majukutaj**, **Ik' B'alam** yekikot: –jkan ja re' wi k'a ri qakanon pe! jwakamin xqil k'a!– xecha'.
- :: ::|| Ri nab'ey xel pe **Tojil** rub'i' ri **Kab'awil**, telen ruma ri **B'alam Ki'tze'**. Xel chik pe ri **Awilix** rub'i' **Kab'awil**, ja k'a re' xuk'wa'j ri **B'alam Aq'ab'**. **Q'aq' Witz**⁸¹ chik k'a rub'i' ri **Kab'awil** ri xuk'am pe **Majukutaj**. **Nik'aj Taq'aj** rub'i' ri **Kab'awil** ri xuk'am pe ri **Ik' B'alam**.
- :: ::|| Ja k'a re' ri e rachib'il ri k'iche' winäq, ri xuk'waj ri tamu', chuqa' **Kitojil** ri aj tamu' k'oj rub'i' ri *xk'amon* pe: *kimama'* kitata' ri aj tamu' **Ajawa'** ja k'a re' ri qeta'am k'a wakamin.
- :: ::|| Ri rox chi k'a, ja ri iloka', xa **Tojil** rub'i' ri **Kikab'awil**, ri xuk'am pe ri *kimama'* kitata', ri **Ajawa'** ja ri qetaman kiwäch wakamin.
- :: ::|| Xa k'e re' k'a kib'ina'an ri oxi' k'iche' tinamit, xa man xkisq'opij ta ki' ruma xa junam rub'i' ri **Kab'awil**. **Tojil** k'iche', **Tojil** chi tamu', **Tojil** chi iloka', xa jun rub'i' ri **Kikab'awil**, man k'a xujäch ta ri' ri roxichal k'iche' tinamit.
- :: •|| E oxi' ri qitzij nima'q kik'ojlem ri **Tojil**, **Awilix**, **Q'aq' Witz**.
- :: ::|| Töq xe'ok chik konojel ri amaq' ri rab'inali', kaqchikela', aj tz'ikin ya' ruk'in ri kib'ini'an yaki winäq wakamin.
- :: ::|| Chi ri' k'a xjالاتäjä wi ri kich'ab'äl ri amaq', jalajöj kich'ab'äl xub'än, xa man q'aläj ta chik xa man xkak'axaj ki' chi



kiwäch, töq xetzolin pe **Pa Tulan Siwan**. Chi ri' k'a xkipaxij wi ki'. E k'oj xeb'e kan ke la' **Pa Releb'äl Q'ij**, e k'iy k'a xepe wawe'.

Konojel k'a tz'um ri kiq'ub'äl, man jun utziläj taq k'ul kokisan, xa rutz'umal chiköp kiweqb'äl, kitziyaqb'äl. Xa e meb'a'i' xa man jun achike kichajin (ruma man e chöj ta chi winäq). Xa e nawal chi winäq chi kik'ojlem.

Ja ri' töq xetzolin pe chi la' "**Pa Tulan Siwan, Wuqu' Pëk, Wuqu' Siwan**" ke re' nub'ij chi rupam ri ojer taq tzij. Janina chi b'inen xkib'än töq xeb'e'apon **Pa Tulan Siwan**.

Rub'elej Rukak'al Tzij

Ri loq'oläj q'aq', ri ajawaren k'ojlemal


Man jani ta k'a k'oj ri q'aq', xa xe e k'oj ri **Tojil**. Ja rije' k'a **Rukab'awil** (ruk'u'x) ri amaq'. Nab'ey xuwinaqirisaj ri kiq'aq', xa xe k'a man xq'alajin ta ralaxik rutz'ukik, xa nib'iro chik ri kiq'aq' töq xkitz'ët ri **B'alam Ki'tze'**, **B'alam Aq'ab'**:

–jaq'aroq! ¡Manäq chik qaq'aq'! ¡Wakamin k'a ri xkojkäm ruma tew!– xecha' k'a ri'. Ja ri' töq xch'o'n k'a ri **Tojil**: –man kixb'ison, xa iwichin ri iq'aq' xisäch nib'ij– xcha' k'a ri **Tojil** chi ke.

–¡Kan qitzij, rat **Kab'awil**! ¡Rat qatzuquj! ¡Chuqa' yatiqilij! ¡Rat **Qakab'awil**!– xecha' k'a chi re, töq xkik'awomaj

xub'ij ri **Tojil**. –Ütz k'a ri'. ¡Qitzij in **lkab'awil**! ¡Ke ta k'a ri'! ¡In **Iwajawal**! ¡ke ta k'a ri'!– xe'ucha'ëx ri **Ajk'ix**, ri **Ajchay** ruma ri **Tojil**. Ja k'a re' ri kiq'aq'al ri amaq', yekikot k'a ruma ri kiq'aq'.

K'ate chuqa' töq xtikir jun nimaläj jäb', ja k'a re' nichupun na ri ruq'aq' ri amaq', janina k'a chi säq b'öch xqa pa ruwi'



ronojel ri amaq', ja ri' k'a töq xchup ri kiq'aq' ruma ri säq b'öch. Man jun chik kiq'aq' xk'oje' kan.

- || | Töq xkik'utuj chik k'a kiq'aq' ri **B'alam Ki'tze' < B'alam Aq'ab'**: –irat **Tojil!** qitzij yojkäm ruma tew!– xecha' chi re ri **Tojil**. –Ütz, man kixb'ison– xcha' ri **Tojil** chi ke. K'ate töq xurelesaj q'aq' xusurij pe chi rupam ruxajab'.

- || :| K'a ri k'a xekikot ri **B'alam Ki'tze', B'alam Aq'ab', Majukutaj, Ik' B'alam**, k'ate k'a xemeq'e'.

Ja k'a re' chupunäq chik kiq'aq' ri amaq', yekäm ruma tew. K'ate chuqa' xepe e k'utüy kiq'aq' kuk'in ri **B'alam Ki'tze', B'alam Aq'ab', Majukutaj, Ik' B'alam**.

- || ::| Xa man nkikoch' ta chik ruma ri tew, säq b'öch, xa keloxlöt chik, xa kesikisöt chik chuqa', xa man jub'a' e k'äs wi chik, kekayköt chik kiq'a' kaqän, man jun chik achike yetikir nkichäp töq xe'oqa:

- || ::| –man yojk'ix ta chi wäch chi niqak'utuj, tisipaj ok jub'a' iq'aq' chi qe– xecha' töq xeb'e'apon. Man k'a jub'a' xek'ul, ja k'a ri' töq xmalin xpoyisäx kik'u'x ri amaq'.

- || || Rujalon chik ri kich'ab'äl ri **B'alam Ki'tze', B'alam Aq'ab', Majukutaj, Ik' B'alam**. –jAq'aroq! ¿Akuchi xkanäj wi kän ri qach'ab'äl? ¿Achike xqab'än? jXa xojdach! ¿Jarupe' k'a xojk'axtok'äx, xojq'ol? Xa jun k'a ri qach'ab'äl töq xojpe chi la' **Pa Tulan Siwan**. Xa jun chuqa' qatz'ukib'äl, xa jun qawinaqirib'äl. Man ütz ta wi xqab'än– xecha' k'a kojonel ri amaq', chi ruxe' che', chi ruxe' k'am.

- || ·|| Töq xuk'üt k'a ri' jun winäq chi kiwäch ri **B'alam Ki'tze', B'alam Aq'ab', Majukutaj, Ik' B'alam**. Xub'ij k'a ri winäq ri':